

I N
HIPPOCRATIS
C O I
LIBELLVM DE VIRGINVM
M O R B I S

Commentarius

IOANNIS STEPHANI
MEDICI, ATQ; PHILOSOPHI
BELLVNENSIS

ET CENETAE NOBILIS CIVIS.

ACCESSERE MEDICO-PHILOSOPHICA
Epistolia, Carmina, Sententia de Vesicantibus,
& Medica confilia.

SVPERIORVM PERMISSV, ET PRIVILEGIIS.



V E N E T I I S. M D C X X X V.

APVD MARCVM ANTONIVM BROGIOLLVM.

18
HIPPOCRATES

C. D. I.
LIBRARY OF THE UNIVERSITY

M. O. N. I.

Compositio

IOANNIS STEPHANI

MEDICI, ATQ. PHILOSOPHI

BELLVARIENSIS

ET CANCELLI UNIVERSITATIS

ACCESIT. H. 1700. T. 1. 1. 1.

Recepta, Galeni, Avicennae, et aliorum

Superiorum. A. 1700. T. 1. 1. 1.



V. A. N. E. T. I. S. M. D. C. C. C. C.

ALSO LIBRARY OF THE UNIVERSITY



MO

MO

AMPLISS. ATQ; SAPIENTISS.
 SENATORI DONATO MAVROCENO
 IOANNES STEPHANVS FOELICITATEM.



OLEBAT Prisca illa vetustas, amplif-
 sime Senator, morbis implicitos homines
 passim exponere, uti prater euntium con-
 silijs informati auxiliaria præsidia ad
 bonam, citamq; veletudinem sibi com-
 pararent. Quin præclarus ille, & na-
 turæ amulus Apelles labores suos, pictu-
 ratas scilicet tabellas coram erigebat aspiciendas, ut liberè

a singulis minùs artificialiter ducta lineamenta notarentur,
 ita enim fiebat, ut ille post tabulam delitescens, mendas, si
 qua suberant, edoctus expungeret. Caterùm ut hominum
 varia sunt ingenia, ita & sententia, proin plurimi eam con-
 suetudinem respuentes in contrariam sententiam abierunt,
 & præstare existimarunt, si illi ad spectata, probataq;
 doctrinæ Medicum laborantes detulissent, eiusq; fidei credi-
 dissent, hic verò si expressas imagines, & iconculas ocula-
 tissimo, & perito Zographo proposuisset. Non is sum ego,
 qui iudicium ferre possim, vtra sit potior harum opinionum,
 quæq; alteri prapolleat, proinde in emittendis Commentarijs
 super Hippocratem labores meos ob oculos singulorum expo-
 nere decreui, simulq; tibi amplissimo, & sapientissimo
 Senatori iudicandos offerre, atq; dicare: Ita enim fiet, ut
 singulorum aciem non effugiant, & ad præstantissimum

virum appellant, cuius iudicium instar erit omnium: Quare si mee tibi probentur elucubrationes, non erit amplius, cui improbetur, nisi insipienti, aut indocto. Cape igitur aquo animo, Senator sapientissime, Commentarios meos in Hippocratis Libellum de Virginum Morbis, tui enim est iuris, & officij virgines tueri, qui morum sanctitate, & candore præstas, qui illibatam ab ineunte ætate vitam vixisti, qui pupillare pubertatē pio, mirificoq; affectu protegere visus es.

Tua porro est doctrinæ sentire, quantum ipsi nos promoverimus, & ad Authoris mentem scribendo accesserimus; tu enim Regio generi doctrinam adeo deuinxisti, ut nesciam, an te gentilitas, an potius sapientia nobiliorem reddat. Quibus meritis Respublica excitata præcipuis te cumulauit honoribus, dum te Græcæ Ducem præfecit, in Patria Censorem, legum Seruatorem, vniuersæ ditionis syndicum constituit, & maximarum rerum ministerijs ditauit. Fælicem Remp. cuius munimenta, & turres sunt sapientum viro-
rum sapientia consilia.

, Omih postremæ tantum dent Numina vitæ,
, Aspiciam ut partos fusa ditione triumphos,
, Immanemq; hostem victum, longèq; fugatum
, Maumethem se Caucasæis includere portis;
, At Pacem viridi redimitam tempora oliua
, Ire per Europam magnam, atq; inuisere terras,
, Quam pia Religio, & iunctis Concordia dextris
, Et probitas, & amor recti comitentur euntem.

Fælicem, inquam, Remp. cui præsunt sapientia, & probitas, quibus tu amplissime Senator in primis excelles, & anteis; atq; regere, & ceteris imperare didicisti. Utinam fata te nobis diutissime seruent literatorum Mæcenatem, & Vnētæ Reip. ornamentum.

PRÆFATIO



Anta est in tractandis muliebribus morbis difficultas, tanta est eorum obscuritas, atq; perniciēs, vt iure Hipp. diuinum auxilium implorandum esse dixerit, enimverò cum si affectuum cognitionem, tum si eorundem curationem spectes, vndiq; se se offerunt angustiae. Quare non est mirum, si vulgus eò dementię tandem peruenit, vt simul atq; viderit, seſuinam deſipere, aut diris ſymptomatis torqueri, in veneficia, aut in dæmoniacam vim referat. Nec deſunt, qui ſtupidæ credulitati præbia, & antiſpharmaca ad ſoluenda indigita menta promittant, quorum ſollicitudo, & diligens cura eò collimat, vt muliercularum loculos exhauriant.

Quamobrem operæpretium me facturum putavi, ſi ex Hipp. Medicorum principe conficerem, atq; demonſtrarem, iſs malis, quæ ſœmineum ſexum exercent, nihil diuinius, quàm reliquis, inefſe. Nec putet interim aliquis, me magnum aliquod de me ſpectari velle, nam tametſi aliqua in æditionibus noſtris ſunt, in quibus ſi non frugem, ſaltem rudimentum ingenij, & igniculos quosdam agnoſcas, non tamen adeò Suffenus ſim, qui mihi ſummam, vt doctis probatum iri hæc credam. Quis enim hæc profiteri, aut præferre hoc debeat niſi doctus? Porro nihil tam amplis munitum bonis eſt, quàm nomen docti.

Qui ſe doctū credit, inquit Hermolaus, non poteſt non indoctus eſſe, qui nō videt, quāta, & quā multa neſciat, quod qui ignorat, nec illa ipſa ſcit, quæ tenet. An gubernator in naui poteſt medio pelago, & denſiſſimis tenebris intelligere quantum nauigauerit, ſi non conſtet quantum itineris ſuperſit?

Nec tamen deterreri plus iuſto par eſt, erit aliquid verſari inter doctos etiam indoctum, nam & inter Cellas Apum ſua fucis locuſamenta ſunt, quorum etiam uſus apiarijs conſtat.

Proximum iam eſt, vt noſtri ſtyli rationem in medium afferamus, neq; enim deſunt, qui epichireniata a Platone, & Ariſt. decerpta reſpuant, & in Hippocrate Hippocratica duntaxat apo-

phitegmata

phlegmata desiderent, neq; patiantur aliquid etherogenes interijci. Non desunt, qui scribendi ornamenta exprobrant, expoluntq; nudamq; veritatem quærunt nullo ornatu excultam. Quorum illi, vt nimium delicatuli, ita importunè queruntur, etenim tanta affinitate tenentur physica, & Medica facultas, vt huic illa contemplationis primordia mutuo tradat.

Cur igitur in scopulis ad Platonem, & Arist. non appellam, quorum autoritate munitus titubantem sententiam confirmem? Hos autem vt nec reijcio, ita neq; planè probo, non enim minus peccat, qui desiderat in Philosopho oratoriam locutionem, quàm qui in oratore Philosophorum acribiam, quia Medicus Philosophus, est interpret veritatis, candor autem veritatis postulat, vt oratione tractetur simplici, ne videatur Doctor plus habere loquentiæ, quàm sapientiæ. Quamobrem vt Asclepiadotus olim eleganter pingebat sine coloribus, ita veritas exponi debet nullo fuce exornata. Aduertendum tamen dum Academica verborum maiestas negligitur, & affectata Stoicorum locutio euitatur, ne in Epicuri barbaram, & aridam nimis elocutionem incidamus, sed mediam dicendi genus obseruandum, quale hætenus, ni fallit animus, secuti sumus.

Verum dicentem, atq; obijcientem audire mihi videor. Heus o bone siccine rem agis, siccine eluis, & eludis obiecta?

An nescis, te identidem sambucam aptasse cothurno, modosq; ceu teretissmata grauissimis intermiscuisse sententijs? Verum norint isti Catones, hoc olim Platoni, Arist. & Galeno fuisse familiare, quibus a philosophica dignitate alienum non est visum iucundiores Musas senioribus interseuisse.

In epist. At vereor, vt illud Hippocratis verissimum, quod nempe excellentia mali opinionem de se præbet, propter iudicantium imperitiam, vnusquisq; enim ex his, quæ ipse non habet iudicat, id, quod in alio abundat, superfluum esse sic sanè etiam timidus fortitudinem immodestiam putat.

At morus sim, si seriatos istos homines morer Dodonæo ære obstrepentiores, quibus nihil prius, aut magis in votis est, quàm obuium quoddq; impetere, & Theonino dente proscindere. Quam mox affulgebit Hyæna, cuius umbra efficiet, vt Cynicos inceptus clamor frustretur hiantes.

Virg.

Verum vt prauis stomachi scitamenta, & mensæ delicias auersantur; quibusdam nares graui, fatuoq; odore delectantur; ita deterrima ingenia similibus captantur.

Si non

Si non demigrant animæ divine Joannes
O Stephane, haud vno corpore forma triplex.
Quî formam extelsi Hippocratis, clariq; Galeni,
Vatis & Andini, cum Ciceronis habes?
Quas illos docuere, omnes Meditrina, Thalia,
Et quas Mercurius, pectore claudis opes.
Vt clarum Cous patriæ decus, optima lampas,
Cygnus & Andinus, cum Cicerone micant.
Sic tu Bellunæ genti celebrande Joannes,
Gratia: laurus: honos: gloria: fama: decus.

Benedicti Lauzeri Lusitani

Theologi præclarissimi.

Olim Rect. Sem. Cen.

COMMENTARIOS IOANNIS STEPHANI

DE VIRGINVM MORBIS

EPIGRAMMA.

PEREGRINI PICTORII MV TINENSIS

MEDICI, ET PHILOSOPHI.

Cedite Virgineo cuncti de corpore morbi,
Nil decet impurum membra pudica pati.

Clarissimus Stephanus verbis exponere tentat

Hippocratis mentem, dictaq; docta viri
Namq; nouam medica componens arte medellam

Oppressis apto tempore praestat opem.

Cedite, quiq; diu tenuistis membra benignis

Visti praesidijs accelerate fugam.

Pungentes spinas indignum est semper habere

Innocuos flores, purpureasq; rosas.

TRADOTTIONE DELL'EPIGRAMMA

DI PELLEGRINO INGEGNO.

VScire fuor de Virginali chioftri
Mali, ch' à voi di tormentar non lice
Le caste membra, che toccar disdice,
A' chi impuro quà giù sempre si mostri.
Ecco ch' il gran Giouanni à i tempi nostri
Nouello Orfeo l'Alma bell' Euridice
Rimena al Mondo, e l'immortal fenice
Manifesta di sò trà mille mostri.
Già nouo Pergamen rinoua l'arte
E' dona oppresso altrui cortese aita,
Siche fuggite ò mali in altra parte.
Ne tra le spine ogn'hor la rosa inuita
Giace, ne gl'altri fior sempre diparte
Sterpo crudel per insidiar la vita.



IN
HIPPOCRATIS
COI
LIBELLVM DE VIRGINVM
MORBIS

Commentarius

IOANNIS STEPHANI

Mèdici , atq; Philosophi .



NVM Hominem esse nexum Dei , & Mundi , Hermes ipse Philosophorum Pater iam longè testatus est , quòd diuino intellectu sit præditus , per quem supra mundanam hanc molem cogitatione aliquando adeò effertur , prouehiturq; vt eius conceptiones , animiq; motus mundana hæc materies obsequiosa sequatur , hoc autem heroicis duntaxat animis accidere consuevit . qui a corporis contagione liberiore , & materiæ quiscuilibet minus delibuti sunt , vt miranda prorsus , & quæ naturæ vires excedant perpetrare videantur ; Hinc homo ad Dei imaginem factus esse
A dicitur.

*In Epist. ad
Damascum.*

dicitur. Quod si corporis imperfectionem spectes, nil abiectius, nil calamitosius homine, qui lutulentus adhuc, & humore materno diffuens futuræ vitæ præfagire videtur mala, cum a vagitu prima ducit initia. Hinc illæ vituperationes, nil homine telus alit in foelicius; hominis vitæ mors, finisq; ab origine pendet, cui præstat non nasci, aut quam ocyssimè aboleri, enim verò, ut ait senex ipse, totus homo ex natiuitate morbus est: dum educatur, inutilis, ineptusq; alienum implorat auxilium: dum crescit, inolefcitq; proteruus, insipiens, pædagogus opus habens, dum viget, florescitq; ætas, animum audax petulantia turpat, atqui dum decrescit, roburq; exhaustur, miserabilis, vbi labores suos recolit, & iactat, ex maternis enim yteri inquinamentis prodijt; Quorum calamitatum luculentissimum exemplar exprimit libellus *τερι ταπεινω* h. e. de his, quæ Virginibus accidunt, in quo foemineæ potissimum pubertatis deploranda, & miserrima malâ graphicè appinguntur, quæ ad retundendam muliebris petulantia philautiam apprime faciunt. Verum enim verò cum nil fiat, ut ait Timæus, cuius ortum legitima causa, & ratio non præcurrat, huiusce libelli quatuor, ut fieri solet, causæ accessentur, finalis scilicet, quò primò tenditur, efficiens, formalis, & materiata, quæ subiectum quoq; in scholis perhibetur. Subiectum igitur sunt ipsa virginalia, circa quæ præcipuè Authoris mens, & dissertatio diuersatur, quod vel ipse titulus indicat. Finalis, quæ & utilitas libri appellatur, pathematum, quæ Virginibus, (quo nomine cum foeminas, tum mares audit Hipp.) accidunt, cautio est, atque curatio. Efficiens procul dubio fuit Magnus Hipp. (quidquid alij senserint) natus primo octogésimæ olympiadis anno sub Abriada Monarchiâ, Agriagni Mensis septima & vigesima die, qui parentis sui Heraclidæ, deinde Herodici auditor fuit. Vixit apud Perdiccam Macedonum Regem, floruit temporibus Peloponnesiacis, Democritum coluit Philosophum, ad quem curandum Abderam profectus est (putabatur enim præsapientia apud stultos insanire) liberos suscepit Thessalum, atq; Draconem: E vitâ decessit quartum supra centesimum annum agens. Præter superiorem alios quinq; commemorat Suidas eiusdem nominis, & familiæ, qui huc non spectant. Cæterum formalis causa duplici discrimine distribuitur, tractandi videlicet, & tractatus.

Forma tractandi ex methodo agendiq; modo elicitur, qui aut compositiuus, aut analyticus est, huc enim reliqui referuntur

his

his ancillantes, vt egregij, & omnigena virtute ornatissimi senes
Sanctorius Sanctorio *παιδογανς* vt de Democrito dicebant veteres,
 & *Vallerius Martinus* doctè sanè, ac scitè notarunt, si modò me-
 thodus processus est demonstratiuus, qui a causis ad effectus pro-
 greditur, aut certè ab effectis ad causas. Hic Author diuidendo
 progredi videtur a causis ad effecta.

Atqui tractatus ratio, & forma in ipsi libri in suas particulas
 distinctione, & diuortio consistit. Primò itaq; singulorum mor-
 borum naturam perdiscendam esse ostendit Hipp. quod fieri
 non potest, ni in genere, & vniuersim prius dignoris. Dein mu-
 lierum naturam quibusdam morbis magis esse opportunam,
 quam viri, quo tempore menstrua appellant, (nam & viri, si cre-
 dimus *Themistio*, sua menstrua patiuntur) modumq; docet; quo
 ingenerantur, & ingruunt, & quam differentiam affectuum pa-
 riat affecta particulae conditio, quæ singulos morbos Sympto-
 mata excipiant: Postremum, quæ cautio, curatioq; sit adhi-
 benda præmonstrat hinc sermonem auspicatus.

At verò quoniam eum, qui hæc rectè tractare, discutereq; ve-
 lit, inquit Hipp. oportet ex Dijs ordiri, dein mulierum naturas
 dignoscere, atq; ætates, & tempora, & locos, in quibus de-
 gunt age in primis inuocemus secundum legem Deorum Deum,
 vt ait Plato, vt rebus ritè litatis sermo vim, gratiamq; delibet,
 Panacea efficacitatem,

Da Pater omnipotens, nutu qui cuncta gubernas,

Da facilem cursum, atq; audacibus annue coeptis,

Ignarumq; viae casus miseratus iniquos

Dirige me, & iam nunc votis adfuesce vocari.

Principium sit mihi compositionis eorum, quæ perpetua sunt in arte
 medica, non enim possibile est morborum naturam cognoscere (si qui-
 dem artis est inuenire) nisi quis nouerit naturam in diuisibili, ex qua
 in principio secreta sunt.

Quum in cognitione expressa, & distincta, quæ disciplinis
 conuenit, ab vniuersalissimis ad minus vniuersalia sit per-
 gendum, quoniam in rerum natura nihil actu, explicatèq; digno-
 sci potest, nisi ubi vniuersa tenentur, atq; pernoscentur, quæ ad
 eius essentiam rationem conueniunt, quando secundum naturam
 generalitas, vt ait *Themistius*, specialitatem antecedit, & præ-
 currit, hinc tacitum est, vt ab vniuersalibus conceptibus in expli-

*Lib. de In-
somni. Cap. x.*

*Lib. de nat.
Anul.*

In Timæo.

*Tex. 4.
P. Phys.*

candis Virginum affectibus, auspiciū ducendum esse ratus sit
 omnifarius Hipp. qui profectō sunt perpetuæ veritatis, rectè
 enim a Philosophis proditum fuit æternorum duntaxat scien-
 tiam haberi, atq; ab ipso vniuersali veluti e scaturigine emanare.
 (tamen si confusa, quæq; siue habitu comparatur cognitio, a sin-
 gularibus ortum ducit, vt in inductione ad principia cernere est,
 qua mente omnem doctrinam ex præcurrente sensuum cogni-
 tione conquiri, & nil in intellectu consistere, quin prius sensus
 occuparit, præclarè scriptum est). Verum quænam sunt perpe-
 tua, & vniuersi in Arte Medica, quæ subiecti causa innume-
 ris videtur obnoxia fallacijs? Præcepta, inquam, catholica,
 ipsaq; methodus. Quamquam enim Medica facultas ratione
 cōmunissimi finis sit ars, vtpote quæ opus ipsum respicit, nempe
 sanitatem, multis tamen theorematibus constat, quæ per se sola
 scientia continentur. Quare scitè me hercle quidam Auic.
 secuti totam Medicinam scientiam esse in animum induxerunt,
 atq; accessionem, auctariumq; veluti esse, aliquid artis obtinere;
 id quod vel ipse Alex. censuit, ipsa enim per se primò quod in-
 concussum est, tenet, cōlumenq; immobile prestat, cæterum
 materiæ compos a dignitate declinat. Atqui accidentiam illam
 respicere nihil attinet, etenim quā Medicus opus aliquid admo-
 liri, atq; propetrare obnititur, Medicinam ad singularia contra-
 hit, perstringitq; & quemadmodum hæc de singulis non edisse-
 rit, sed in vniuersum de homine, ita Medicus, dum aliquid ad-
 molitur, atq; pertentat, haud hominem circūspicit, aut quæ-
 rit, at singulos singillatim. Vnde conficitur, colligiturq; Artis
 finem veritatem esse, Artificis sanitatem, ex quo etiam quantum
 inter scientiam & peritiā interfit, palam fit, namq; licet vtrq;
 mentis habitus sit, atq; perfectio, scientia tamen est vnuerſa-
 lum, peritiā singulorum. Illa profectō ab vniuersalibus progres-
 sa ad singularia pergit, hæc verò singularis ad singularia sibi ana-
 loga tendit. Iure igitur Hipp. quæcūq; Philosophiæ insunt,
 eadem & Medicinæ inesse asseruit, qui praxim ad decus, & or-
 namentum conducere iudicauit; & rectè sanè, quum sola naturæ
 cognitio, contemplatioq; ignaua, ac iners, & prorsus manca sit,
 si nulla comitetur administratio rerum, nec sit ad hominum
 commoda, societatemq; tuendam comparata. Quare Medicina
 etiamnum actiua agit de vniuersalibus, quemadmodum & scien-
 tia, atque non eodem modo, quod per naturam praxis vniuersa-
 lia tractat ad singula per Medici industriam accommodata, neq;
 id porro

*P. Pester.
 3. De Ani-
 ma.*

*Artis regule
 in se vera
 sunt, quæ
 tamen si
 applicentur
 ad mate-
 riam inter-
 dum sunt
 falsa.*

Mercatus.

*Lib. de De-
 omni ornatu.*

Tullius.

id porro absolutè, sed prout vniuersalia sunt canones, qui dirigunt opera, ad quæ medentis consilium collineat. Facebant igitur posthac amusi, apud quos sanctum, & venerabile nomen Medicorum sordet, quos sapiens antiquitas secundum Deum, humani generis seruatores, vitæ moderatores, morborum vindices, Alexicacos, Isotheos, seu Deo æquales, ac penè terrestria numina, Deosq; tutelares appellabat, ac magnis diuinisq; honoribus afficiebat; Vnde Hipp. Medicus Philosophus similis est Deo. Omnes homines, inquit Democritus, artem Medicam nosse oportet, o Hipp. est enim res honesta, ac utilis simul ad vitam, & ex ijs maximè eos, qui eruditionis, ac eloquentiæ cognitionem habent; Nam sapientiæ cognitionem Medicinæ sororem, ac contubernalē esse puto. Sapientia enim animum ab adfectibus liberat, Medicina autē morbos a corporibus aufert. Quid plura?

Lib. de Elegans.

Rex Anius, Rex idem hominum, Phabiq; sacerdos.

Sed ad rem. Plato Medicinam inter artes stocasticas h. e. coniecturales reposuit, cui adscripsit Galenus modò remedij quantitate, modò agendi occasione, modò affectuum ignorantia artem coniecturalem effici asseuerans. Hinc dicebat Hipp. Medicus qui potest dignoscere, potest curare. Sed, ne te diutius morer, vterq; Medici opus, non artem respexit, quæ per se spectata inconcussa stabilitate lætatur. Propterea ipse Pergamenus, non ex præceptis, ait, sed ex medentium opera coniecturalis est Medicina, & reuera diuersose habent modo scripta, & opera, vt ad Glauconem scribitur. Neque enim morborum naturam est possibile cognoscere, nisi quis nouerit naturam in diuisibili. &c. Ad consilij sui firmitatem, & robur subiicit, fieri non posse, vt singulorum morborum naturam h. e. speciem, vltimamq; differentiam quis intelligat, ni eam prius in diuisibili h. e. in genere prænorit. Qui verò græcam dictionem, αὐτὸν, indiuisile interpretantur, vt se verba percepisse præferunt, ita rem neglexisse videntur, dum arbitrantur Hipp. retrogrado ordine a singulis formis ad summum genus peruenire velle, vt cognitionem morborum repetat velut ab ovo, principioq; nam generis essentia in omnibus per diuisionem acceptis integra manet, & indiuisa in quolibet, potestas autem diuiditur, & secundum aliquid eius est in vno diuidentium, inquit Albertus, & secundum aliud in alio, & secundum totum in nullo, quare cum generis essentia simplex sit, tota in omnibus simul esse potest diuidentibus, secundum tamen potestatem secatur atq; diuiditur. Hinc colligitur, & diuisibile,

In Theoz. Ad Glau.

In arte P. 1. de med. 5. loca.

Lib. de Arte.

Lib. de Op. secta.

Cap. de Prædic.

Cap. 1.

Notatur
Mauricius
C. edatus.

P. Rhet.

6. Eth. c. 8.

1. 2. Post.

10x. 11.

In Proam.
Met.

2. Post.

diuisibile, & indiuisibile dici posse genus, diuersa ratione, id quod græca dictio porro significat; Quare falluntur, qui Arist. 2. de Anima adducunt, vbi *ἀτομὸν ἴδιον* quum dixit, speciem infimam intellexit, sic & nostrum Authorem hoc loco per *τὸ ἀμέλει* eandem speciem notasse rentur, nam si res penitus inspicitur multis intervallis dissident hæ voculæ. In qua re a nobis profus esse videtur Caluus, qui e græco sic transulit *Nisi totum primo cognoscat, de quo particularia descendunt discretæ sunt. &c.* Particularium enim notitia ex vniuersalibus colligitur, vt a Philosopho sæpius repetitum fuit, & ars ipsa vniuersalium est theorematum, cum singularia nec scribi nec doceri possint, hinc Philosophus nulla, inquit, Ars particularia considerat, quia sunt infinita, atq; adeo ignobilia, & anapodicta, & licet ab eodem scribatur de singulari quopiam scientiam practicam teneri posse, quum scientiæ practicæ verentur circa ea, quæ a nobis fiunt, quæ singularia sunt, attamen in confesso est, atq; compertum scientias practicas quatenus alicuius rei cognitionem tradunt versari circa vniuersalia, Hinc Arist. Non enim, inquit, quæ salubria sint huic oculo docet Medicus sed oculo in communi. Quomani festo spectasse videtur Hipp. quum subdidit (*siquidem artis est inuenire*). Sed quis obijciat Arist. asserentem ex multis experimentalibus conceptibus vnā de similibus opinionem fieri, atq; vt ait Polus, artem consari.

Per varios vsus artem experientia fecit.

Quare, vt constat, ex particularibus colligitur vniuersale cum experimentum sit phantasma memoriæ inhaerens eius rei, quæ identidem, simillimq; modo sensus, animumq; perculit. At verò quando in ipsum Philosophum offendimus, iustum est, vt posteriora sequentes responsionem vestigemus. Inquit igitur: opinari enim, quod Callia hoc morbo laborant hoc concludit, similiterq; Socrati, ac sigillatim alijs multis experientiæ, quod autem omnibus huiusmodi secundum vnā speciem determinatis hoc morbo laborantibus conduxit, vt potest phlegmaticis, aut cholericis, aut æstu febricitantibus hoc artis proprium est. Ad agendum igitur mihi videtur experientiā ab arte differre: Quinimò videmus expertos magis id, quod intendunt consequi, quam illos, qui rationem abiq; experientia tenent. Causa verò est, quod experientia singularium, Ars verò vniuersalium cognitio est: Actiones autem, & generationes omnes circa singulare sunt, non enim hominem nisi per accidens

uens sanat, qui medetur, sed Calliam, aut Socratem, aut alium
quempiam. Si quis itaq; rationem absq; experientia teneat, &
vniuersale quidem cognoscat, quod autem particulare est sub
eo, ignoret, saepenumero errabit a sanando. Id enim magis
sanabile est, quod est singulare. Nihilominus scire, ac cogno-
scere magis arti, quam experientiae arbitramur inesse, ac eos,
qui artem tenent, quam eos, qui experientiam habent sapien-
tiores esse putamus, eo quod sapientia per scientiam omnes
magis sequitur, hoc autem, quoniam illi quidem sciunt quod
est, propter quod autem nesciunt, illi autem propter quid, &
causam cognoscunt.

Sed enim duplices sunt scientiae, vna a posteriore (vtor phi-
losophicae militiae castrensis vocabulis), Quia, nuncupa-
tur, quae duntaxat hoc ita esse demonstrat, quae per solam ex-
perientiam gignitur ex effectibus experimento perceptis hu-
iusmodi esse rem, vel tali proprietate pollere colligens, quae
constituendis artibus confert; Hoc tamen alta mente tenen-
dum, experientiam instrumentum esse intellectus scientias
rimantis, neutiquam verò earundem efficientem causam, cum
sola mens hominis sit huiusmodi. Altera dicitur (Propter Quid)
de qua haecenus locutus est Philosophus probans expertis longè
praeferrì Artifices. Vtraq; in arte Medica desideratur: Hinc di-
cebat Galenus, Artifex peritus euadet, si vniuersalibus theore-
matis singulorum experimenta addiderit. Sed omnium praecla-
rissime Hipp. quorum, ait, natura coniuncta est, eorum quoq;
cognitio coniuncta esse debet, at ratio, & experientia naturas
habent coniunctas, quia ratiocinatio est recordatio quaedam
componens ea, quae sub sensibus percepta sunt, ergo ratiocinatio,
& experientia simul iunctae esse debent, mutuasq; sibi operas tra-
dere ad veritatem cognoscendam, & exercendam. Sunt tamen
qui experientiae in physicis multò magis tribuant, quam apodie-
ticae doctrinae. Vt autem experimentum fiat, duo conueniunt,
materiale vnum, alterum formale. Materiale sunt species reten-
tae in memoria, formale autem est illarum specierum collatio,
quae pluris est, quam species. Haecenus igitur probatum sit,
morborum noticiam in genere prius habendam, quam singulo-
rum, quorum tamen notitia medentibus necessaria est, vt pro-
priae eliciantur indicationes. Nos autem nimis longum fecimus,
vt anamphibola, & facilia Authoris praecepta redderemus.

Lib. de Prae-
ceptis.

Primum de morbo sacro appellato, de attonitis, siue syderatis, &
de timo-

de timoribus, ex quibus adeò fortiter timent homines, ut delirent, & Dæmones quosdam se videre putent ipsis infestos, quandoq; noctu, quandoq; interdiu, aliquando verò utroq; tempore. Postea ab huiusmodi spectris multi iam se strangulauerunt, plures autem mulieres, quam viri, etenim muliebris natura animi est magis deiecti, atq; minuti. &c.

Hipp. lib. de Arte.

Quoniam igitur generatim prius agendum est, quosdam in medium affert Hipp. affectus, quibuscum Morbi Virginum, quandam affinitatem habere videntur, ut iisdem rectè, & in vniuersum cognitis, qui speciem, & similitudinem horum gerunt, sedulo internoscantur, periti enim Artificis est similitum differentias, & differentium similitudines cognoscere. Quantam verò habeant cognationem hystericae passiones, quæ modo aphoniam, modò aphnæam sexcentis stipatam symptomatis, modò deliramenta multigena producunt, atq; adeò quantum cum morbo sacro, attonito, & Melancholijs conueniant, qui vis lauriger Apollinea vel leuiter informatus arte dignoritur, quum epileptico more repetant, & sæpe in eadem deficiant. Quare non desuerunt, qui vteri suffocationem, syncopen, tremorem, cordis palpitationem, vertiginem, ecstasim epileptici morbi species constituerint. Hinc Auic. Hæc ægritudo inquit similis est epilepsia, & syncope, & paulo inferius. Et accidit ei sicut epilepsia. Et interpositis aliquot lineis subdit. Differentia autem inter ipsam, & Apoplexiam est manifestior, & quomodo non? Quum sensus destruantur in ea ut plurimum integrè, & non sit gemitus. Quæ cum a Rhasio, & Mesuço penitus asserantur, non est, cur a Quam agam.

Paracelsus.

Lib. 3. f. 21. r. 3. c. 16.

Actius ser. xvi. ait Atq; hic morbus ubi insuadere assueuerit comitialis modo diuturnus, & per circuitum repetens efficiuntur.

Posterioribus cerebri ventriculos aduersus quosdā obstrui contendit Altimarius. Fernellius. Mercurius.

Morbus itaq; sacer, Græcis Epilepsia, quod sensus omnes, mentemq; repentinè prehendat, est totius corporis frequens distentio, qua homo e vestigio procidit, sensuum omnium, mentisq; munijs interceptis, ut nec audiat, nec videat, nec vlla principum, quas Græci egemonicas appellant, functionum appareat. Concussione ex ore spuma profilit, & solutis musculis vel lotium, aluinæve feces, vel scetificus lentor præter voluntatem effunditur. Causa mali creditur humoris pituitosi, vel melancholici ingens copia, quæ repentinè cerebri ventriculos, meatusq; replens id agit, ut homo animali spiritu cohibito corruat. Hæc tamen non astatim spirituum ductus obstruit, sed nonnihil etiam præterfluit, quo cerebrum concussione adnititur quidquid noxium est discutere. Cæterum præter humoris copiam sunt, qui venenatam, & cerebri substantiæ grauiter insensam qualitatem hæc appellant.

appellant. Sunt, qui ventriculorum cerebri figuratam prauitatem causantur. Sunt, qui proximam causam statuunt expultricis facultatis in membranis cerebri a materia tenui, & acri, & qualitate occulta neruoso generi inimica irritamentum. Præcæteris non est ferenda Quercetani futilis opinio, qui aduersus Medicinæ coryphæos ausus est scribere, in quibusdam Epilepticis inoffenso cerebro primò cor ipsum affici, quòd cor palpitatione, & animi deliquijs corripiatur, quòd phantasia, & memoria integra maneant. Non est, inquam, ferenda, quum sensuum instrumenta sint in capite, quibus animales functiones exercentur, manifestæq; fiunt. Neq; inficias tamen imus, quin in Epilepsijs per sympathiam præsertim ab vtero cor primò, subinde cerebrum coafficiatur, quod vel ipse pulsus indicat. Verùm quis credat, nullum ex vaporibus sacrum morbum excire posse, ni sit chalcantinæ naturæ; quod homo cæteris sapientior obtrudit credulis. Mirum, cur Augurden- ses, apud quos chalcanti mira copia suppetit, dum illud e fodi- nis eruunt, epilepsijs non corripiantur. Sed nos, qui interpretis munus sustinemus, extra cancellos egit aliena curiositas.

Vnio, & Hippomanes, corallia, mixta resoluunt.

Morbus attonitus, siue syderatio Græcis Apoplexis, seu Apo- plexia est repentina motus, & sensus, vniuersæq; animalis fun- ctionis cessatio: Hac quippe percussus nullis ferè mali indicijs præcurrentibus totus repentè quasi attonitus concidit, sine sensu, sine motu, sine mente, solo anhelitu a mortuo dissidens, qui paullò post difficilis euadit, & cum stertore grauissimo. Causa est crassior, frigidiorq; pituita affatim, & vniuersim ce- rebri ventriculos offerciens, aut dum minimum quiddam retis admirabilis arterias, per quas spiritus e corde in cerebri sinus influit, siue neruorum initium confestim obstruit, aut coarctat, & opprimit.

Neque huc admittenda frigida intemperies, quam qui- dam eo argumento adstruunt, quòd hæreditarius sit morbus Apoplexia, quod Hercules fieri non potest citra aliquam dia- thesim, cuius causa pars imbecillitatem contrahit, & simili morbo opportunior efficitur: Sed qui ad repentinam affectionis originem oculos direxerit, huiusmodi nullo negotio dissilauerit; potest quidem frigida intemperies excrementum congener con- gerere, a quo affectio fiat, sed per se sola nequit; a qua sententia Hollerium recessisse miror, atq; iterum miror. Digni sunt

*Holl. affir-
mat fieri
Apoplex. ex
intemp. & q;
difficiliter
solui cap. de
Apopl.*

B huius

huius opinionis fautores cucurbita vertici admota, qua nullum præstantius ad Apoplexiam propulsandam reperit Fracastorius auxilium.

Timoris nomine melancholiam audiuit Hipp. hæc enim timoris parens est, quam Aretæus animi angorem vna in cogitatione defixum, atq; inhiærentem absq; febre, & furore a phantasmate melancholico ortum, finit; Alij mentis alienationem, qua laborantes vel cogitant, vel loquuntur, vel etiam absurda gerunt, longeq; a ratione, & consilio abhorrentia, eaq; omnia cum mœstitia, & metu, quæ duo melancholiæ tecmiria censuit senex.

De l. Aff. Hinc Gal. timor, inquit, nunquam deserit melancholicos; Quod sanè contingit ipsa atra-bile ad sedem mentis appellente, ipsosq; spiritus inficiente, perinde enim atra-bile tentatis accidit, atq; in tenebris obambulantibus, ait Galenus, quem ipse Rhœis filius de more subannat. Fracastorius verò solertissimus hanc comminiscitur causam, cur nempe melancholici sint formidolosi.

*Lib. 2. de
Intell.*

Hoc inquit, non accidit ea de causa, quam vulgares Medici opinantur, & proferunt, quod scilicet tenebras introïsum habent, quia melancholici nō decipiuntur in coloribus; Deinde subdit Non esse simile exemplum de externis tenebris, in his enim timor fit, ut noctu, quia species illa in se, & in coniunctis omnino ut ignota offertur, præsertim cum in coniunctis imaginatio fit. aliqua posse esse contraria, ut accidit in specie noctis; melancholici verò propter hanc causam non possunt terreri, quia nihil propter hoc recipiunt, ut omnino ignotum, a gumento. fit, quod multi per solitudines, & noctes errabundi peruagantur: Causam itaq; in frigiditatem reiicit, quod senes, & mulieres, & Eunuchi demonstrant.

Cur verò delirent, eadem est, inquit, causa, quæ & in vino, & in febribus, quoniam maxime spiritus sa est melancholia sicut & vinum, cui propterea ab Arist. confertur, comparaturq; utrumq; enim inquantumq; quantitate multum habet crassa corpulentia, propterquam euaporatio, quæ inde fit, semper habet unde perseveret non superata, & hac de causa vinum maxime inebriat, non item Aqua, & Lac. quia quod ex ijs euaporat aerem, & separabile. Igitur & melancholia ubi euaporans sedem mentis occupauit, aut Epilepsiam ciet, si multa sit, aut deliramenta, perturbatis spiritibus, & inquinatis, siquidem applicatio animæ in multis præpeditur, & coniunctorum plurima deperduntur, figure mutantur, & similitudines, & loca, & ordines, hinc nec rectè iudicant, nec rectè interrogant, neq; rectè respondent sed de

uno genere in aliud transeunt: Inquieti præterea non mente solum, sed & corpore per continuam novorum oblationem, omnia enim ferè sub displicentiam recipiunt & loca, & personas, & actiones, quare ad noua vertuntur.

Componunt autem & qua non sunt, quando propter celeritatem motionum, apparentiam omnem recipiunt, apparent verò multa extranea vitiatæ similitudinibus, & figuris, & rerum ordine, & coniunctis: Suspiciosi præterea sunt propter timiditatem, & obliquum discursum.

Hæcenus Fracastorius. Vnde colligitur, quàm benè sentiant, qui secius sentiunt.

Ex quibus adeò fortiter. &c.

Ex ijs timoribus aliquando adeò percelluntur languentium animi, vt delirent, & quod dicebat Ennius, timor omnem expectaret prudentiam, quod quidem potissimum contingit Virginitatibus ex seminis suppressione, notante Auicenna. Quidam viso in littore Nili Crocodilo vsq; adeò expauit, vt tota reliqua vita dextrum brachium, & alterum crus sibi exempta esse putarit. Proh nefas, quàm peruium est descipere. Hic animaduertere decet, melancholiam aliquando sine delirio hominem corripere, quòd plurimi melioris notæ Doctores notarunt: Et reuera ita se res habet, si leuis, & primæua sit, nulli distorto, ridiculove Phantasmati addicta, quod quibusdam ad prodigium vsq; accidisse audiimus. Quare satis est, si mœreat homo, facile obirascatur, si morosus sit, vt nihil illi sedeat, nihil arrideat, si quadam inconstantia iactetur.

Melancholici enim, vt docet Arist. varij sunt, & inæquales, prout vis melancholiæ varia est, cuius farinæ plurimos ego noui alioquin sapientissimos, verè enim a Philosopho melancholici ingeniosi, & solertes dicuntur (si modò temperata sit melancholia, & bile perfusa) vsq; adeò cæteris sapientia præstant melancholici, vt quidam melancholiam supranaturalem posuerint, animale potius, quàm naturalem, qua præditi entheastici nominantur.

Hoc enim sensu Plato videtur in Ione Vates, Prophetas, Sybillas, somniorum interpretes melancholicos appellasse. Phauorinus apud Gellium Heroum pathos nuncupat. Atq; vt vno verbo dicam, humor hic æthereus est, ita vt ex eo emergens spiritus cum supernis corporibus necessitudinem quandam contrahat, vt non sit mirum, si quot quot in aliqua arte excellere, vt testatur Arist. Melancholici fuerint, quid quid tandem commi-

Amat. L.
cent. 4. Cur.
Liv.

Forestus
lib. x. obser.
x. x.
Arg. comm. 2
Aphor.

Secl. 30.
Probl.

Riol.

Forestus
lib. x.

Prob. 1.
Secl. xxx.

*Amatus
cent. 3. cur.
LXXVI.*

*carpit Petri
Apponum.*

niscatur Petrus Apponus vir alioquin probatæ, spectatæq;
doctrinæ.

Et Dæmonas quosdam. &c.

*Lib. 3. ocul.
ta Phil. c.
XXXII.*

Quod si ingrauescat timor, qui cum signum, tum causa
atra-bilis esse solet, non modò delirium ciet, verum etiam Dæ-
monas obijcit, qui atra-bile percitos libentissimè adoriuntur,
proin rectè Athanagoras, si cui appareat Dæmon, *ἄνδρα*, inquit,
illius mentem prius peruertit, quod sit commota ad cerebrum
atra-bile. Huc spectauit & perniciosissimus Agryppa, quando
ad magiæ ceremonialis sacra credulos duntaxat, ingenio simpli-
ces, & constantis scientij homunculos admisit, quales sunt me-
lancholici.

*In magnis, Inquit, mysterijs maximè possunt, firma credulitas, con-
stant silentium, & ingenij simplicitas, quocirca pueris, & ex humi-
liore plebecula homuncionibus se præbet videndum Dæmon, audaces
verò, & a timore alienos fugit, atq; contremiscit.*

Primus in orbe Deos fecit timor.

Lib. de form.

Deos interpretantur Dæmonas *ἀνο γὰρ δαίμονες*, quod est
timorem incutere, & sanè incredulis, & interritis nunquam ap-
parent sacris quantumvis ritè peractis. Sed cur credentibus, &
meticulosis sæpe obijcitur Dæmon? An quia huiusmodi atra-
bile diffuunt? An quia mente minimè constant, quo fit, vt
Lemures, & Laruas habeant pro Dæmonibus? An quia aliquo
affectu implicitis leui similitudine facile est imponere, vt Philo-
sophorum Coryphæo visum est? Verumtamen sciendum, quod

*Lib. 1. de par.
An. c. v.*

*Card. lib.
XIX. de subi.*

quemadmodum est vnum summum bonum, a quo cætera suam
bonitatem participant (*primum enim in aliquo genere est causa reli-
quorum*) & hoc est Deus Opt. Max. ita esse summum malum,
quod natura duce refugimus, quodq; nos quàm longissimè a
summo illo bono abducit, quæ opposita Ægyptij Osirim, & Ofo-
marim, Pythagorici vnum, duo, Manes lucem, & tenebras ap-
pellabant. Quamobrem vt summus ille rerum opifex intelligen-
tes se incredibili afficit lætitia, & delectatione, quod vel ipse
Philosophus fatetur, ita cacodæmon mœrore, molestijs, atq;
metu percellit, contrariorum enim contraria sunt consequentia:
Quidam in spiritum imaginationi seruientem causam reiiciunt,
qui dæmonis formam (qualem qualem tandem sibi quisq; finx-
erit) imaginando exceperit, qua imbutus traicit ad oculos, sic
enim fieri volunt, vt nullo præsentè obiecto videat, nam si visio
nihil est aliud, quàm speciei in spiritu in chrystalloide perceptio,
siue

sive species ab obrecto decidatur, seu non, quotiescumq; hoc contigerit, reuera videbit.

In timore, Inquit Fracastorius, admiranda etiam nū magis est causa, quia & sani mente visa videre putant, quæ non sunt, alij simulachra mortuorum, alij dæmones, alij inimicos, alij alia horrenda. Principium verò horum omnium est species formidilis rei, qualis imago nobis, & sepulchrorum, quæ qualibet vel leui occasione illata phantasiam tam intense mouet, ut apparentiam aliquam faciat actu, adeò ut veluti præsens accipiat, fixa enim omnis imaginatio speciem ita intendit, & diffundit, ut in oculis etiam sit, quamobrem ita representat, ac si extrorsum in oculos pervenisset, ad apparentiam enim faciendam nihil refert, utrum species, extrinsecus veniat ad oculum, an intrinsecus, omnino enim per naturam representat, quare ea videre se se putant, quorum imaginationem fecere.

Sed hæcenus ista. Adiecit Author dæmonas maleuolos ad differentiam bonorum, etiam, qui apparentes non metum incutiunt, sed lætitiâ reinquunt.

Postea ab huiusmodi spectris. &c.

Eo dementiæ aliquando adiguntur homines, ut his spectris, & falsis imaginibus decepti usq; adeò animis consternantur, ut se suffocent, non quòd sibi laqueos imponant, ut quidam in animum induxerunt, sed naturali ratione, præ nimio enim metu sanguis ad præcordia confluens, ibiq; incuneatus, respirationisq; meatus offerciens strangulatu homines iugulat quod non minus eleganter, quàm doctè ab Alex. exprimitur in Problematis, cum quærit, cur nonnulli metu extincti?

Respondetq; quoniam fugiens supra modum naturalis virtus, seq; in corpus intimum una cum sanguine recipiens insitum, viuificumq; calorem, eum, qui propter cor gignitur consertim suffocat, atq; extinguit, habet autem sanguis, qui est in corde proportionem ad lucernæ flammam. &c.

Sunt, qui in imaginationem referunt, quæ rerum virtutem, atq; valentiam habet: Sed cum ea immanentem possideat actum, id fieri tantum potest, ubi altera interuenit causa morigera, & eius imperio subdita.

Miram narrat historiolum Amatus cuiusdam Puelli formidine confecti, ad cuius exemplum plurima afferre possem, sed non est, cur longior sim.

Plures autem mulieres. &c.

Tamet si affectus, quorum meminimus, masculis, & foemellis communes,

Audietis sa-
pe aliquos,
inquit Mer-
curialis cap.
de imag. lib. 1
Pract. qui
dū nocte am-
bulant, refe-
rūt, se videre
multas ima-
gines; quod
non aliunde
perficitur
nisi quia ob
timorē ima-
ginationē ha-
bēt corruptā
unde putant
se videre qua
non vident,
& de hoc po-
teritis reddere
causā ut
medici ali-
quorum, quī
dicunt, se no-
ctē videre
dæmones; dico
ut medici,
quia secus
est loqui, ut
christiani.

Probl. xvi.

Zimara
Probl. lxxi.

Cent. 6.
cur xlii.

communes, esse constat, plures tamen foemina: id patiuntur. Sed cur, dices, muliebris natura hisce pathematis magis est obnoxia?

Respondet Hipp. id ideo accidere, quod animi est magis deiecti, atq; minuti mulier, quasi mollis aer dicta, id quod ob frigidiusculam temperiem accidit, nam ut calor animos, audaciamq; indit, ita frigus deiecit, atq; diminuit. Accedit, mulieres ut plurimum capite laborare, & pessimè cogitare, quum solæ cogitant, ut ait Mimus Publianus. Hinc Arist. foeminam priuationi comparauit.

*Lib. 2. de
Gen. An. c. 6*

Fœminæ, Inquit, natura sunt debiliores, frigidiores, & sexus fœmineus quasi naturalis lesio, & detrimentum putridum est.

At subit mirari, cur Philosophus tam iniuriosus fuerit in muliebrem sexum, qui essentiae ratione peræquè perfectus videtur.

Ad hæc rerum perfectionem ex fine repeti, in confesso est, quod verò a communissima natura intelligitur, id priuatæ finis existit, atqui foemina propagandæ speciei studio viro iungitur, quare foeminam ita efformari necessum fuit, ne Animalis procreatio frustræeat. Sed cur in his morer?

*Boetius lib.
de Cōs. Phil.*

Omne humanum genus in terris
Simili surgit ab ortu.
Vnus enim rerum Pater est,
Vnus, qui cuncta ministrat.
Ille dedit Phæbo radios,
Dedit & cornua Lunæ
Ille homines etiam terris,
Dedit & sydera Cœlo.
Hic clausit membris animos
Celsa sede petitos
Mortales igitur cunctos
Edit nobile germen.

*An daemones
norit Hipp.*

Illud interim non est prætereundum, an reuera Hipp. Dæmonas admiserit (quod etsi parergon criticis videbitur, attamen ut Pictores ornandæ tabellæ studio sæpe-numerò Arbusculas, & Aulicas effingunt, ita mihi in præsentiarum licere impendiò optarim, quum ad summas difficultates diluendas maximè faciat). Arist. sub Luna nil præstantius homine cognouisse videtur: Inelementari mundo inquit nullum animal adhuc nouimus, quod sit diuinitatis particeps præter hominem, cui sublunaria cuncta inseruiunt, ipse nulli, nisi fortè homo homini: Nunquam Dæmonum

Dæmonum commemorat nisi in Metaphys. obiter, & exempli loco. In Phys. cum scribit somnia esse dæmonia, non diuina, quia natura est dæmonia, quoniam nullo numero homunculi, ut natura loquaces, & Melancholici, quibus varia visa obuersantur, sæpe numero vaticinantur. Quod si aliquos esse credidisset, de illis proculdubio in Phys. aut Metaphys. libris differuisset, nec mancum opus, & artem præcipua sui parte mutilam, & imperfectam reliquisset. Inter formas physicas nulla præstat humanæ. In Metaphys. præter Deum solæ quinquaginta quinque; Intelligentiæ numerantur totidem orbium motrices. Sublunares spiritus, qui per aerem vagantur, muto silentio obruuntur, & quasi omnino non sint subticentur. Tantum abest, ut quid, qualesque sint, quibusque officiis deuoti, copiosè explicarit, ut physici, aut Metaphysici Doctoris officium requirebat. Aristoteli acriter resistunt Platonici, qui spirituum myriades constituunt, alios enim Igneos, alios Aereos, alios Aqueos, alios Terrenos faciunt, quos lucifugos, & tenebriones vocant. Præterea ex quatuor mundi plagis distinguunt in meridianos, & occiduos, septentrionales, & occidentales: Hos deinde diuidunt minutius in Prouinciales, & Urbanos, quos tutelares Deos appellant; Quin domibus quosdam præficiunt, quos Lares, & Penates nuncupant. Imò domuum certis partibus quosdā præesse volunt, quos Genios loci vocant, quibus Empusas adnumerant: Quosdam pala annuli includunt, quos Paredros vocant. Ecquis erit modus tandem? Cur Stirpibus Dryades, & Hamadryades præficiuntur? Cur Fauni, & Satyri per syluas vagantur? Quid sibi volunt Nymphe, Naiades, Tritones, nisi aqueis animalibus suos esse Dæmones adiunctos existimarent? Eò tandem in distinguendis Dæmonibus Platoniorum peruenit superstitio, de illis recentiores tam ridicula commenti sunt, ut ipsis Philosophis hanc suspicionem iniecerint, dæmonis nomen esse vanum, cui nihil subest, ista larua Pueros dumtaxat, mulieres, & idiotas terri, non philosophos.

Siccine? At si sunt dæmonia, sunt & dæmones, ex effectis enim causæ colliguntur, atque plurima extant dæmonum opera. Quæ? Aliqua quæ supra naturæ ordinem eueniunt, ut oracula, futura prædicere, inaudito sermone loqui, & id genus alia. Putasne deesse, quod Peripatetici respondeant. Priuatione, inquit, cognoscitur habitus, atque humoris melancholici euacuatione, tam critica, quam artificiali, ut elleborismo desinunt &

peregrina

Lib. 5. Metaph. c. de sub. Lib. de Diuin. per somniū.

peregrina dialecto loqui, & futura prædicere, ergo atrabilis erat cum inauditi sermonis, tum prædictionis origo. Si negatio est causa negationis, erit affirmatio affirmationis causa. Quod si a fumis atrabilarijs commota phantasia non modò inter dormiendum somnians, sed etiam vigilans cogitat, effutitq; admiranda, quid ni proferet vocus aliquot sermonis inauditi? *In Probl.* Hæc vi præditos fuisse Vates, ac Sybillas ratus est Arist. atrabilis causa, cuius e bullitione plurima, eaq; portentosa eueniunt.

Hinc Cicero. *Qui vitio valetudinis tenentur, (inquit), & melancholici dicuntur, habent aliquid in animis præsagens, atq; diuinum.*

Quod plurimi iurati Peripatetici cōfitentur. Quamobrè si melancholici, quæ ventura sunt prædident, poterunt inaudita loqui.

Oracula porrò fuisse meras Sacrificulorum imposturas, abundè monstrarunt alij. Quid quæris? Peripatetici

Somnia, terrores, miracula, Sagas

Nocturnos Lemures, portentaq; Thesala risu.

Excipiunt.

Sed ne Platonici quidem defunt causæ, quibus huiusmodi effectus acceptos referant citrà quàm quòd ad Dæmonas confugiant: Nam si intellectus creatus ab æterno afferat secum infinitarum rerum notiones, quæ corporis grauitate sopitæ nouo rerum intuitu refricantur, si olim Heluetij alicuius aut Teutonici corpus mens informarit (etenim si certus est, & definitus animorum numerus creatus ab æterno, & mundus etiam si habuerit originem, nunquam sit defecturus, necessum est, vt vnus, & idem plura corpora informarit, animaritq;) præteritorum recorde potèrit peregrino affari sermone sine Dæmonis auxilio.

Verùm missis Philosophis, quid ex animi sententia putasse Hipp. iudicandum est, qui Dæmonum sæpiuscule, & oraculorum meminit, & in morbis aliquid diuinum subesse confessus est, quinimo indigitamenta non semel innuit, quæ sanè Dæmoniacam vim arguunt? Equidem tantæ quæstionis non ausim me constituere arbitrum, qui scio nullibi consultò, & præse de spiritibus egisse Hipp sed obiter, & cunctanter duntaxat attingisse refellendo potius, quàm asserendo, propterea adiecit (*vt videre videantur*) quo modo & Arist. fecisse constat, qui Dæmonas non vno in loco anceps, & sententiæ dubius subolsit. Quid quid sit, nos qui Christianam religionem verè profitemur, age veritatis ergo Peripateticorum argumenta diluamus, quibus mirabiles effectus in atrabilem referunt.

Sermonis

Sermonis igitur inauditi, & peregrini prodigia exacta, eductaq; atra-bile desinunt, quod humor iste veluti machinamentum est cacodæmonum, quod ad dementandum, & infatuandum vituntur, vt Auiē. etiam asseuerat. Quare summoto medio, & Lib. 3. cap. de melanch. instrumento vt patrare nequeunt scæua facinora, ita obsessos destituunt.

Finitæ enim substantiæ finita etiam necessariò est potentia, quum ergo Dæmones substantia finitos esse constet, vtique potentiam obtinebunt finitam, & determinatam: Definita autem est non vti nostra rebus naturalibus, sed rebus tantum non naturalibus. priuatione scilicet, & negatione, adeò vt ob negationem aliquid ex nihilo constare nequeant, ob priuationem quidvis ex quolibet committere nõ possint (materia enim ad effectum producendum nihil conferens nihili rationem subit) quare substantias facere haud valent neq; citra media, neq; mediorum coitu, atq; congressu, hoc enim naturæ proprium, illud omnipotentis Dei. Ad hæc neq; substantias destruere, demoliriue queunt citra naturalium mediorum admissuram, quare si perturbanda hominum phantasia, si melancholica deliramenta excitanda sunt, atra-bile opus est, (vt Arabum Philosophorum, & Medicorum familiæ placet) quæ ad caput delata (corporea enim substantia spiritali penes localem motionem ad conditum auscultans est, & obsequens) multigena profert phantasmata, quare percipi aliquando futura dictante Dæmone prænunciant, & voces aliquot inauditi sermonis effutunt. Sciendum tamen reuera Dæmones futura non prænosce, sed ex coniecturis colligere. Esse in nostro corpore quasdam habitudines, & dispositiones, quas enixè, & anxie expetant dæmones, vt quàm-mox (permittente Deo) hominem adoriantur, & obsideant, vt illis prohibito fruantur, quibus permutatis, aut sublati e vestigio infatuata deserunt corpora præterquam quod sacrae paginae loquuntur, plurimi prophani Philosophi testantur.

Sed cur plures mulieres dæmoniacæ, quàm viri? An quia propter corporis densitatem multijuga recrementorum vbertate scatent? An propter menstrui sanguinis sœculentiam, qua fordidi, maligniq; spiritus non indelectantur? An propter maiorem credulitatem, & pauorem, sunt enim animi magis deiecti, atq; minuti? An ita vulgo persuasum est, vt scæminas ubi insubris symptomatis vexari viderit, dæmoniacas suspicietur, cum tamen omnia suppressi sanguinis menstrui, aut polluti

femini sint soboles? Sed, ne parergon opus ipsum superet, ad rem.

Ceterum Virgines nobiles, & matura viro hoc magis patiuntur una cum mensium descensu antea non valde hinc affecta. Postea enim sanguis in uteros confluere velut effluxurus. Quam igitur osculum exitus fuerit obstructum, sanguis autem amplius influxerit propter cibos, & corporis augmentum, tunc sanguis non habens effluxum præ multitudinem refilit in cor, & septum transuersum. &c.

In postremis
lib. de celo
& in meta-
phys.

Quamquam Arist. incredibili sapientia Pythagoricorum, & Platoniorum sententiam euicit, quantitatiq; nullam inesse efficaciam ostendit aliquid tamen latentis naturæ numeris quibusdam subesse, in quibus occultas vires explicans mirabiles gerit effectus, septenarius numerus facile demonstrat, in quo & generationes, & corruptiones plurimæ contingunt. Quæ causa scripsit Philosophus, esse quasdam aliofies naturales, quasdam non naturales, naturales vocat, quæ fiunt diebus diiudicantibus, ut septimo. Vnde Linus Poeta.

Lib. 5. Phys.

Septima cum venit lux, cuncta absolueret cœpit.

Omnipotens Pater, atq; bonis est septima, & ipsa.

Est etiam rerum cunctarum septima origo.

Septima prima eadem perfecta, & septima septem.

Vnde etiam cœlum stellis errantibus aptum.

Voluitur, & cyclis totidem circum vndiq; fertur.

Plurimis septimo ætatis anno affectionibus nos esse oportuit, nos, nemo est, qui expertus non sit, maximis autem, & manifestissimis secundo septenario implicari, afficiq; quo tempore maiores ex ephebis excedere, & hircire incipiunt; Cuius rei rationem retulit Alexander in Problematis dicens.

Prob. 125.

Quia tunc, quæ per humana corpora meat natura plurimam, & repentinam ætatis mutationem efficit, cuius quidem rei fidem operatio facit, videre est enim feminis mammas turgescere propter lactis collectionem, tum ea loca, quæ circa pubem sunt, pubescere, præterea vniuersum corpus dilatatur, quod & morborum mutationes indicant, & quæ solutiones circa annum decimumquartum fiunt, & vocis asperitas, quæ branchus h. e. raucitas appellatur inæqualiter aspera arteria dilata. &c.

Mentalis.

Hoc fieri arbitrantur quidam, quod dum genitale virus producit, spirituum præsertim vitalium maior copia ad testes effunditur, hinc reliquum corpus fraudatum hebescit. Accedat, vim seminis, foetificiq; lentoris genitiuam, quæ ante id tempus veluti sopita delitescerebat torpida, quo tempore semen procreatur,

tur,

tur, atq; excitur, non modò testes ad pensum absoluendum excitare, verùm etiam qualitatem quandam seminalem virosam reuera, sed spiritaliter solis instar radios effundentis in vniuersum corpus emittere, quæ totum afficitur.

Hinc quæ venèrem sensere animantes, palato insuauiores esse consueuere, præsertim cum libidine surgent. Fœminis verò non modò istæ contingunt mutationes, sed & menstrua purgatio, sola enim animalia viuipara, eaq; non omnia congerunt crudum sanguinem comparatione mulieris exiguum, quod maxima pars in pilos absumatur, quem menstruum appellamus, quod singulis mensibus excernatur. Colligitur autem quod sic expediat seruandæ speciei, excernitur, quod hoc exposulet comoditas indiuidui, suppressus enim graues morbos inducit, ni transferatur ad procreationem, aut nutritionem fœtus.

Hinc Hipp. in suppressione mensium narum hæmorrhagiam bonum esse dixit, quia sanguis per vterum efluxurus per nares erumpit, qui detentus circa vterum tumores, vel febres, vel hydropas pareret, vel ad mamas conuersus furorem ciceret, sanguis enim suppressus est admodum feruens, vt non possit regi à calore inamarum, & in lac commutari, quod fit, vt sanguis ita torridus leuitate sua in cerebrum subrepat, & furorem accersat.

Qua ratione scitè ab Hipp. proditum fuit, viro mulierem esse calidiorem, ob aggestum scilicet, & supercalescentiam menstrui sanguinis, cuius porro materia eadem, quæ alimentarij sanguinis, efficiens frigidior natura & deses vita, accedit laxitudo, vnde corpus redditur dissidiaphorèton, quæ causâ redundantia non ita dissipari queunt: Menstruæ fluxionis videtur eadem, quæ aliarum excretionum causâ, nam quoties excretrix facultas quantitate, aut qualitate materiæ irritatur, toties menses, nisi quid impediat, vt obstructio, aut impotentia excretricis, exeunt. Altiores tamen Fernelius more suo causam agnoscit.

Neq; enim inquit, sola sanguinis redundantia circuitus causâ esse potest, quoniam is etiam, quæ sanguinis exiguum congefferunt, quamquam parcius, & ita tamen circuitibus effunditur.

At huius circuitus causâ aut in naturæ consuetudinem, quæ omnia certis legibus, statq; periodicis exequitur, aut in sempiternos, & immutabiles lunæ cursus referenda est, quæ vt luminum varietate tum crescens, tum decrescens, senesce, sq; mensem dimittitur, sic hominis, vt sanè reliquorum omnium humores rata ordinis constantia regit, atq; moderatur.

Lib. 5. Aph. 33.

Lib. 7. de morb. mul. n. 2.

Lib. de Hom. Procreant.

Cæterum fluit hæc materia ad genitalia, per eaq; statis temporibus euacuatur, quia membra generationi inferuentia in foemellis sunt debilia. Hinc Gal.

Fœmina, quia imbecillius animal excrementis abundat, quia verò infirmiffimas genitales partes habet, in eas sanguinem effundit.

Accedat naturæ impetus, quo grauius deorsum prouoluuntur.

Virgines igitur nobiles, quum menstruorum tempus appellit h. e. anno ætatis decimo quarto præ cæteris simillimo morborum genere apprehenduntur, si menses intercipientur. & per nares saltem non erumpant, nam per moram prauam indispuntur qualitatē (sic vitium capiunt ni moueatur aquæ) & per nervos, venas, & arterias principes partes in consensum trahunt; & hinc multiuga symptomata prodeunt. Enim verò vapor ex vtero sublatus viscera, ventriculūq; feriens nauseam quandam mouet, quam tamen rarò excipit vomitio, sæpius tædium, cibi; abominatio, non sine borborygmis ventrisq; rugitu. Cum halitus in septum transuersum, thoracisq; particulas irrepfit, breuem respirationem, crebramq; veluti compressio thorace inducit, atq; cor obsidens leue animi deliquium parit. Pavor hic agram externans inuadit, tamq; vehementer interdum, vt de se actum, conclamatūq; esse arbitretur, vt nullo consilio, nullo hortatu in bonam spem erigi possit. Vapor hic altius fauces subiens eas veluti vinculo perstringere, & manu præcludere videtur, spiritumq; penitus intercipere magna præfocationis formidine. At vbi cerebrum atq; inuasit, alijs quidem vterinum furorem, appellatum cum garritate, & iracundia ciet, aut alia delirationis genera metus, horrorisq; plenissima, alijs caroticam affectionem, seu veterum inducit, quo mulier corruens cœuatoniam iacet sine motu, sine sensu vlllo, respiratio adeò exigua, & rara, vt aliquando nulla, aut transpiratio pro respiratione credatur. At nihilominus pulsatio aliquanta manet, vt vix dum tamen percipi possit. Quid plura?

Luctus ubiq; pavor, & plurima mortis imago.

*Mercatus.
lib. de morb.
mul.*

Mirantur quidam non immerito, qui fiat, vt ex vnica parte aff. et, ex vnica formali, & materiali causâ tot symptomata myriades emergant. Sed vbi partium, quæ in sympathiam trahuntur, idiosyncrasiam, & propriam conditionem, vbi putridæ substantiæ copiam, putredinis gradum, modumq; animaduertint, desinent mirari e vestigio. Hi sunt igitur varij gradus,

& ordines,

& ordines, variæq; affectiones, quæ circuitu veluti epilepsia repetunt, quæq; attonitis, & melancholijs analogi sunt, quibus mulierum, maxime Virginum natura opportuna est, ubi menses resides sunt, neq; pro naturæ lege abeunt. Hinc rectè Hipp. *Lib. 5. Aph.* dicebat.

Si menstrua plura fiant, morbi proueniunt, & si non fiant ex utero morbi contingunt.

In tanta mehercle mediocritate, & habitudine hominis sanitas consistit, quam harmoniæ rectè comparat Arist. vt quauis exuberantia pessumeat: Propterea idem ipse quæsiuit;

Lib. 1. de An. sect. 1. Probl.

Cur exuperantia vim habeant morbi committendi?

Respondet, quia vel excessum, vel defectum efficiunt, in quibus morbi consistunt.

Opportunè utiq; & pro consuetudine vterina excretio manans plurimis mulieres commodis augeat, vnde senex ipse asseruit, affectiones, quæ foemellæ accidunt, ni tollantur, ubi menstrua erumpunt, diuturniores fore. Quod si subsistant, aut perperam efluxerint, nesciæ, foedæq; calamitates impendent.

Sect. 3. Aph.

Sed cur circa pubertatem hæc mala Virginibus ingruunt? An quia hæc ætas, vt retrò sumus fati, magnam in corpore mutationem parit? An propter sanguinis, & seminis orgasmum?

Tunc enim ingens maximè libido exurensq; & vehemens ardor amoris est, vt præcipites sæpe ferantur in Venerem, ruantq; citra pudorem vllum, qua causa mandat Philosophus ab Hipp. edoctus, vt quum mammae turgidulæ prominuerint, diligenti custodia domi retineantur, feruenturq; In illis igitur semen turgescentes principio pubertatis si coerceatur, mensruusq; si cohibeatur fluor, nonne rationi consensaneum, vt vnà cum mensruorum refluxu Virgines tunc temporis in hæc vitia potius incurrant, & solito frequentius? An quia menstrui sanguinis conditio venefica est, & pernicialis? Huius opinionis Feinelius fuisse

Lib. 7. Physic. fol. 67.

videtur, quoniam ubi mulieres mensruis purgationibus laborant ad conceptionem ineptæ sunt, aptiores verò, ubi ab hoc fluxu liberiores fuerint: Quod mensum obstructione laborantes grauissima symptomata patiantur, quæ illius sanguinis noxam, atq; perniciem indicant: Quod mensruis fluentibus concepti elephantici euadant, ob venenatam seu: nentrum sanguinis qualitatem. Huc conspirant Plinius, & C. Iunella, quod nouella germina a mensruosis locis, vel leuiter attacta penitus obareant, specula indelebilem maculam contrahant, pueri labem, in quam

in quam hæresim multo antea tempore venerat Arist. Verumtamen, quæ adscribuntur menstruo noxiæ qualitates in residem, & malè affectum, aut certè in lochia sunt reiiciendæ, nam si venenatus esset menstrualis sanguis neutiquam fœtum in utero enutrit, nequaquam in mammis in laudabile lac facefferet. Sed cur non interficeret, aut officeret? Nec est, quòd aliqui respondeant, venenum non agere in proprium subiectum, sed in aliud sibi obiectum, nec referenda est causâ in consuetudinem, qua venena etiam in alimoniam vertuntur, siquidem menstruum sanguinem sola copia excrementum esse iamdudum a Medicinæ coryphæis statutum est. Nec est, quòd aliqui deterrimam in menstruo sanguine portionem comminiscantur, qua delibutus fœtus tandem extra uterum certo tempore foras exigit, atq; protrudit ceu heterogenes quid, & naturæ dissidentaneum, unde morbilli, & variolæ repullulant, quoniam menstrualis est reliquifæ ignis particula sola copia grauis. Neq; exanthemata, seu variolæ, ut putat Arabum familia, ex menstrui reliquijs in poris latitantis producantur, cum perenni effluxu corporis moles dilabatur, qua causâ scripsit Philosophus, nos augeri secundum formam, qui sciebat materiatis particulas indefinente effluio labascere, nec permanere, consistere autem oportere idem, quod adaugeat. Ad hæc cur fœminis, quibus subsistunt, superimunturq; menses, hac labe, atq; colluue non scèdatur cutis? Rectius igitur, qui in certam cœli constitutionem, & ascitum calorem reiiciunt, a quo sanguis inæstians, si quid subest noxium, foras excernit, atq; propellit ad cutem, commune totius corporis emissarium. Quod si menstrualis iste sanguis malè afficiatur, aut in alienam degeneret naturam pessimè euadat, oportet. & veneno finitimus, ut ex grumo sanguinis nata symptomata monstrant; omnis enim de contrario in contrarium fit mutatio. Sed proximum iam est, ut videamus, quæ mala superueniant ex sanguinis palyndrome, & recursum ad cor, & sepium transuersum.

*Lib. 1. de
Gen.*

*Mercatus
Ant: Valle-
sius supra
Holl.*

Quum igitur hæc repleta fuerint, cor satium fit, deinde ex satuitate torpedit, postea ex torpedine delirium apprehendit. Quemadmodum cum aliquo longo tempore desidente sanguis ex coxæ, & femoribus depressus in tibias, ac pedes torporem inducit. A torpore autem pedes ad iter faciendum impotentes fiunt, donec sanguis ad ipsam reuertatur. Reuertitur autem celerrimè, quum steterit in aqua frigida, quæ ultra malleolos madefaciât, atq; hic torpor facillè cedit.

cedit, citò enim propter venarum rectitudinem refluit, & locus corporis non est periculosus. &c.

Quum igitur hæc loca, cor scilicet, & septum transfuersum repleta fuerint, & sanguine anarropo, & refluxo turgida (necessum enim est, ut sanguis exitu prohibitus, ni resaguet, tandem eò refluat per eosdem ductus, unde primum effluxit) cor fatuitate laborat, hanc verò torpor excipit (hic enim (ex) ordinem dicit) hunc verò delirium, & mentis alienatio sequitur, nam, cum anima sit in corde veluti in radice, seu, ut dicebat Arist. ut Rex in sua regia: cor principis functionis initium esse, iustum est. Hinc Hipp. mentem hominis in sinistro cordis ventriculo sitam esse scripsit. Audienda tamen Arist. sententia eo modo, quo alibi luculenter expositum est. Hoc usu venire existimauit capuaceus, quod ab affecto corde cerebrum in consensum trahatur. Hinc conlare potest, quam futilem, absurdamq; commentationem inierint, qui sanguinem in orbem agi, perenni; vertigine, circuitq; eodem remigrare, unde profectus est, mordicus concedunt. Sed quia tam insanam opinionem ferre non potuit doctissimus Partisanus eidem grauib; rationum momentis explodendam relinquo.

Ceterum Hipp. sibi aduersari videtur, nam libro de morbo sacro (si modò illius est liber ille) scriptum reliquit.

Dicunt quidam, quod corde sapimus, & quod hoc est, quod angitur, & quod curam gerit, verum hoc non ita se habet sed conuellitur quidem, veluti præcordia, & magis etiam propter easdem causas ex omni corpore vena ad ipsum tendunt, & conclusiones habet, ut sentiat, si quis dolor aut collectio homini contingat, necesse est enim dum angitur, horrere corpus, ac distendi, & si quis nimio gaudio perfunditur, idem pati, quapropter cor quidem, & præcordia maximè sentiunt, sapientia tamen minimè participant, sed horum omnium causa cerebrum est.

Quid igitur pro Hippocrate respondeas, hic ad vulgi opinionem, consuetudinemq; locutum fuisse: quod nonnulli excogitarunt. An nos corde sapere verum est, quod melioris notæ philosophi ea distinctiuncula probarunt, animam quippe secundum iudicium, & perfectionem in corde, secundum receptionem in cerebro. Hinc Poeta ille.

Cor sapit, & pulmo loquitur, fel suscitatur iras.

Et reuera cor omnium apprehensionum, quas a sensibilibus per sensuum machinamenta elicimus, fons esse videtur, tametsi vniuersæ.

Lib. de corde.
Lib. de stru-
ct. Hom.
Lib. de meth.
Anatom.
c. de corde.

Ioannes
Huartes
Cordatus.

vniverſæ ſenſuum functiones, & munera a cerebro manifeſtan-
tur, & proferuntur. Quæſtionis enim veritatem hic Hipp. ra-
tione æſtimavit, non ſenſu, ratio autem primum, & formale
principium in corde eſſe manifeſtè demonſtrat.

Huic ſententiæ adſcribere videtur Argenterius dum ait.

*Vna anima vt eſt impartilis, & vnâ habet eſſentiam diuerſis ſa-
cultates habentem, ita corpus vnum eſt, cuius organa ab vno principali
organo originem trahunt, hoc autem eſt cor, in quo natiui caloris officina
viget, & vitales ſpiritus procreantur, ſine quorum opè nec ullus
motus edi, ne vlla internorum, externorumve ſenſuum functio obiri
poſſeſt.*

Quum igitur cor, & diaphragma ſanguine repleta fuerint,
cor fatuum fit. Cur ita? dices. An quia ſanguis ſimplicitatis,
& ſtoliditatis auctor eſt. An quia ſonticam, & venenatam ex
vtero naſtus fuit qualitatem, vnde hebet anima?

*Gal. lib. de
ſymp. diff.
Mercato.*

Fatuitas eſt ſymptoma in aſtione minuta facultatis æſtimati-
uæ, quæ tunc fit, quando quis intelligenda percipit, at parum
circa ea ratiocinatur. Hic Hipp. accepit pro rationis defectu,
vt cuidam Neoterico quoq; placuit.

*Cordatus
paritur.*

Neq; mihi illorum ſententia probatur, qui fatuitatem inter-
pretantur ſegnitiem, cordiſq; hebetudinem, & tarditatem ad
motionem, quig; vt rem exprimant inconcinno, & inhoneſto
vtuntur exemplo; quamquam non eſt inſiciandum, cor penes
motum etiam torpeſcere, & veluti contrahi, vt ſecundum
omnem partem quod noxium eſt, declinet.

Aph. 16.

Torpor voluntariæ potentiæ læſio quædam eſt, quæ eſſi in-
duci ſolet a frigido, torporem tamen mentis a calido fieri quinto
Aphor. lib. planè conſeſſus eſt, omnis enim intemperies deiicit
aſtum propriæ facultatis. Quare circa vlcera incuneatus ſan-
guis primò fatuitatem, deinde maiorem ex loci anguſtia naſtus
caliditatem torporem inducit, deniq; ex vltiore aduſtione
atræ-bilis vim conſecutus delirium ciet, quod ſanè, vt prædixi-
mus, operis, & generis ſocietate contingit. Non eſt præte-
reundum, quoidam pro diaphragmate hepar audiuiſſe, quod
cor, & hepar ſunt communes ſanguinis fontes, quod etiam
Hipp. placitis eſt conſentaneum. Sic enim ille libro de natura
muliebri.

Cordatus.

Nim. 3.

*, Si vteri ad hepar acceſſerint, muta derepen- tē fit, & dentes conſerit,
& color niger fit, patitur autem hæc derepen- tē, dum ſana eſt, fit
, autem huiusmodi affectio Virginibus, maxi- mē antiquis, & viduis,
, quæ*

qua iuuenula sunt, & pepererunt, & viduae manent.
Quemadmodum cum aliquo longo tempore. &c.

Dicta exemplo probare nititur Author satis euidenti, quod etsi non omnino rei quadrare videtur, ita tamen intelligi potest, vt quemadmodum sanguis confestim ad cor irruens eius actionem imminuit, atq; præpedit, ita ad musculos delatus torporem, & lenem quandam paralyfim inducit.

A torpore autem. &c.

Quum autem torpore correpti fuerint pedes, incessus impotentes sunt, nam torpor, ait Gal. ad motus ostendit futuram ægritudinem, donec sanguis eò ressuat, vnde digressus est.

Reuertitur autem. &c.

Ocyssimè verò reuertitur, si pedes in frigidam immittantur, quæ ultra malleolos madesfaciat, hæc enim vim habet reprimendi, & celerrimè vim suam altè subeuntem toti communicat, qua causa scripsit Arist. eos, qui nudis pedibus inambulant, veneris esse impotentes, quòd inde genitalia, atq; adeò totum corpus, refrigerentur: Quo argumento vtitur Gal. ad resellendum Arist. dicentem, ita a natura institutum esse cerebrum, vt cor refrigeret; hoc, inquit, officium pedibus potius erat demandandum, quum vniuersum corpus illinc celerrimè afficiatur, quod sanè illi probarunt, a quibus veritas igne extorquetur. Hinc illud Pauli verissimum esse colligitur, dextri scil: pedis pollicem oleo, cui cremati stellionis cineres permixti fuerint; oblinere, summis ad suscitandam venerem viribus pollere. Hæc autem eò spectant, vt multum facere concludamus, extremarum partium affectiones ad vniuersum corpus immutandum, quod in hæmorrhagijs, & cholericis affectibus e vestigio experimur. Immissis igitur in aquam frigidam pedibus facillè repellitur torpor, & sentiendi, mouendiq; hebetudo, cum per venarum rectitudinem facillè ressuat sanguis. Scire tamen licet, hunc torporem fieri potius ex compressione nervorum (quàmquam Hipp. in renuin calculo adnotante Hollerio cruris stuporem ex compressione venæ potius fieri existimat.) & præ nimio madore, quàm alia de causa, qua ratione ij, vt in exemplum attulit Hipp. qui in crura, aut in brachia incubuerunt, maxime si inconcinne, & perperam disposita fuerint, quendam torporem, & narcosim perferunt, quæ tamen paulò post euanescent. Quare sanguis regeffus, & reffusus torporem submouet, quia nervosum genus non amplius comprimitur alioquin per

antiperistasin prodesse posset frigida, quo modo in tetano vitur Hipp. si eularcus iuuenis ætate media afficiatur. Interim animaduertendum, ex hoc loco nos posse colligere, quanti sit facienda catixis, & vasorum rectitudo ad reuulsionem, iuxta & repulsionem moliendam, quam quidam secundum fibras perperam spectari volunt.

Ternalius.

At ex corde, & septo-transuerso tardè refluit, vena enim obliqua sunt, & locus periculosus, & ad delirium, & insaniam paratus, quum enim hæ partes repleta fuerint, & horror cum febre ingruit, erroneas febres appellant.

Cæterum sanguis in præcordiis stabulans non ita citò repellitur ob venarum obliquitatem. & ob partis dignitatem periculum impendit, ob peculiarem verò affectæ particulæ conditionem desipientiæ imminet, sic enim vsu venit læto corde aus diaphragmate, quod phrenes antiquis dicebatur, non quoddam rationem aliquid conferat, sed ob miram sympathiam, quæ illi cum cerebro intercedit tum ob insignium nervorum societatem, tum ob perennem, validamq; agitationem, qua fumidi vapores impetu ad cerebrum pelluntur, ac stabelli instar transmittuntur, nam si solam nervorum societatem admittis, cur inflammato ore ventriculi, quod insignes nervos recipit, idem non accidis delirium, & paraphrosin? Quam in rem alibi Hipp. appositè.

*Lib. de super
sat. n. 24.*

Si Virgini, inquit, menses maturi non prodeant, multum febricitat, & dolet, & sitit, & esurit, & vomit, & furit, & rursus resipiscit, Uterus mouetur, & cum ad viscera vertitur, vomitus, ac febres, & delirium accidit. Vbi verò datur uterus, hæc; quiescunt, esurit, & sitit, ac febris lenis, hepialon græci dicunt, tenet.

Cui applaudens Ayic.

*Lib. 3. P. 11.
T. 4. C. 16.*

Symptomata, inquit, quæ suppressas menstruas purgationes excipiunt, variè se proferunt, produntq; pro humoris in sanguine dominantis conditione, quod si fuerit humor melancholicus, ipse accersito in consensum cerebro mentem alienat, impetito, istaq; corde syncopen calamitosam ingenerat, ac diaphragmate diuulso anhelitum adimit.

Plurimaq; alia recenset incommoda, quibus cerebrum potissimum, & cor consortij lege lacerantur, & peccelluntur, si menstrua non abeant.

Quum enim hæ partes. &c.

Cum igitur præcordia repleta fuerint horror incidit una cum febre, quia scilicet tunc inculcatus sanguis minimè distatur,
hinc

Hinc putredo prouenit, ad quam influentis caloris in subsidium fit reuocatio, quam sanè caloris retractionem horror excipit: Est enim tum horror, tum rigor natiui caloris affectio; etenim cum ex sentientium partium affectu dolor molestat, ad viscera innatum calidum sese recolligit, & extremæ, extimæq; partes calore destitutæ inalgescunt, atqui intus conclusum cum suffocetur moræ impatiens foras vehementius prodit, quo sese proferente membra veluti resectis viribus humorem morbosum motant. Hanc caloris reciprocationem sequitur sentientium partium expulsio, facultate nimirum a causa morbifica irritata, & a cordis calore adiuta ea vi, & impetu, vt fiat totius corporis concussio. Cæterum in interna phlegmone fit horror. & extremorum algescencia, quod caloris fiat intrò reuocatio, eò enim calorem, spiritus, & sanguinem ministros natura amandat, vbi fit defectus. Quæ verò hinc sequuntur febres symptomatice appellantur, quamquam hoc merito ab Auic. si res penitus inspicatur, fugillatur, & conuellitur. Febres itaq; quæ Virgunculas inuadunt, cum sint variæ nullamq; certam obseruent typum, erroneæ febris ideam præferunt.

Cui rei adscripsit Gal.

Lib. 6. de Inc.

Si menstrua, inquit, deficiunt, grauitas totum corpus molestat, aff. c. 1. item fastidium, & nulla cibi cupiditas, inæqualitas horrida.

Et paulò post subdit. ab ardentibus febribus excipi cohibita menstrua; A quo ne latum quidem vnguem discendens Auic. inquit.

Lib. 3. F. 21.

Tr. 4. c. 16.

Ex menstrua purgationis cohibitione plurima emergunt incommoda, corpus grauatur, atq; gracilescit, & mæret, & adueniunt horripilationes, & febres adurentes, & anxietates, & tristitia.

Sed omnium pulcherrimè Aetius.

Serm. 16.

c. 11.

Mulieribus, quæ non purgantur consueto more, sanguinis reiectionis, ac syderationis periculum imminet. Nam suppressis mensibus molesta accidentia consequuntur. Totius corporis grauitas, nausea, fastidium, horridi quidam discursus, velut in his, quæ conceperunt. Non tamen ita, sicut his, quæ conceperunt vteri osculo clauditur; illis enim occlusio adest cum quadam durtia. Dolores insuper circa lumbos, femora, collum, sinciput, & oculorum radices adsunt. Febres item assidue concomitantur, & vrina nigra sunt cum rubicundo quodam, ac sanioso, & seroso humore. Difficultatem item, ac stillicidium vrine patiuntur. Et quadam in melancholicum atra-bilis morbum, aut insaniam delabuntur. Cutis

D 2 superficiem.

superficiem dolent, & inflammationes, ac ignes sacros diuersomode sustinent.

*Cordatu:
notatur.*

Hoc igitur inter omnes conuenit, quod suppressos menses sequuntur inæqualitas quædam horrida, febres ardentes, & assiduæ, & mentis abalienationes. Quare subit mirari, cur febrem hepialam hanc appellere maluerint quidam, cum reuera non sit huiusmodi. Sed ad rem.

His autem sic se habentibus præ acuta quidem febre insanit, præ putredine clamat, præ caliginositate timet, & formidat, præ compressione uero circa cor strangulationes parat, præ sanguinis autem malicia animus moriens, & anxius malum attrahit.

Tametsi humana mens nulli organo innexa nullis videatur primarum qualitatuum exuperantijs affici, nihilominus phantasie causa, quæ intelligentiæ semper cohæret, ut comes, affleatq; eius indiuidua, in sympathiam trahitur, cum non nisi via, procurationeq; sensuum uisa, & imagines animis insculpantur, eaq; est ratio, quoniam intellectalia reuera non sunt seiuncta a sensibilibus, quemadmodum existimabant Platonici, propterea Arist. scripsit nullam rem a nobis intellectam esse præter magnitudinem sensibilem; necessum est igitur, ut nostri intellectus intelligibilia in phantasmatis sint, & ideo non potis est quispiam noua cognitione, scientiaq; informari, neq; intelligere quasi scientiæ habitu utens, quin inter discendum, aut speculandum phantasma aliquod effingat, uisa enim sunt sensibilibus imagines, atq; similitudines, hoc uero interesse videtur, quod simulachra præter materiam sunt, sensus enim susceptiuus est specierum sine materia, imaginatio uero motus ex sensibilibus ab externis sensibus iam agentibus decisis. Hinc patere puto, læso phantasie organo impediri usum scientiæ iam acquisitæ, atq; omnis rationis vim perueri. Quod siue cerebro per idiopathiam læso fiat, siue ex consensu, ut læso corde, aut diaphragmate inflammato, nihil refert. His igitur sic se habentibus, præ acuta febre insanit communicata cerebro calida intemperie; præ putredine uociferatur, ex biliosarum, putriumq; fuliginum ascensu, quibus cerebrum inæqualiter afficitur. Hinc Senex.

*Libro de
morbo sacro.*

Qui a pituita insaniunt, quieti sunt, neq; uociferantur, neq; tumultuantur, qui uero a bile uociferatores sunt, malefici, non quieti, & semper aliquid intempestiui faciunt.

*Lib. de nat.
hum.*

Ea igitur est natura bilis, quam Democritus scitè inuilem humani corporis inquilinum uocitat, ut homines semper exagitet,

giter, & aliquid noui obijciat, hinc stare loco nesciunt, & im-
portunè vocem emittunt. Sanguis igitur regeſtus, & circa præ-
cordia putreſcens in vtramq; bilem facieſcit, & hæc accerſit
ſymptomata.

Quærit Philoſophus, cur cum timor ſit quædam triſtitia, & dolor. Sect. 27.
dolentes tamen vociferantur, timentes vero non. Probl. 9.

Reſpondet, dolentes voluntariè ſpiritum continere, vt plurimus
congregetur ad dolorem mulcendam, qui cum diu conſeſſus stare ne-
queat conſertim emiſſus clamorem, ſonitumq; parit.

Huius rei aliam cauſam comminiſcitur Alex. dicens In Probl.

Quod ipſa dolentium anima ad id, quod dolorem inferit, conuerſa
eſt, quo fit, vt quodammodo motuam pectoris muſculis virtutem præ-
bere obliuiſcatur. Conſtatq; ipſum neq; pectoris dilatatione aerem acci-
piens, ideoq; neq; perflatum, neq; refrigeratum, neq; item contractione
excernens ſingultifica excrementa, quæ de ſanguinis exuſtione gignun-
tur, dum ſuffocationem metuit, animam cogit, monetq; vt quam pluri-
mum muſculis motum præbeat, maioremq; inſpirationem, expiratio-
nemq; efficiat, vt maiorem quoq; frigidi aeris vim accipiat, maioremq;
excrementorum copiam effutiat, vt quod exigua, crebraq; reſpirationes
faſtura erant, idem maior una efficiat.

Et qui à diaphragmate dehiant raram ducunt reſpirationem,
quare aucto reſpirationis uſu conſertim emiſſus ſpiritus ſonitum
edit, vt vociferari videantur.

Reſtè igitur ſubiicitur præ putredine clamare, quod ex mi-
nera fuliginum copia exhalans animam monet, vt aſſatim per
expirationem foras amandet ſingultifica excrementa. Accedit
mentis alienatio, vt innuimus.

Præ caliginofitate timet.

Atqui præ caliginofitate, atq; obſcuritate timet, & paniciſ
timoribus exterretur, quod fit quoties ex atra bile vapores ad
caput efferuntur, & animalium ſpirituum claritatem adimunt,
& ipſius cerebri ſubſtantiam inſciunt (eſt enim veluti diaphanes
cerebrum) & animo tenebras obijciunt, vnde obſcura phantaſ-
mata, & ignobilia emergunt imaginibus obliquè relatis.
Huc ſi reſpexiſſet Rhœus filius, non tam fuiſſet in Galenum iniu-
rioſus, & aſper.

Sed age cur ſcœminæ, quibus ſubſiſtunt menſtrua purgamenta,
& atrabilis vitio implicantur, identidem ſibi malè, moleſtèq;
accipi cor queruntur, & angī, & cruciari, vnde continenter in-
gemiſcunt, & clamitant? Reſpondent quidam in cordis infr-
mitatem Mercatus.

mitatem deriuantes. An fieri non potest melancholica affectio, quin cor patiat? Huius sententiæ fuit Auicenas.

*Lib. 3. cap. de
melanch.*

Non enim est, inquit, longinquum, mirum, si cordis complexio primo, corrumpatur, & sequatur eam cerebrum, & corrumpatur cerebri complexio, & sequatur eam cor, & corrumpatur complexio spiritus, in corde, & fiat syluestris, & corrumpat quod ex eo penetrat ad cerebrum, & iuuat cerebrum ad se corrumpendum, &c.

*Lib. p. Pror-
rhæc.*

Hipp. primo Prorrheticæ in Deliria, inquit paulisper ferociencia melancholica sunt, si verò a mensuris fuerint, ferina, hæc verò sæpius accidunt. &c.

Pra compressione autem circa cor. &c.

Vbi verò cor opprimitur, & vndiq; torquetur, misellæ Virgunculæ salutem despondentes violentas manus sibi inferunt, & se ex veteri consuetudine laqueo suspendunt, sic enim fit, inquit Aetius, vt ex grauioribus malis se liberent. Enim verò, vt canebat ille,

Quidnam faciet anima

Visceroſa, atq; irrequieta

Oestro irritata malorum?

Atqui cor comprimi contingit tum ex sanguinis copia, tum fontica & maligna qualitate, quam per moram in vtero contraxit. Quod si quis existimarit, præfocari mulieres præpedito diaphragmate lenis respirationis instrumento, non habebit me repugnantem; Nam vbi ad excretionem vterus mouetur, & nititur frustra, retrò remeat, ac sursum repit, ac vterus vnâ conuellitur, & in viscera ingruit, & lethales suos vapores eò transmittit, ea refrigerat, ac respirationem pluribus horis intercipit, & pulsu spoliatur, aut eum deprauat, siquidem viscera pondere premuntur, ac mulier ægrè spiritum ducit. Sedantur autem hæc si vterus deorsum deductus in pristinam suam sedem reuocetur, & murmurillus quidam præcedat. Quæritur, cur in hysterica affectione, cum animales, tum vitales actiones adeò læduntur?

De loc. Aff. 5

Gal. existimat id fieri ob vteri consensum cum cerebro per nervos; cum corde per arterias, cum iecore per venas. Sed vnde pendet hæc affectio? Sanè vteri præfocatio est, Aetij testimonio, flatuosa perfrigeratio, aut potius conuulsio quædam, contrahitur namq; præter naturalem dispositionem vterus ad superiora. Conuulsionis autem duplex causa, repletio, & inanitio. Author libri de morbis mulierum refert ad siccitatem: Nempe id vitij mulieri contingere asserit, vbi vasa euacuata fuerint, tunc

Lib. 1.

enim

enim conuerti, & sursum progredi ad humiditatem ex ipso icore hauriendam. At Gal. id fieri a repletionē assueuerat, eosq; sugillat, qui ex siccitate vterum præfocari arbitrantur, putat autem vel ob menstrua, vel ob vitia seminis retentionem id euenire, cum id mali genus Viduis, atq; ijs, quibus virorum intercepta consuetudo est, accidat, quin ob immoderatam vteri frigiditatem idem oriri, quandoq; vitium censet.

At verò ab ipso Auic. conuulsio hæc non proportionata ad materiam appellatur, quæ deleteriam qualitatem excipit; quamquam huiusmodi ad siccitatem, aut repletionem redigi posse contendit Costæus.

Præ sanguinis autem malitia. &c.

Verum animi angor, & desperatio ex maligna sanguinis conditione, quæ atram-bilem sapit, ac redolet, suboritur, quæ mentem incessit, & alienat. quantum enim ad animi prudentiam, & constantiam deiciendam corporis vitia possint, abundè ab Arist. & a Galeno proditum fuit, nosq; ipsi alias notauimus. Quare ratiocinandi vi alias, quæ deinceps sunt, dirigente speculatoris, ducisq; cuiusdam more, quum illæsa hæc permanet, cæterarum affectus dignoscimus, quum verò affecta ea fuerit, memoria vna atq; imaginatio abolentur, vbi enim consilij totius præses patitur, quomodo tandem censes affectum iri ministros, qui illi parent, dictoq; audientes sunt?

*Lib. de struoe
Hom.
Et in lib. de
Anima im-
mortal.*

Atq; hanc noxam, vti diximus, ex atræ bilis ebullitione animus sentire consuevit vaporibusve, qui hinc resiliunt, quorum planè contemperamento debemus, & repurgatione ægris securitatem præstare.

Sed alium horribiliter compellat, ac in puteos profilire, ac incidere iubet, & strangulari, tamquam meliora sint hæc, & omnem vitam utilitatem excedentia. &c.

Non est mirum, si horrendum in morem alios compellant, & in puteos sese præcipientes dare iubent, cum rationis munia præpediantur instrumenti vitio, quod ab ipsa atram-bile afficitur, propterea alias rectissime diuinus senex scripsit. Hominis modesti vocem ferocem malum esse, quia aut adesse, aut impendere ferinum delirium significatur, hoc autem est studiosi delirij peculiare, vt pessima quæq; apprehendat, & ceu optima amplexanda esse ratione, & imaginatione peræquè læsis autumet, tantum enim erroris & insanæ imaginationi inest vt quæcunq; naturæ concessa non sunt, vt efficiantur, ipsa sibi liberè

profus

prorsus effingat. Et quidem in turpissima nos hæc errata citò conijceret, nisi ratio quasi speculatrix quædam insanos huiusce impetus acriter obiurgans velut e specula quædam nimietatem cohiberet. Hinc cautè ad huiusmodi certitas accedendum esse, docemur; ne aliquid intempestuum specie recti in medicum, aut assistentes moliantur, quinisiò vincienda; & diligenter custodiendæ, ne in se-met ipsas violentas inferant manus, obitumq; sibi fanaticæ consciscant. Olim Milesia Virgines, teste Plutarcho, se in Puteos conijciebant tali affectu correptæ.

Vidit Pontanus Virgineæ Neeram in Salentinis se in Puteum proijcientem. Plura videas apud Schenckium.

Aliquando sine spectris; & phantasmatis voluptas quædam adest, ex qua mortem veluti bonum aliquod amat. Postquam autem respicit homo. Mulieres tum alia multa, tum pretiosissimas vestes muliebres Diana consecrant à variis id docentibus deceptæ. &c.

*Lib. de virr.
cord.*

In Top.

Voluptas est animi motus proueniens ab obiecto proportionato ad potentiam, seu, vt ait Auic. introitus naturalis dispositionis apprehensio, nam vt dolor in quâdam transmutatione consistit, ita voluptas, propterea Arist. *Melius est facere, inquit, quàm fecisse; & melius fieri, quàm factum esse.* Ea enim, quorum substantia, in ipso, vt ita dicam, fieri consistit, vbi facta sunt, non existunt amplius. Quid igitur mirum si deficiens febri, si diris illis phantasmatis, & idolis euanescentibus, quæ mentem miris modis afficiebant, voluptas quædam succedat, quæ Virgines leuet. Relinquitur tamen solido caractere impressum sæpe vestigium, & alta mente repositum, cuius occasione in morbo assueuerant mortem expetere tanquam quoddam bonum.

Hæret porro diutissime impressum signum tum siccitatis ratione per inflammationem, tum etiam tenacitatis propriæ, & familiaris, quæ humori melancholico summa inest.

*Lib. de morb.
mulierum.*

Ex qua mortem veluti bonum aliquod amat. &c. Hoc vitij genus accommodat Mercatus Virginibus, Viduis, & sterilibus, etiam si viris cohabitent, sed præcipuè puerperis, non integrè purgatis, vel ijs etiam, quibus menses per repentinam occasionem repentè etiam retrocedunt. Quibus omnibus hoc mali accidit, vt aliquid in cor, & cerebrum commigret, ipsumq; adeò lædat, vt non modò imaginandi potentiam viuet, verum credere, quæ cogitauerit, cogat, & proferre, quo discrimine melancholici à maniacis distinguuntur, discernunturq;

quod

quod illi palam affari cogitata verentur quadam suspitione de-
tenti, ne falsum animo conceperint, proin intus animo voluunt,
& sibi ipsis cor edunt, hominum vestigia vitantes, hi verò
confestim inconcinnèq; effutunt, quæcunq; imaginosa vide-
rît phantasia. Narrat Hollerius in hanc rem aliquot historio-
las dignas sanè, quæ hic adscribantur.

Quibusdâ, inquit, risus, quibusdâ lachryma, alijs utrumq; ut
Domina de Rochepot, quæ cum varicosa esset, eo affectu corripiebatur
cum delirio, & risu, & lachrymis, oculorum contractione. Alteri
risus dein perturbatio mentis, hinc lachryma, à quibus etiam monita
haud cessant. Sed nihil admirabilius, quàm quod duabus filiis Pra-
sidis Rotingensis contingere solebat in motu sursum uteri, quo inter-
uallis laborabant.

Risu enim longo ad horam, & duas horas imminente paroxysmo ca-
piebantur, quem neq; metu iniecto neq; hortatu, neq; alijs artibus pote-
rant compescere. Parentibus interrogata, & obiurgata respondebant
se non posse continere risum.

Hactenus Hollerius. At cur ridebant affectu præter naturam
corruptæ? Risus enim concitator quidam animi, ex re iucunda
motus est ad conceptum intus gaudium explicandum, quo tho-
racis, & oris muscoli impetu quodam mouentur. An dicendum
ex affecto diaphragmate hoc proficisci, quod risus sedem non
leui coniectura quidam statuunt?

Itæus est inquit Hipp. catapulta in pectus, & paulò post risus tumultus. Lib. de popul.
tuosus superuenit, videbatur autem mihi Medicus eximens lignum reli-
quisse ferrum in septo transverso.

Nec absimile exemplum attulit Arist. Atqui fardonius, ut pa-
ræmia fertur, risus videtur ex musculorum septo consentientium
conuulsione, qui buccas mouent. Adeò est perniciosæ naturæ
vapor, qui ex utero ad præcordia fertur (maximè si ex virosa,
fonticaq; feminis corruptione proficiscatur,) ut veneno finitima
symptomata pariat.

Postquam autem resipuit homo &c.

Vbi verò morbo successit sanitas, mentiq; pristina restituta est
mulier, quam mox donaria, & pretiosas vestes Dianæ appen-
dunt a Vatibus, h. e. pseudo-prophetis, & sacrificulis deceptæ,
in quos meritò inuehitur, & animaduertit Hipp. deceptores
vocans lucriuos cum in medicos malignè se gerentes omni
laude medicinam spoliarent, & si quid boni ægris contigisset,
ut Numini acceptum ferrent medicum prætereuntes, suaderent.

In Epist.

De qua re acriter conqueritur Hipp. apud Democritum dicens: *Artis medicæ recta facta o Democrite pleriq; & vulgo hominum non omnino laudant, verum Dijs sepe attribunt, si verò natura relictata perdidit eum, qui curatur, medicos reprehendunt Numen prætereuntes. Et ego sanè mihi videor maiorem reprehensionem, quàm honorem artis me consequutum.*

Vtinam hac tempestate similes calumnias non audirent optimi medici, qui ex arte, & naturæ conuenienter munera sua tractantes malè accipiuntur, pessimi quiq; & audacissimi adhibentur, etiamsi per mortes faciant experimenta, & sibi viam ad laudem sternunt. At si præter infamiae periculum, quam nauci faciunt, poena impenderet temerè medentibus, plurimi fortasse ab officio se subtraherent, atq; temperarent rebus suis consulentes. Sed ad rem. Cum Deus rei cuiq; ad sit, (quidquid enim est diuinæ essentiae deliberatio: Hinc Platonici, quæ sunt, omnia sunt, & ab vno, & in vno, & ad vnum,) & ad quolibet effectus conueniat, qua causâ moti Platonici scripserunt, causas secundas esse instrumenta primarum, quæ Peripateticorum etiam consensu plus in effecta influunt, quàm secundæ, non est inficiandum, nos sine Dei auxilio, & congressu languentibus sanita tem minime restituere posse, id quod etiamnum ab Hipp. manifestò traditur.

*Lib. de morbo sacro.**Lib. de Eleg.*

Inquit enim, *Deus est, qui maxima, & sceleratissima peccata purgat, ac purificat, & liberatio nostra existit. Alibi verò. Scientia de Dijs animo penitus implexa est: Tum verò in cæteris affectibus, & symptomatis Medicina erga Deos: valde reuerenter se gerere comparitur. Tum verò Medici Dijs locum dant. Numen enim cuncta gubernans in Medicina minime ociosum esse animaduertunt, & in his morbis, quos ipsimet curare nituntur, & in his, quos vltro absq; sua opera superari vident. Quot quot enim vincit Medicina, hic (Deorum nimirum ope) vincit. Quin & Medicinæ via secundum sapientiam Deorum, munus est, & remediorum efficacia ab eisdem pender. Verum hoc alij non credunt, cum in confesso fiat, sensuq; percipiuntur ea, quæ circa corpora sunt, partim per omne remediorum genus transformando, aut transmutando, partim per chirurgiam auxiliando, partim remediando medicamentis, aut diæta, & tamen summa horum cò redit, ut Deus esse cognoscatur.*

Hæc est diuini Senis theologia, qua vtraq; Dei prouidentia, explanatur, & palam fit, quæ quid sanctius, quid diuinius a natura mortali dici, aut excogitari potuit? Verumtamen quia Medicina donum Dei est hominibus diuino fauore concessum ad arcendos,

arcendos, propulsandosq; morbos, non est credibile, inanem esse Medici operam. Quare qui media spernit, per quæ Ignis ille viuens efficax esse vult, vt se ab ordine subtrahit, ita grauitur peccat, & seipsum perdit. Neq; Hipp. damnauit scythas Numini xenia, & vota ferentes, sed vnâ naturalia media esse transigenda constanter asseruit. Quod vt amplius constet, sciendum, secundas Intelligentias agere, & mouere per formam apprehensam ab intellectu, forma autem apprehensa est intentio, & notio rei, haud res ipsa, atqui non potest res rata, & absoluta immediate ab intentione produci, hinc fit, vt Intelligentiæ inferiores per formam apprehensam, quæ illis est ratio agendi, non possint reuera naturam procreare. At secus in summo Deo res habet, nam quod intelligitur non est amplius notio, sed res summa, quæ est ipsissima Dei essentia rem vniuersam continens, & propterea materia corporalis vni, & trino Deo cum penes motum ad locum, tum penes motum ad naturalem formam obtemperat, & penitus audit, cui soli mandauit Hipp. vt preces effundamus, & munera, non istis Deunculis, quos temerè gentilitas effinxit. Prudenter itaq; Hipp. misellas mulieres decipi scripsit a vatibus, qui muliercularum loculos exhauriunt, discriminalia, periscelides, olfactoriola, & murenulas corradunt: Ex stupore iuncto credulitati impostores incredibilem quæstum fecerunt. Vtinam hac nostra ætate non essent, qui specie recti idiotis imponere nituntur, & per dulces sermones, & benedictiones seducunt corda innocentium.

Eo artificio constat, ethnicos multifariam fuisse delusos, atq; in impietate obfirmatos, & (vt cætera huiusce rei mittamus exempla) narrat Philostratus, Pausanias, & Strabo, eos qui varijs oppressi morbis Æsculapij, Serapidis & Amphiaraï templa petebant, omnium ægritudinum in quiete, dum eisdem somnia obuersarentur, præsidia accipere consueuisse, quod idcirco Dæmones faciebant, vt vel sibi, qui ea remedia suppeditabant, vel tribus illis hominibus in Deorum numerum relatis honor tribueretur. Plinius tradit, ægrotantes suos morbos ad Deos referre consueuisse, quod & nunc faciunt religiosa opinione adducti, ac liberatos in templo scripsisse, quibus remedijs conualuissent. Hinc Iamblicus, medicina, inquit, somnijs est reperienda diuinis; ægri pernoctantes in templo Apollinis inter dormiendum, somniantes agendorum monebantur. Sed quis credat a calumniatore, & iurato humanæ ceruicis hoste auxilia præsidia, non

potius venena oblata fuisse? Nos interim ex animo hortamur, vt ægroti, & malè habentes Deo, Diuisq; vota nuncupent, & donaria in Panis appendant, qui certò scimus, preces nostras per Sanctos Deo offerri, cui omnia præsentissima sunt, quiq; admirabilis in Sanctis suis esse vult. In languoribus igitur ad diuinam opem recurramus, & ipse sanabit, qui vera salus est, neq; tamen interim naturalia præsidia sunt omittenda, per quæ in nobis efficax esse vult, ne tentetur eius omnipotentia.

Dianæ igitur vouebant mulieres, quia Virginibus præesse credebatur, & propterea ad Numen faustissimum confugiebant, & pro accepto beneficio gratias referebant. Hinc Venusinus.

Montium custos, nemorumq; Virgo,
Quæ laborantes vtero Puellas
Ter vocata audis, adimisq; letho
Diua trifomis.

Libro de nat. Deor. Plures Dianas fuisse commemorat Cicero, sed illa nominatissima est, quæ eodem partu ex Ioue, & Latona orta est, vt Homerus testatur.

Salue Latona, vt peperisti pignora clara.

Venatrix Diana tua est, & clarus Apollo.

Edita in Ortygia hæc, in Delo est ortus Apollo.

Hæc ob virginitatis amorem fertur hominum consortia aufugisse, & vt a se libidinis pruritum amoueret venando sylvas incolabat paucarum Virginum comitatu contenta. Arcum ferebat, & pharetram succincta semper incedens, & cothurno induta, ob hanc, caussam sylvarum, nemorumq; Dea putabatur. Dicta fuit Triuia, quòd vijs præesset. Item Lucina, quòd a parturiensibus inuocaretur. Iuno, lucina, dicebat meretrix parturiens apud Terentium, fer opem. Laudatissimum templum habuit apud Ephesos, quod Herostratus, vt ex facinore immortalem gloriam consequeretur, destruxit, & solo adæquauit. At proximum est, vt ad curationem progrediamur.

Ceterum curatio, vt hinc liberentur, est sanguinis detractio, si nihil fuerit, quod impediat. Ego verò iubeo Virgines, cum huiusmodi patiuntur, quàm citissimè viris cohabitare; Si enim conceperint, sana fiunt. Si verò huiusmodi non affuerint ipsis simul cum pubertate, aut paulo post corripientur. Si non viro nupserint. At verò ex mulieribus viro iunctis steriles magis hæc patiuntur. &c.

*Cordatur
semper hic
Hipp. inter-
pretatur.*

Mirificus Hipp: præclare tantis malis medelam instituit, (quod fuit instituti sermonis consilium) dum sanguinis missio-

nem

nem præscribit, si nihil fuerit, quod impediatur. Nam mala, quæ huiusmodi fœminis accidunt, ex sanguinis synathrisimo, & collectione, vt vidimus, proficiuntur, nil verò peræquè prodesse possit, atq; sanguinis detractio.

Sed vnde mittendus sanguis est? Ex tali venis iubet Hipp. atq; asclea Gal. ne, si ex cubito, fiat instituto nostro contraria reuulsio. At hocine perpetuum esse debet, vt defectis mensibus sanguis infernè ducatur? Minimè puto, vbi plethora, & summa sanguinis vbertas affuerit, tunc enim ex cubito satius sit sanguinem prolicere, quod & ab Hipp. præscribitur, quod Paulus, & Aetius Amidenus obseruauerunt, illi enim, vbi præsto fuerit plenitudo, malunt supernas tundere venas, & sanguinis copiam inde exhaurire, subinde malleoli venas secare. Serio enim metuunt, ne secta prinum pedis vena sanguis deorsum præceps ruat, & copia sibi aditum præcludat auctis obstructionibus.

Lib. de inser-
n. aff. cit.
Paulus lib. 3
c. 61.
Aetius ser-
m. x. cap. 57.

Quærit Aphrodisiensis, cur in vasis, quæ a Græcis harpagia dicuntur, digitus eorum ori impositus non sinit aquam fundo effluere, subla-
tus autem sinit? Quia inquit, cum ex ore digitus eleuatur, aer aquam ingrediens deorsum trudit, quò suapte natura fertur, atq; ita per foramina fundi exit.

Prob. 95.

Copia sanguinis in mensium suppressione instar est digiti vasis osculo appositi. quare vt remoto digito aqua delabitur, ita aperta supernè vena & imminuta sanguinis copia ab vteri fundo foras effluet & erumpet; quam sententiam doctissimus Sanctorius Medicorum Princeps, & verus Apollo in aureo de remediorum inuentione libello planè tueretur. Caueant igitur, qui tam mordicus Galeno cohærent, vt ne latum quidem vnguem discedere ausint, nam serui illi sunt, ille idem dicebat, qui se Hippocrateos, aut Praxagoreos, vel alios alterius sectæ appellari volunt, quicunq; igitur Romanus, vel Græcus, vel Arabs, vel Iudæus optimè locutus fuerit; illi proculdubio fides habenda. Hac tamen cautione Aetij consilium nos assequi decet, dummodo sanguis quiescat, quiescit autem, quando menstruorum periodus longè distat. Cæterum non vq; licet suppressis mensibus sanguinem cæsa vena educere. Quid ni?

Apud
Amar. cent.
cur. XV.

Capinaccus

Quia aliqua impedimenta fiunt; hæc autem in virium, aut malæ corporis habitudinis vitium, vel in vitæ laboribus & ieiunijs deditam consuetudinem referri possunt, neque enim Aui-
testimonio phlebotomia, vbi sanguinis missione opus est, ex eo-
rum genere est, in quibus tandiu præstolandum, immorandumq;
fit, donec

Lib. 4. F. 1.
T. 2. c. 7.

fit, donec digestio fiat, quemadmodum in cæteris humoribus. Quare perperam efficiunt, qui rusticas Viragines agrestibus laboribus, atq; ieiunijs continenter lassatas, atq; vexatas phleboto-
mijs frustra fatigant. Quod si subsit in prima regione cruditas, ecoprotico prius exturbari vult, ne tracta in venas suburra mas-
sam ipsam contemeret. Non est interim Auic. consilium negli-
gendum, qui mandat, ne ijs Virginibus, quibus ob genitale
virus hystericae passiones impendent, ingruuntq; sanguis detra-
hatur, sed potius vt viro iungantur.

Ego verò iubeo, &c.

Si Virgunculae his passionibus opportunæ liberari desiderio
desiderant, ad nuptias, ait Hipp. conuolent, & virum experian-
tur, nam aucto per venerea calore, vasifq; generationi seruienti-
bus explicatis, atq; dilatatis excrementa quaecunq; congerun-
tur huc amandata foras promptius erumpunt.

Accedit seminis excretio, quæ mirificè totum corpus afficit,
quam ideo Democritus paruam vocitauit Epilepsiam. Hinc
dicebat Conciliator, tria esse, quibus corpora prorsus permutantur,
melancholiam quippe, coitum, atq; vinum. Ita esse de-
monstrant Philosophi quærentes. *Cur mulier virum, qui eam
deslorauerit, vitariatq; præcipuo amore persequitur? Respondentq;
quia summæ delectationis initium maximam affectionem in totum in-
ducit, qua potestates animæ maxime oblectantur, & ei immobiliter
adherent, atq; adquiescunt.*

Qua causa sapienter Hesiodus mandat, vt Virgines in matri-
monium ducantur, haud Viduæ, ne Benedictus ille Benedictus
crebriusculè fortassis interponatur. Sed enim tunc solum con-
sultit Virginibus virum Auic. vbi expolluti seminis plenitudo
malis plectuntur, hocq; interim spatium hortatur, vt corpus exer-
ceant, fœdificumq; lentorem inueniens utantur, veluti ruta
calamentho, vitice, electario ecymino, propotism. te ex diure-
ticis superhausto. Nos autem experimento probauimus, virum
esse omnium præsidiorum instar. Mulier nobilis non ita pri-
dem furebat ab utero, inquit Vir doctus, imperavi venæ sectio-
nem, clysteres, frequens balneum, quibus cum morbus non ce-
deret. maritum peregrè profectum iussi reuocari.

Reuersus illi pristinam mentem prima nocte restituit. Siccus
uterus solebat humectari non aqueo, sed aereo, & pingui illo
humore, qui est illi pro pabulo.

Simile exemplum affert Alex. Benedictus. Iuencula Venenjs
domo.

domo exijt furens ab utero ob suppressos menses, cum maritus ejusdem domum reuersus cum ea tota solitus fuisset nocte, fluxere menses mentisq; sanitatem consequuta est: Nobis simile exemplum videre contigit nouissimis diebus. Non modò verò furentibus conducit congressus cum viro, verum etiam hysterica passione oppressis suauissima curatio euadit, mirum enim in modum releuat congressus a paroxysmo, si penis oleo moschatellino oblinatur, aut quouis alio, in quo granum moschi, zibetti, vel ambrae griseae, sit dissolutum. Propterea Medici partes sunt, Parentibus consulere, ut Puellae nubili maritum quadratum, & succi plenum quaeritent. Notandum, quòd Puellae hystericae primis congressibus solent concipere, ut caueant sibi, appetens uterus inuento edulio se se explet, quod in bonis habendum, nam si conceperint, inquit Hipp. sanescunt, expleto enim desiderio quiescit uterus, quem Democritus iure Puerorum matrem, & infinitarum ærumnarum in muliere causam nuncupat.

A Platone animal dicitur procreandi filios cupidum, quod ubi sterile præter tempus diutius fuerit cum indignatione grauius fert, & undiq; per corpus oberrans, & spiritus transitus obturans, & respirare non suens anxietas alias extremas immittit, tum omnis generis morbos inducit, donec utriusq; cupiditas, & amor educto velut ab arbore fructu, deinde excerpto in uterum velut in aruum animalia præ paruitate visum effugientia, & non efformata conseminant. In Timaeo.

Aretæus uterum viscus quasi animatum, & veluti animal quoddam in animali appellat. Ne credat tamen quispiam uterum loco moueri, etiamsi conuulsis ligamentis interdum contrahatur, solutis aliquando prolabatur. Hinc patere puto, quam malè sibi, & Puellis prospiciant Parentes, qui sumptibus parcentes filiolas in Gynæcia vel inuitas obtrudunt, ubi desolata vitam despectissimam agere coguntur, & dira pati symptomata, quæ aut Dæmonis, aut dementatae mentis suspensionem iniiciunt, atq; hoc interim spatio Parentes proscindunt, & malè iurgiis exprobrant, quorum causa illæ coguntur sæuos perferre labores.

- , Venus nec illis monita verbis subsidet,
- , Sed si vrgens, magis, magisq; intenditur,
- , Amorq; castigatus infestat magis.

Aduertant igitur posthac consanguinei, & Puellarum mentem, mores, temperiem, & vitæ genus prius consulant, quàm miscellas in ea Urbis latera relegent, vnde Hymenæus. & Veneris illecebræ

illecebræ amandantur, & exulant. Plurimum enim Parentum interest, quàm libenti, aut quàm inuito animo coelibatum agant Puellæ, ne, quod Pausaniæ continebat, illud perpetuò infusur-
retur in aures.

Pœna luenda tibi est, affert iniuria cladem.

Est sanè pulcherrimum, & laudabilissimum vitæ genus Deo, Diuisq; vacare circumcisis mundanorum adfectuum radicibus, sed quæ tam impotens est, vt sibi imperare nequeat, & discussis passionum nubeculis veritatem puro lumine inspicere, digna
In Epist. profecto est, quàm miseremur; habet enim, inquit Hipp. mul-
lier in se lasciuia quandam, quæ nisi quotidie refecetur, veluti
arbores in materiæ multæ effusionem extuberat.

At verò ex mulieribus. &c.

Superest iam, vt videamus, cur inter nuptas hystericis passio-
nibus magis obnoxia sint steriles. Equidem hoc haud vsq;
quaq; verum esse affirmari, nam steriles plurimas nouimus,
quæ quicquàm tale nunquam sunt perpessæ, attamen si contin-
gat, mulierem plurimo scatere succo; lautissimè viuere, & car-
nosi, optimiq; habitus esse, plerumq; hoc dæmonij genere cor-
ripitur, quod certè minimè accideret, si conciperent, tunc enim
fœtus plurimum materni sanguinis absumeret, & in puerperio
vteri penitus repurgarentur. Accedat, ex Hipp. vteros tunc
fieri fluidiores.

Ad hæc non tam agrè ferunt distentionem a sanguinis suppres-
sione, & alia incommoda, cum per consuetudinem vtero gerendi
non ita afficiantur ex leuibus causis. Refert primariæ notæ
medicus, se nouisse mulierem, quæ cum esset demens, simul atq;
conspiciebat, respiciebat, & menti meliori reddebatur.

*Rond. lib. de
meth. med.
Lib. 3. F. 21.
T. 1. c. 8.*

Hinc dicebat Auic. quod mulier, quæ parit, & concipit, minus
infirmæ est, quàm sterilis. Verumtamen est debiliore corporis, quàm
ipsa, & ocyus senescit. Sterilis verò plurimis subiecit ægritudinibus,
atq; maturior senectus accedit, & iuuenescere videtur.

At verò ne præsidij destitutæ videantur, quæ Deo dicatæ,
ant pudicitia causa sua ueniam illam curationem renuunt, age in
medium paucula afferamus, quæ hoc dæmonium propellit,
atq; perfringitur. Hortamur igitur, vt vnaquæq; mentem piet,
& a quisquilijs radicibus repurget, tuum animam pijs cogitationi-
bus repleat, recolaq; quàm ampla præmia illas maneant, quæ
legitimè certauerint, & sensuum illecebras aspernatæ fuerint,
ac quàm turpe sit in materiæ foeditatem illabi, neq; animum
iustinare

sustinere posse, ne cadat, quàm grauiâ decernantur supplicia ijs, quæ animi libertatem appetitur manciparint. Hac lustratione ubi animum repurgauerint, ieiunijs corpus extenuent, pulchrum enim est corpus esse in macie, dum animus est in sagina, qua causâ rectè Samanæ violentas manus in corpus, cum valebat, inferebant, ne petulanter in animum se gerens, eius imperium aliquando eluderet. Huc etiam spectauit Moses ille Atticus, quando scripsit, qui animo viuere vult, corporis mortem meditetur. Perpetuum igitur sibi indicant carnis priuium, quod est Hipp. consiliu, præcipiens, vt foeminæ piscibus potiùs vescantur. Super omnia munera Bacchi declinent Romanam temperantiam adhibentes, continentia enim gratia Romanis Puellis vino interdictum erat, in quo Venus luxuriat, hinc Auic. *In Timæo.*
inquit, ne ei des in potu vinum, quoniam aqua est ei conuenientior. *Lib. de morbo mul.*

Quid tibi præcipiam de Bacchi munere quæres

Spe breuius monitus experire meos.

Lib. 3.

Quidius.

Vina parant animos, faciuntq; libidinis aptos.

Quare consultè proditum fuit, Venerem, & Bacchum mutuis flare auxilijs. Ex animalibus mittantur Agni, hoedi, palumbes, testacea, ostrea, mytuli. Oua, lac, cepe, allia, cicer, fabæ, fæcoli, enula, anysum, marathrum, cinara, amygdalæ, phytici, eruca, bulbi, de quibus Poeta.

Daunis, an Lybicis Bulbus tibi missus ab oris,

An veniat Magaris noxius omnis erit.

Quidius.

Nec minùs erucas aptum est vitare salaces,

Et quidquid Veneri corpora nostra parat.

Summum quæcunq; sanguinem, atq; adeò foetificum lentorem augere possunt optimi succi edulia, quæ flatus, atq; tentiginem excitare valent, aut acrimoniam, vt aromata penitus arcenda. Interim lactucis sæpiusculè vtendum, extingunt enim igniculos, quod significauit Venus, dum mortuum Adonim inter lactucas sepeliuit: Vinum, (si modò vtilicet) foliorum Agni casti succo diluatur.

Tercenta alia mittimus, quum non sit propositi nostri singula minutius prosequi. Interim desidia vitent, quæ improbitatem, & nequitiam quarrit, vt Hipp. more loquar, animum ad aliquod studium appellant, nec patiantur eum feriari, multos enim memorat Plato, quos assiduus labor reuocauit ab incontinentia. Præ cæteris Deo, Diuisq; se commendent, rogentq; vt ferocientem appetitum rationis habentis compescere possint.

Lib. de præcept. lib. de leg.

Quo pacto D. Thomas compressis prece igniculis, præcinctisq;
ab Angelo lumbis castitatis zona, perpetuam pudicitiae laudem
sibi custodivit. Verum nos in alienam messem illapso pedem re-
feramus, & hæc transmundanis Philosophis relinquamus, & no-
stris potius elucubrationibus ad umbilicum adductis accinamus.
Deo immortales gratias agentes.

Fœlix, qui potuit visere lucidum

Puro ex fonte bonum; qui potuit gravis

Missis illecebris solvere vincula

Terrenasq; cupidades.

Vates Threicius funera coniugis

Plorans, eger ubi flebilibus modis

Sylvas vernicomas currere, mobiles

Amnes stare coegerat.

Iunxitq; intrepidum blanda leonibus

Sævis cerua latus, nec timuit lepus

Iam cantu placidum sollicitus canem;

Dum cor fervor adurefet.

Nec qui sæpe modis cuncta subegerant

Mulcerent Dominum: Tum Superos querens

Immites adiit tartara, diraq;

Furæ regna Proserpinæ.

Illic Biffonius mira sonantibus

Præcentor fidibus carmina temperans

Quid quid præcipuis fontibus hauserat

Matris; quod dabat impotens

Luctus, quod geminans luctum amor anxius

Demissis oculis trenera commouens

Næ deflet, veniam poscit, & horrida

Flectit numina Tartari.

Flaccet tergeminus carmine ianitor

Captus, dulciloquo, quæq; agitant Deæ

Vltrices scelerum corda nocentium

Iam mœstæ lachrymis madent.

Non Ixionium præcipitat rota

Excantata caput, Flumina Tantalus

Spernit, dum satur est, Vultur edacior

Non traxit Titij iecur.

Tandem

Tandem commiserans heu nimis Arbitr
Vnbraſumq; Pater, vincimur, addidit.
Donemus comitem dulce petentibus
Emptam carmine coniugem.

At lex iuncta viro dona coarctat,
Ne dum noſtra libens limina liquerit
Abſenti liceat lumina ſpectare.

Quis legem det amantibus?

Maiores amor eſt. Heu prope terminos

Noctis reſpiciens Euridicen ſuam

Orpheus impatiens exiguae morae

Vidit, perdidit, occidit.

Vos hæc reſpiciunt, qui in ſuperum diem

Mentem ſolliciti ducere quæritis,

Auctoremq; boni cernere perpetim

Optatis bene ſeruidi.

Quid quid præcipuum poſſidet intimis

ſeſauris animus; quid quid habet boni

Virtutum rutilo ſydere fulgidus

Perdit, dum videt inferos.





AD ILLVSTRISSIMVM

ATQ; REVERENDISSIMVM

ALBERTVM BADVARIVM

CREM. ANTIST.

Quartana febre laborantem.

QVA RATIONE INTERCIPi POSSIT
QVARTANÆ ACCESSIO.



VMANAS dum sola vices, casusq; nefastos
Ipsa animo reputat Venus, & miserabile fatum,
Mortalesq; hominum curas, vigilesq; labores,
Insignem Albertum aspiciens, quo pulchrior alter
Adriacis non fertur aquis, neq; moribus anteit,
Aut virtute animi, redimitum tempora mitra,

Sacra Quirinali celebrantemq; orgia ritu,
Lenaq; indutum, demisso lumine, fluxa,
Mirabunda diu, & fatuo correpta stupore
Ora premit, sistitq; loco insinuata lacertos.
Tandem oculos tollens roseo suffusa colore
Increpat indignata, & inanin verba profundit.
Sic cine desciiuit Flamen, sic nostra reliquit
Castra silens? Tantūmne mihi crudelis, & asper,
Tantum optauit onus, tantosq; afferre dolores
Tunc decus sine clade fouebis ianthina vestis
Progenitumq; auctumq; mihi? Patiarnē miscella
Deludi, frustriq; meos prosperpere nifus?
Ah scelus indignum; meritis iam sumere poenas
Iam satago. Petit hinc Saturnum actura querelas,
Deploratq; nefas, presensq; Ericinia poscit

Auxilium.

Auxilium. Insucto commotus pondere rerum
 Ipse Senex sortem Diua miseratus iniquam
 Presentem promittit opem, natamq; sinistro
 Omne filiulam cum dicto accersit, acerbis
 Informatq; modis. Venerem viden ipsa querentem
 Tristis ait, Seniorq; Deus, lachrymisq; madentem?
 Ipsa nefas gemit Alberti, qui prouidus Aula
 Despicit imbellem thalamum, & connubia Diua.
 Tu pete testa viri, venetoq; infecta colore
 Perterre panicis, & tristibus imbue visis,
 Quarto quoq; incesse die, modo frigore membra
 Concute pallenti, & cruciatu obtunde medullas,
 Nunc rapido gelidos artus exure calore
 Circuitu alterno ladens, atq; horrida monstrans.

Filia Saturni gaudens mandata Parentis
 Rite sequi aggreditur validis instructa ministris,
 Tristeq; munus obit, Dominumq; infesta laceffit
 Quarto quoq; die vires, & robor frangens.

At cuncta e calo despectans Iuppiter equus;
 Ergo hominum decreta iris plectuntur iniquis?
 Non patiar. Subitoq; fidelem accersit Hygeam,
 Atq; hac mandata iniungit. Cito perge per alta
 Bellum iuga, perq; nemus, collesq; beatos,
 Quare salutiferas herbas, succosq; potentes,
 Languentiq; manu propera succurre medendo.

Ille autem dicto citius florentis Anaxi
 Percurrens ripas, & amœna cacumina Acedi
 Euphrasynum Filicemq; legit, scolopendraq; & Irin
 Illyricam, Lupulosq; Alpinaq; Teucria iunctis
 Seminibus Viticis, Violasq; & Aizoa, & atram
 Capnitim, & genus omne Adianti, vdosq; Genista
 Flores, & fructus Thamarisci, & pocula casa
 Sennamq; & nigram Balanum, & Polypodia querna
 Hincq; salutare adiecto sacchar succos
 Conficit, atq; laboranti custodit Hygea.
 Præterea calathis cerealia munera desert,
 (Ut fors ipsa tulit) syluestribus obsita pompis,
 Uvas, & ficus nocturno rore madentes,
 Aurea mala Pyris permixta rubentibus, escas,
 Quas Pinus profert, & plurima Phyllidis Arbor.

Accipe,

Accipe, ait Dea, qua tibi dona virentia gesto,
 Scilicet & spem portendunt, & sumpta salutem
 Restituent. Age rumpe moras, & amœna vireta
 Quære libens, veterisq; Soli vestigia linque:
 Proderit insuetum Cælum, & puri aetheris usus,
 Quem cantu volucres mulcent, aut curvus Arator,
 Seu labentis aque murmur, seu mobilis Aura
 Hic compone animum curarum mole relictâ
 Delicias inter molles, & gaudia lata.
 Offeret interea sylvestria munera Faunus,
 Phœnicurum, Erithacumq; simul, Floramq; Chloring;
 Sapiicolamq; vagantem, Ciriumq; atq; Atricapillam,
 Turdosq; Attagenasq; & Porphyrionâ, salaces;
 Nec non Perdices, Nais quoq; xenia tradet
 Carula, & Auratam, & Mullum, Percamq; Lupumq;
 Et quot quot flumini sapidos alit vnda Natantes.
 Neu graue sit, curruq; vebi, perq; aquora campi
 Exercere breui torpentia membra laconum
 Turbam inter, leporesq; sequi, testaq; lutoq;
 Hocq; caue, ne sudorem, sed gaudia tantum
 Exprimat ipse labor, curasq; eliminet atras;
 Sed cape, ne te longa diu fastidia ledant.
 Præbia bina procul pulsant hostilia febris:
 Una bipartitò irritamina segnia reddunt;
 Altera concrementa vetant inolescere furua.
 Ergo dum properat pugnax insultans, & instat,
 Tu vehemente animam motu, atq; pathemate multo
 Imbue, ne mens insidiosa incommoda causa
 Percipiat distrahta, & ad obuia versa profundo
 Excessu, mentemve thoro, somnoq; sepultam
 Obrue, ne sensu obtuso nova pugna fatiget.
 Congressus febrem interimit semel interceptus.
 Sic immane iugum fregit, lustrq; Puellam
 Intentus luctu, dum Prodrômus ignifer instat,
 Fabius eluctans, & acerba percitus ira.
 Sic Cœus miseris hypnotica pharmaca præbens
 Mandragoram, solanumq; stupens, & dulce Papauer.
 Immemores, vacuosq; malis per somnia fecit.
 Ast bilis cohibent nigra incrementa, vetantq;
 Ultra adolere ælrix vis non effata, vigenq;

Empyricus
 hic curanda
 Quartana
 feb. modus
 decerpitur a
 Mercato lib.
 p. de Reſto
 Præſid. vſu,
 qui vniuerſa
 qua huc ſpe-
 ctant deſcri-
 pſit a Brundo
 Liſitano, qui
 lib. 1. de ra-
 tione vſus
 graphicè, &
 philoſophicè
 æm hanc
 tractat &
 iubet ab

Insertus calor ipse, & scitamenta decenti
 Eucrata sumpta loco, nec non Panatea paratis
 Ductibus educens cholera atramenta tenacis,
 Fercula præterea, stomachi qua magna libido
 Optavit, despecta licet, fontesq; accersere succos,
 Nata, fugant hostem. Hinc epoto lacte liquente
 Conualuere agri, victo vel amygdali Basso,
 Inguine ut grani, bubula seu carne, Nestrendum
 Seu perna ingesta, quam olim vapor ater adussit.
 Mille modis fatuis optata pericula faustum
 Exhibuere diem, ut traxit sua quemq; voluptas.

uniuersa cor
 poris totius
 purgatione
 hunc modum
 esse adhiben-
 dum ubi diu
 turnitate ni-
 mia molestia
 est feb., solet
 n. inquit
 Celsus, ubi
 ratio non,
 adiunat
 remeritas
 prodesse.



DE THERMIS
CENETENSIBVS
AD MICHAELEM-ANGELVM ROTAM
ASCLEPIADARVM PRÆCLARISSIMVM.

Salsa.



ST *Locus ignotus fama, qui dicitur * ASLAS,*
Clinus Acedicolis Nymphis gratissimus, æquè
Herbarum, Salicumq; frequens, & diues Oliui,
Vrbem Palladium, Vallemq; interiacet Arctam
Arduus, & patulis spectatus Collibus ASLAS:

Delicia Pastorum ASLAS, atq; unica cura.

Hic pascebat oues olim inter amœna vireta

Thirenus placido Lycia succensus amore,

Candida cui Lycia ardenteis æquabat amores

Ignem accensa pari. Dum oleas, umbrasq; sequuntur,

Alternoq; modo voces, & lumina miscent,

Exponuntq; ex more focos, teneroq; vicissim

Corde trahunt gemitus oculis per matra fixis,

Iuppiter extemplo Cælum caligine densa

Nubilat, & vacuum nymbis circum æthera complet;

Sauit tempestas commixta grandine, tellus

Horribili reboat tonitru percussa, tremitq;

Crebrescitq; fragor ventis, cælumq; laceffit.

Quisq; suam repetit cryptam, & gurgustia lata,

Et Iouis, igniferiq; minas formidat olympi.

Lustra fera, & volucres patula tutamina Sylvæ

Impulse repetunt, camposq; aurasq; relinquunt.

Cogere tunc Thirenus oues, viridifq; ligelli

Testa subire celer, Lyciam prauertere gressu

Ingenti satagens studio: At (mirabile dictu)

In cassum. Miser, heu miser ille repente momordit

Tactus humum de cælo, soluunturq; calentes

Artus in cineres violentis ignibus vsti.

At Lycia egregium Iuuenem frondente sub antro
 Expectans, damnansq; moras, & sydera saeva,
 Absentem vocat e specula; Vox nulla vocanti
 Redditur, & misera geminantur corde dolores.
 Anxia quarit oues, Thirenium querit anabela
 Voce vocans, lustratq; vias indagine multa.
 Tandem prostratum aspiciens sub tramite curuo
 Thirenium amissa melioris imagine forma
 Ter vocat, & mutos cineres perstringit, & umbras
 Pro socio (infelix), & olentia sulphura captat.
 Ex illo lacerata Comas, Pallamq; recisa
 Flere super cineres capit noctesq; diesq;
 Imbreg; perpetuo latices formauit olentes,
 Sulphureos latices lenta salsugine mixtos,
 Quis volucres adstant varia, cantuq; perenni
 Ploranti Nympha quarunt solacia Diuum
 Imperio. Illa tamen solari nescia puram
 Perpetua ditat lachrymarum lege scatebram.
 Hi sacri latices (temerè quos tangere palmis
 Grandenefas) summos pariunt languentibus vsus.
 Abluti diram scabiem, Pforamq; lepramq;
 Ritè abigunt. Ventres rigido mucore madentes
 Detergent haussi, expediuntq; subinde tenaces
 Infartus, Renesq; luunt, vacuantq; saburram,
 Cunctaq; per ventrem illapsi praecordia lustrant,
 Atq; imbecilles impresso robore ventres
 Firmant, admoti & cachectica membra resoluunt,
 Extenuantq; pedes pallente ademate molles,
 Et quot quot puerita parit, seu frigoris atri
 Vis mala. Acedensis saluete sacerrima Collis
 Stagna, salutiferi fontes saluete, cadentis
 Natura columen, miseranda sortis imago.
 Ipse equidem soluam solennia vota quotannis
 Nuptiales celebrans festos, & thure Sabao
 Auras inficiens, positoq; ex more Lixio
 Eternos latices cytharis ad sydera tollam.
 Tu verò Adriacæ Archiatros celeberrimus Urbis
 Pæonia Artis bonos Michael miseratus acerbum
 Fatum, virgineos luctus compesce per vsus,
 Qui potes, & sanam latè diffunde medendo.

IOANNI STEPHANO

MEDICO ERVDITISSIMO.

LAVRENTIVS RAGOZIIVS.



Non est, cur seriùs ad me des litteras, quia a solidioribus auocent me contemplationibus; ad has enim potius animum meum a leuioribus traducunt. Febris Galenicam finitionem cum Masfaria, & Mercato pulchrè tueris, & qua ratione viuat hecticus permutato temperamento, ostendis. De imaginatione te in meam sententiam venire gaudeo. De Cimbris, & Persis reportatè victoriæ rescitè sunt Romæ eodem die Dæmonisope, quo non aliud velocius ullum. Magus ille non imaginatione, sed pacto, quod eī cum Dæmone intercederet, menstrua, & semen mulieribus ciebat; cuius pacti signum quædam verba sunt, quæ impij tunc temporis profantur, cum ex foeminarum oculis volunt illa excrementa prolicere. In plenilunijs noctes hyeme calidiores sunt, quia Luna tunc permeat signa meridionalia; æstate frigidiores, quia septemtrionalia; in interlunijs noctes hyeme fridiores, quia tunc Sol, & Luna signa septemtrionalia peragrant; æstate calidiores, quia meridionalia. Sic dubitationi occurrunt Astronomi. Secundum Aristotelem videntur in plenilunijs, quocunq; tempore anni, noctes calidiores esse.

4. de part.
anim. cap. 5.

4. de gen.
anim. cap. 2.

„ Inquit enim plenilunio Testacea pleniora conspici, non quia
„ per id tempus copiosius pascantur, vt quidam putant, sed
„ quod noctes tepidiores sint propter lucem pleniorē. & alibi,
„ Sol, ait, per totum annum hyemem; atq; æstatem facit; at
„ Luna per mensem id agit, quod ita fit non accessu, discessuq;
„ Lunæ, sed alterum in crescente luce, alterum decrescente.
„ Ex Aristotele igitur in plenilunijs omnibus temporibus, noctes
„ calidiores per se sunt, per accidens frigidiores. Experti sumus
„ hac sæuissima hyeme noctes in plenilunijs frigidissimas non per
„ se quidem, quia eximium Lunæ lumen calorem per se parit, sed

per

per accidens, bacchante Borea. Placet mihi distinctio tua.
 Valeant Astronomi, sequamur Aristotelem. Quò lucidior erit,
 plus caloris; quò obscurior, plus frigoris, luna faciet. Quid
 aliud de hac re tibi scribam, nescio.

Serenissimo Cosmo III. Magno Hetruriae Duci VI. Cui
 Ioannes Collis Auunculus meus. Vrbinatium Ducis Archiater,
 librum nuncupat, composui præteritis diebus quædam car-
 mina, quæ tibi mitto legenda, & emendanda. Scio te etiam
 his mansuetioribus studijs delectari. Versus tuos Laurentio
 non inuideas, & bene valeas.

Belluni: XIII. Kal. Aprilis MDCXX.



1711

G 6 AD

AD LAVRENTIVM RAGOZIVM
MEDICVM, ET PHILOSOPHV
PRÆSTANTISSIMVM.

LAVDAT CARMINA, QUÆ IN LAVDEM DVCIS HETRVRIÆ
PEPIGERAT, HINCQ; AVTHOREM COMMENDAT.



QUIA ducentem nostram tua Musa camœnam
Blando excitavit murmure ;
Quin studium, mirumq; canendi insuit amorem ,
Vt nil magis me exerceat ;
Atq; voluntatem superante cupidine nostram
Frustrâ renitor parcere .
Qualiacunq; igitur dederit , cape carmina Laurens ,
Excitus astro spiritus .
Doctiloquos legi versus , magniq; Maronis
Dignos camœna nobili ,
Suspexiq; simul . Grauis emicat undiq; virtus ,
Et sedulô cultus labor .
Hinc Dux egregia laudis splendore decenti
Persulget , hinc Hetruria .
Ast magis elucet rerum mirabilis ordo
Dictus cothurno congruo .
O salix , quicunq; tuo celebrabitur arcu ,
Dignasq; laudes sentiet
Quid quid habet Veneris , solidiq; Heliconius hortus
In te benignè contulit .
Dædalus ingenij , te Princeps artis Apollo
Donavit amplis munijs .
Per te Pierides cantant, loquiturq; Minerva ,
In te reident Gratia .
Quis tenui poterit versu perstringere laudes ,
Mentisq; præclavam indolem ?
Perge decus Phœbi , & præsentis gloria sacri ,
Flos artium pulcherrime .
Grandis surgit bonos tacturus sydera , grandis
Rumor per orbem deditur .



IOANNI STEPHANO
MEDICO ERVDITISSIMO.

LAVRENTIVS RAGOZIVS. S.P.D.



VR æstate in plenilunio noctes frigidiores sint, omiſſa ratione Aſtronomorum, aliam non aſſero, aut aſſero, quàm tuam, frigidorū ſcilicet vaporum copiam aerem ex accidenti refrigerantium.

Trallianus Galeno adſcribit, cum verbis, & incantationibus vim inefſe ſanandi morbos exiſtimaffe. Sed fallitur cum multis alijs, qui ſolis experimentis, ſicuti ſolo plantæ, adhæreſcunt; & quæ fieri cernunt, illis ipsis, quæ vident adhiberi, medijs assignant, & nihil ea curant, quæ non intuentur. In illis experimentis, vt anguis in herba, pactum cum cacodæmone latet, quod quidam nimis creduli Medici non cognouerunt. Quam naturalem vim morbos depellendi habere verba poſſent? Si ſcribuntur, mortua ſunt, & omnis expertia energiæ: ſi ore proferuntur, aerem feriunt, & auditum afficiunt; ſed ſanitas non affecto auditu fit, ſed immutato tactu, cum calidorum & frigidorum commenſuratio quædam fit aut eorum, quæ ſunt intra, aut ad continens, ſecundum Ariſtotelem. Quam efficaciã in ſermone requiris, niſi vt animi affectus pateſciat? ſunt ea, quæ ſunt in voce earum, quæ ſunt in anima, paſſionem notæ, & ea, quæ ſcribuntur, eorum, quæ ſunt in voce; inquit idem Ariſtoteles.

7. *Phyſ.*
tex. 17.

Obijcis. Frigidus in pratis cantando rumpitur anguis. Ego *Virg. ecl. 8.* ſuperpondij loco addo Pſalmographi auctoritatem.

Furor illis ſecundum ſimilitudinem ſerpentis; ſicut aſpidis *Pſ. 57.* ſurdæ, & obturantis aures ſuas, quæ non exaudiet vocem incantantium, & venefici incantantis ſapienter.

Ad incantationem vt ad teſſeram cacodæmon aduolat, qui colubros vel exarmat, vel demulcet, vel ſopit, vel interimit.

Magus

Magus Salzburgensis cum vniuersos ad vnum milliare colubros in quandam foueam cogeret, ab vno eximio, & annis obfeto in eum irruente interemptus tandem fuit. Reliquos cacodæmon eo compulit, hunc nequaquam; verum in Magum concitauit. Si vi carminis alij in foueam compulsi fuissent, hic quoq; eadem vi in eandem descendisset.

Verbis igitur nulla vis secundum naturam inest; sed tantum trans naturam signa sunt magici pacti cum cacodæmone intercedentis; vel supra naturam, quatenus Christus seruator noster sacramentorum verbis, & sanctorum virorum precibus virtutem infundit. Hoc filo in hoc labyrintho errabunda rego vestigia; si tibi minus probabitur, doctiorem quæras Ariadnam, quæ firmius præbeat; ego do, quod habeo.

Lætor carmina mea tibi non improbari: de tuis tibi gratias ago, & dico, quod Scaliger de Claudiano.

VI. Poet.

,, Maximus poeta Ioannes solo argumento ignobiliore oppressus, addis de ingenio, quantum deest materiæ. Felix in te calor, cultus non inuitus, temperatum iudicium, dictio candida, numeri non affectati.

Quo ignobilius argumentum suscepisti, eo maioribus laudibus extollendus es. Respondeo, ne immemoris, aut ingrati hominis notam subeam. Tu, qui meas nugas esse aliquid putas, ne hos quidem versiculos legere, quæ tuæ est humanitas, dedignaberis. Vale. Belluni. v. Kal. Aprilis M DC XX.

Otia Musa tua, ut fortis, fecundaq; surgat

Telluris instar arida,

Ducit, quæ lubrica glacie durata quieuit,

Ut vere fundat gramina.

Arcum campestris scythæ sic cauta arte relaxat

Ut tela mittat acris.

Nunt stridore tuam exciui, aut clangore camenam

Velut cicada, aut anseris.

Et quanquam cyenus videor tibi, lætor amore

Te decipi magnum virum.

O utinam, qualem celebras me versibus, essem?

Te gaudium patris canerem,

Et Stephanæ lumen gentis, suadæq; medullam,

Docta iuuenta principem,

Sonis

Aonio ad Ctenetos ducentem vertice Musas,
 Apollini carum caput,
 Cuius praeclaras Veneta exercebis in urbe
 Artes onustus gloria.

Namq; tuum nomen Medicos se se efferet inter,
 Quantum cupressi inter rubos,
 Inter aues quantum gestator fulminis ales,
 Et belluas inter leo.

Ast ego praeruptis inclusus montibus, alter
 Urgebo saxum Sisyphus.

Prosequar ominibus faustis te curua petentem
 Maris superni littora.

In pelagus donec fluctus deuoluet Anaxus,
 Polo micabunt sidera.

Squamigeri pisces ponti vada salsa natabunt,
 Ero tui semper memor.

Orabo, facilis Deus ut tua vota secundet,
 Seruetq; amicum te mihi.





AD ILLVSTRISSIMVM
ATQ; REVERENDISSIMVM
MARCVM IVSTINIANVM
OLIM CENETENSIVM
ANTISTITEM VIGILANTISSIMVM

Exhastichon.

*Mutus hiat Quiscunq; tuum percurrere nomeN
Ac celebrare Vouet: Manes si Vatis Achel
Rursus ab Elisij Surgant, si candidus vnA
Cycnus et Andæi, Timeant attingere plestroN:
Virtus, Justitlaq; tenor super astra volatV
Se tollit Diuûm meritis consortia quarenS.*

Aliud.

*Pastor amans Superûm afflatu demittitur ifluC
Relligione nitens hac ad florentia TempE
Æmula Thessalia, placido quæ lumine Titan
Secreto gaudet lustrans cumulare fauorE.
Vah qu' m'tuta salus Ouibus, quàm mira resurge T
Laus, si dogma Ducis, sint & vestigia CurÆ.*



AD BERNARDVM COLLE

MEDICVM, ET PHILOSOPHV M EXIMIV M.

Conqueritur, diuitias duntaxat in pretio haberi, virtutes despici.

Non me procacis luxuries lucri,
 Rerumve diues copia ad Adriam
 Vocauit assuetum p[er]sillo
 Corycidas colere in ligello.

Non fastuose me studium togæ,
 Aureve fallax ambitus anxie
 Illexit ad myrtum canentem,
 Atq; humiles Panaces legentem.

Fastus superbos obsequi, & inuidos
 Aule tumultus, Juppiter obstitit,
 At pauperem concessit ultro
 Arbutea requiem sub umbra.

Hic me iocosas sepe laceßere
 Iuuat Sorores, & strepitu fori
 Spreto fui Thaumantis usu,
 Et facilis genio Calippi.

Quiete dulci parta beatitas
 Mentem recusat turbine concuti:
 Cur vos molestus Dis reuellit,
 Et malesuada fames habendi?

Nunc ære virtus ipsa minutior,
 Et nil beatum, ni cluet aureo
 Splendore testum, sunt in auro
 Attonita simulacbra gentis.

Valete Musæ: Veripotens Dea
 Jam scepra ponat: Ite per arduos
 Colles ad argentes Scythas, &
 Pierias colat Vrsæ Musas.

In Colle nostro vernat Apollinis
 Mens, & Sorores vertice florido
 Ducunt choreas: Tu fugacem
 Mnemosynes sobolem coerce.

Sit dulce tecum degere, & ingeni
 Libare vires, dulce sit emori,
 Qui negligis partas labore
 Diuitias studiosus æqui.

AD IOANNEM BAPTISTAM
DOIONVM VIRVM NOBILEM.
ET PRIMARIÆ NOTÆ MEDICVM.

*Quomodo Pharmacorum vires in Aquas, olea, & cineres
distribuantur.*



Imper aqua hæsit, qui fiat, ut pharmacorum vires, per infusionem, aut Decoctionem, in liquorem transfundantur, quum eadem in proprio subiecto permaneant nihilo magis imminutæ, ut cuiq; periculum facere licet. Sanè cum vires, & facultates medicamentorum formam aliquam consequantur, ea autem indiuidua sit, vni tantum germano subiecto insit, oportet quod si vni præsto sit, quomodo virtutes, quum sint accidentia; quæ necessariò propriæ inhærent substantiæ, particulis pluribus adsunt? Sanè ni, facultates illas liquore exceptas sine formæ præsentia consistere concedas, illud des, oportet, formam esse diuiduam, & se veluti Hippolytum discerpi patientem. Reclamas An doctissimo applaudis Fernelio, formam quippe vires suas subiecto vsq; adeò imprimere, ut illæ absèctæ tiamnum forma remaneant in qualibet compositi parte exceptæ? Ita esse, Alchimia Doctores facile demonstrant, qui suo Vulcano Aquâ, oleum, & cineres exprimunt ipsæ facultatibus obsita: An minime incongruum, per se indiuisilem formam ex euentu suppositi subire conditionem, atq; adeò delibari, diuidiq; eius integritatem? Tuum vir clarissime expecto, expetoq; iudicium, quod mihi instar erit omnium, spero enim futurum, ut ex Hippocrate, quem quotidie concoquis, & diurna, nocturnaq; volutas manu, aliquid in medium afferas, quod mihi ex oculis hæc tenebras discutiat. Vale. meq; in tuo habeas ære.



ADVERSVS QVOSDAM NEOTERICOS,
QVI VESICANTIA, ET HYDROTICA,
SEV DIAPHORETICA TEMERE ADHIBENT
IN PRINCIPIIS MORBORVM. ANNO M^oDCXXIX.

AD IO. BAPTISTAM ROTAM E^o D. CASSIANO.



Apienter Herophilus medicamenta *θεῖον χεῖρον*
Deorum manus appellabat, si a perito Medico
vsurpentur, si ab imperito, venena, neq; enim in
sola remedij inuentione consistit Therapeutice,
vt si refrigerandum, aut euacuandum proutinus
lactuca, aut catharticum sit exhibendum, sed vsus
potissimum est discutiendus, qua dosi, quo tempore, quo modo,
& quo deniq; loco sint administranda praesidia; quis enim non
videt frustra summis, & crudelibus remedijs laxari, atigariq; eos,
qui a sanitatis limite parum abscedunt? Quis mecum palam non
profiteatur, imò cum diuino Hippocrate perperam crudos hu-
mores in principiis morborum educi, aut commoueri nullo tur-
gentiae, aut gastrici impellente metu?

Videas tamen hac tempestate (proh dolor) quam plurimos
alogos, & inertes Medicos, qui Andabatarum more clausis oculis
nullo discrimine aegros suis vesicantibus destinant etiam a totius
morbicarceribus, quin etiam, si Dijs placet, hydrotica propinant,
vt exanthematum eruptionem promoueant, cucurbitulas ad-
mouent, frictiones, & Hesiودي illitum illa innixi sententiola per-
peram intellecta. *Quae ducere oportet, quod maxime natura vergit,*
per loca conferentia, eo ducere conuenit. Cuius hic est germanus in-
tellectus. Quum Hipp. in priori aphorismo decreuisset nihil esse
moliendum, vbi natura integrè, & perfectè exturbat morbige-
num humorem, sed tum modò, cum diminutè, & parèe adniti-
tur, docet, neutiquam obluetari nos, aut reniti naturae conatibus
fas esse, verum imitari maximè, dummodo per loca conferentia
sibi viam molietur ad euacuationem. Columen huic rationi su-
bijcit Galenus in commento, quia, inquit, opus est Medico

*Aphor. XXXI.
sect. p.*

H 2 natu-

naturam ritè operantem imitari, tunc verò ritè agit, quando per loca conferentia lustrationem, euacuationemq; molitur, eo igitur tempore Medicum naturam sectari, & promouere decet. Quòd si humores ad loca incongrua impetum fecerint, non amplius adiuuandi sunt conatus illi, tunc enim natura perperam, & minùs ritè agit, quo tempore distrahenda est euacuatio, vel transferenda, vel diuertenda: Hinc est colligere, naturæ etiam enormiter operanti non esse resistendum adstringentibus, & apocru-
flicis, sed diuertendam esse naturam.

Aph. XXII. sect. prima. Quæ cum hæcenus confecisset Hipp. mirabili artificio, admonet, quando ritè, rectèq; operetur natura, sequenti Aphorismo, dum ait; *Concocta medicari, & mouere, non cruda, neq; in principijs, modò non turgeant, plurima verò non turgent.* Operæ enim pretium est, vt quando natura non euacuat, Medicus concoctam materiam educat tum cathartico, tum alijs medicamentis, quod si materia cruda fuerit, tunc neq; purganda, neq; mouenda, dummodo furens, & errabunda non sit. Huius autem haud ea est ratio, quam amusi quidam comminiscuntur, quòd nondum sint adæquati humores, (vtuntur Auic. vocabulo) & parati ad purgationem, aut quia non dum nacti sint eam similitudinem, quæ intercedere debet inter medicamentum, & humorem, quod voluit Mercatus vir alioquin doctissimus, verùm quia nondum genitum est excrementum, quod sola producit digestio noxij ab innoxio segregatione.

2. de Diff. feb. Hinc dicebat Galenus, quemadmodum nefas est aperire vomitam, priusquam confectum sit pus, ita nec pharmaco per febres putrescentem in venis materiam attrahere licet, antequam concocta sit quia aut nihil, aut cum malo frugi etiam humor summo cum labore, & ægri detrimento euocabitur: In quam sententiam Gal. Sic scriptum reliquit. Qui indigestam materiam euacuare nititur destruit loca sana resistentia ægitudini nihil euacuans materię. Philosophus verò in Probl. quærit, cur neq; concumbere, neq; euomere, nec sleruere, neq; flatum emittere oportet, nisi res turgente corpore vrgeat.

4. part. Aph. & p. de Cris. 9. sect. prob. 8

Cui certè problemati scitè, & ad Hippocratis mentem respondit. An quia, inquit, cum non turgemus similes terræ stirpibus, sumus, quibus euulsis, aut alienum conuellitur quippiam, aut aliquid abscissum relinquitur. Quod autem cum extrudi debet, minutum remanserit, dolorem diutius id omne mouebit. Et si quid alienum commotum sit, id cum sua sede priuatur, dolorem

dolorem creabit: Quæ certè ijs vſu euenient, qui cum non turgent, aliquid faciunt ex ijs, quæ modò retulimus.

Quæ cum ita ſint, quo ſe ſe vultu in conſpectum dederit amethodi illi Aceſiæ Dodonæo ære loquaciores, quibus nil niſi tricæ, & logicæ argutiolæ ſunt cordi, qui ſine arte, & vllo diſcrimine primo morbi, inſultu ægrotantibus phænigmos admovent? Illud ſummopere reſcire velim, cuiam deſtinentur illa cæcodæmonum inuenta, morbone, cauſſæ, an ſymptomati? (neq; enim ſunt plura, quæ præſidia poſtulent).

Morbo haud crediderim, ni pernicioſiſſimo Paracelſo adſcribere velint contrarium ſuæ Medicinæ fundamentum iacienti (ſimilia ſimilibus curari) contra Hipp. & Galeni dogmata, quæ ratio, & omnium conſenſus, tot ſeculis confirmauit; ſiquidem veſicantia non modò calfacientia ſunt, ſed etiam vrentia, febris verò intemperies calida cordis, & totius corporis (mitto volens ſiccitatem, vtpote quæ niſi heſticis ſit eſſentialis) tale autem additum tali, vt ait Apponenſis, facit ipſum furere. Quare perinde eſt, ac ſi igni adijciatur ignis. Nec eſt, quòd Capiuacceus, multiq; alij nobis obrudant, ex euentu phænigmos refrigerare educta caloris cauſa, quemadmodum, & rheumbarbarum, & radix apij, aut ſceniculi febres remouent, ſteriticòs, ſi non enanthiòs aduerſantia cauſſæ, enim verò non accidentarius, & contingens effectus ſpectandus eſt, ſed qui neceſſariò ſequitur, & ſemper, calidi verò eſt calfacere, quia accidentium productio a ſimili ſit, & vnius cauſſæ vnicus eſt effectus.

Rheum verò & radix ſceniculi proximarum cauſarum eductione, & expulſione febribus prodeſſe ſolent, ſi non importunè vſurpentur, horum enim indecens vſus tam noxiuſ eſt, quàm veſicantium.

Porrò neque cauſſæ, nam per bullas, & veſicas ſuperficiaria duntaxat ſeroſitas educitur, quæ neq; antecedit, neq; proximè morbum committit, in his enim feb. aut bilis, aut tota maſſa ſanguinea efferueſcit, & putret, aut certè eius ichores in penitiſſimis venis: Sed faciamus, educere & euocare morbi cauſſam, ſi non coniunctam, ſaltem antecedentem, licetne eam mouere priùs quàm cocta, & digeſta ſit? Mihi non videtur, ſi modò Hippocrati ſtare velimus, nec eſt, cur retorqueant turgentiam, aut veneficam naturam, illi enim debetur pharmacum, huic anti-pharmacum, non veſicans. Dicent fortassis ſymptomati decerni. Siccine? At huic non decernuntur remedia, quum ſequatur morbum,

veluti

velut corpus umbra, & ad morbi summotionem evanescat, est enim epigenematicum.

Verumtamen sunt quædam symptomata, quæ usq; adeo ingrauescunt, & sæviunt, ut ad se totum medentis consilium trahant, ut puta vigilia pertinax, immanis capitis dolor, delirium, syncope, cardiaca passio, cardialgia, insignis aliqua effluxio, quibus sanè utpote vires deicientibus, & morbum augmentibus succurrendum est artis auxilio; Duoq; sunt potissimum, quæ phænigmorum admotionem desiderant, impetus quippe humorum ad caput, unde impendeat paraphrosine, somnolentus torpor, aut aliquis alius gravis affectus, tunc enim si extremis artibus applicentur, reuellunt, retrahuntq; errabundam, & furentem materiam; Et extremarum partium algescentia, & refrigeratio, cum interim viscera intus flagrantia torreantur, huiusmodi enim metasyncritica sunt, & ab alto foras calorem euocant, & retorrída viscera alleuant, & ægros commodis augent, cæterum si temere experiri velimus vesicantia his circumcisis affectionibus, plurimis cumulamus damnis languentium corpora; Cunctanter igitur posthac agant, qui tam facîle hæc extrema remedia usurpant.

At multò deterius sese gerunt, qui pulicem morsu apparente quam mox diaphoretica, & hydrotica propinant phantastica cæthymatum, & exanthematum specie falsi. Hoc enim pacto amplius in feruorem agunt sanguinem, putrediniq; parant, & maleficæ qualitati subiiciunt, quod tanto reformidat opere Arabum familia, quæ etiamnum austera, & stiptica inijs præscribit, ne spiritus lancinentur, & dissipentur, ne sanguis per ebullitionem putrescat, & corruptatur. Imitantur, inquiunt, naturæ motum, qui Triscauellij sententia medius est inter criticum, & symptomaticum. Nugæ. Tunc naturam imitari oportet, quum rectè agit, rectè autem agit non modò quum ad loca conuenientia vergit, sed quum præcedente coctione, die critico, cum ægri euphoria morbi causam expellit, imminutè tamen, ut artis auxilio opus habeat.

Morborum autem inijs putasne vi morbi, an naturæ decreto euacuationes fieri? Quod si vi morbi contingant, cur illis manus porrigimus, & imus subsidio? Medici munus est, atq; officium curare appositè ad sanandum, appositè autem curat, qui citò, tutò, & iucundè remedia confert. Curatio autem talis inicitur, cum recta, & conueniens sit remedium usurpatio. Remedia vocamus, quæcumq; corporis affectum præter naturam depellunt;

non quæ subsidio sunt, horum verò recta, & conueniens est vsurpatione, quum idonea quantitate, & modo, rationeq; congrua adhibentur, atq; in his curatio omnis consistit.

Tria igitur sunt, quibus ars omnis medendi constituitur:

Remedij genus, quantitas, & vtendi ratio.

Remedij genus, vt planius cognosci possit, discernendum, vnumne, an multa esse oporteat, si vnum simplex ne. an. compositum, si multa, simulne omnia, an sigillatim, & quo quæq; ordine afferenda sint?

Atq; hæc recta censenda est methodus. Quantitas rectè designabitur, si constet, quàm validum remedium quo gradu recessus a mediocri, quo pondere, quoties, & quandiu exhibendum est: Vtendi ratio explicat, per quæ loca abigendus morbus est, cui sedi adhibenda remedia, qua forma, quo morbi tempore, quæue hora.

Hæc igitur omnia nosse oportet, vt conueniens fiat remediorum vsurpatione. Quum enim remedium conuenienti quantitate, & ratione adhibetur, arte curatio succedit.

Ad quæ vniuersa colliment, oportet post hæc nostrates Medici, qui nullo iudicio remedia vsurpant. Multa suppeterent ad hanc rem facientia, sed satis sit digrum ad fontem intendisse. Vale.

Prud. Kal. Aug. MDCXXIX.





AD EXIMIVM MEDICVM

IOANNEM BAPTISTAM ROTAM

D. CASSIANI.

CONSULTATIO PRO ILLVSTRISSIMO COMITE LVE
GALLICA INFECTO.

post Hipp.
Lib. de vet.
med.



Aturam quadam contrariorum vicissitudine lætare, & a Galeno, & ab Arist. olim proditum fuit, id quod exemplo demonstravit Socrates, quum solutus virgulis sibi genu perfricuit, & inde cruor emanauit, nescio; inquit, quomodo se consequuntur voluptas, & dolor, quam calamitatem commodè inclytus hic vir, qui se nobis curandum exhibet, deslere, & deplorare potest, ipse enim pro suæ fortunæ conditione summis voluptatibus delibutus, & imbutus sibi necessariam multorum dolorum consecutionem intulit.

Sed quoniam rectum est iudex sui, & obliqui, res naturales nostri languentis præmittere iustum est, vt rerum præter naturam, quibus affligitur, idea, & magnitudo euidentius patecant.

Est igitur Illustrissimus vir quadragenarius, calida, siccaq; temper. præditus, cui imprimis immodico viscera torrentur æstu, ventriculus, vt par est, imbecillior, cap. humore vtunq; diffluit: olim genio, abdominiq; suo deditus, & in veneris illecebras procliuor incauto vestigio miser in luem gallicam incidit, quam hætenus eluere non potuit; quamobrem cum diutissimè delitescendo altas in iecinore egerit radices, tandem non sine scœnore multiplici malorum fructuum genere stipata effloruit. Sunt autem eiusmodi; fœda, & pruriginosa scabies rotundo schemate toto corpore continenter emanans non sine ingenti scalpum excipiente dolore: lassitudo: dolor medios occupans artus, quæ vniuersa deuexo sole incandescunt, & efferantur, vt nihil sit propius, quàm febricula, adeo vt totam ferè insomnis

agat

agat noctem. Huc accedit prægrandis lienis tumor, & falsusculus catharrus in fauces deciduus, quibus comes it Syphilis; Nunc ea nobis incumbit cura, ut singula in suas causas referamus, ut agendorum ratio eidentius constet.

Iecur itaque natura validum ac ossu luis vehere, quæ in vapidis quodam, & summè putri excremento latitat, amplius incanduit restu, hinc crassi exusti, & mordacis sanguinis proventus, qui ad superficiem unâ cum ichoribus protrusus pruritum primò, mox scabiem commisit, scdam nempe cutis turpitudinem, (æquum enim est, ut sanguis toto corpore vitiatu arguat eius naturalem principium lætum); portio verò humoris crassior ad mufculos effusa lassitudinem; h. e. voluntarij motus imminutionem ingemuit, at quæ peristitjs adhæsit, dolorem.

Quæ omnia vesperi inualefcunt, quod iuxta eius idiosyncrasiam humor ater tunc temporis commouetur, & æstuat, quare suscitatis calidis vaporibus ad cor, & caput elatis, & totum incalescit, & petrigium committitur, auctus enim calor spiritus omnes usq; deq; agit, ut nequeat pabca anathymiasis collectis spiritibus primum vincere sensorium, fouentur tamen vigiliæ a pærenni rerum agendarum cogitatione, hic enim vir domum, ut aiunt, gerit, Lien a lioriore agnoscit causam, ab hinc enim septennium, cum medici refrigerando hepatis studerent, incautè lien labem inusserunt, quare solito imbecillior commissum alimentum, conficere haud valens multum congestit excrementi, unde intumuit, & hinc etiam augetur melanch. humoris proventus, cum lien suo superseadeat officio. Destillatio consequitur humidam cap. intemp. & viscerum natalium feruorem, rectè enim Avic. notauit, eos, quibus æstuat iecur, distillationibus opportunos esse. Salsedo fit ex adustis vaporibus tenui cap. pituita commistis. At lues ex foedo concubitu contracta iam pridem fuit, quæ nihil est aliud, quàm præter naturam diathesis a vago, & etherogeneo vapore tota subst. in corp. hum. agente, neq; enim audiendi sunt posthac, qui luem morbum esse diffitentur, sed excrementum duntaxat esse volunt per modum externi erroris oblædens.

Hinc hæc ducuntur indicationes. Iecur refrigerandum, & humectandum, stomachus roborandus, caput persiccandum, vitiosi humores vacuandi, scabies detergentia, & siccantia postulat, humores crassi, quibus intumuit lien, incidentia, attenuantia, mollientia, deniq; sensibilibus, & insensibilibus euacuantia; lues proprium desiderat alexipharmacum.

Methodus.

Prognosis.

In quorum affectuum multiplicitate vix scio, quam feram sententiam, nam si lui, & viciato hepatis oculos adiciam, se mihi morbus offert multiplici nomine magnus, neq; minorem praebeat difficultatem lienis labes. Attamen quia aegrum, affidentes, & exteriora omnia nacti sumus, quae se opportuna facientia praestabunt, hinc non minimam spem concipio futuram, ut affectuum maxima pars propulsetur, reliqua ita lenitum iri, ut nullum, aut minimum posthac facebant negotium.

Reliquum modò est, ut remedium materiam perstringam. Et quod spectat ad chirurgiam, exiata prima corporis regione mittendus sanguis adunc. & amplius procedente curatione ad-mouenda humiditas cucurbitulae, ut vitiosus sanguis, qui cuti subest, educatur, tandem cauterium sinistro brachio inurendum ratione cap. nec minus sinistro femori male affecti lienis gratia. In calce uniuersae curationis ad extergendas sordes commendatur balneum.

Quod ad Pharmaciam attinet, primum cassia cum catholico offerenda ad sentinam exhauriendam, mox instituenda propinissima ex syr. de cychorio, borrag. end. diluta cum aq; hord. aut ambubeae, post quartum diem propinanda est infusio rhei ex D. Fl. & fr. card. & sol. fennae. Post die purgationis, tendenda vena basyl. dextri brachij, ut secunda corporis regio inanietur, tum iteranda serapia e succo oxalidis, buglossi, fumariae diluta ex D. agrim. fumariae, cuscute, fenchis, sem. mel. Post septem dies purgandum corpus ex confus. blamochi, & el. len. Exhausta secunda regione affigenda erunt cucurbitulae scapulis, humeris, ilibus, clunibus, femoribus, caetera item poterunt inuri. Interea aliquantisper intermittendus remedium vilius, ut vires resumantur.

Resectis viribus properandum ad Guaiaci D. ut tertia corporis regio inanietur, & iuis venereae seminaria radicitus, si fieri potest, euellantur, & coterantur. Neq; enim pertimescenda est ligni caliditas, ut meticulosi medici contingit, inter quos recensere licet Amat. Lusitan. qui C. p. grauiter debacchatur & detestatur medicos, qui naturis calidioribus guaiacum effertunt, non est, inquam, pertimescenda, nam quae proprietate inuât teste Gal. lib. Simph. omni tēpore, & omnibus temper. profunt, & proficiunt; accedat experientia testis, quae docet multos gracilentos, & ferè tabidos, ut ait Fern. vsu Guaiacinae D. pingues, & obesos euasisse.

Sed hoc me praeter caetera mouet, quod Guaiacum verum &

unicum est luis Alexipharmacum, id quod hac consequor con-
 clura. Natura, quæ ~~quædam~~ perhibetur, ubi morbum, ibi
 & remedium posuit; atqui lues, quemadmodum guaiacum; est
 vernacula Indis, quare credibile est, lignum esse verum alexi-
 pharmacum, quod tam longo usu comprobatum est. Sed enim
 cum lues totius subit proprietate agat in corpus humanum, reli-
 quum est, ut & remedium tacito quodam, & arcano dissensu
 resistat, & opponatur, & quemadmodum vnica cuiusq; est spe-
 cifica forma, ita & proprietas, vnde ni velimus rerum naturas
 confundere, fatendum; vnus speciei esse verum luis alexiphar-
 macum, ne nobis posthac obtudant iuniores rad. chinæ, falsæ
 parillæ, hydrargiri sim, & suffitum ex cynnabari, quæ scimus
 maximam partem conferre ad curationem luis gallicæ, quate-
 nus excrementa, ubi residere videtur lues, propulsant, quam sen-
 tentiam mordicus tuetur Capiuaccus existimans, ideo tantum
 morbi superari, quod roborata excretrice excrementa propellun-
 tur foras, quibuscum abit lues, quod etsi lubenter admitto, maius
 tamen aliquid desiderari contendo, ni velimus, medicamenta
 omnia, quæ cum partium tenuitate calida, siccaq; sunt, idem
 præstare posse beneficium, quod dictu nefas est.

Conclusum igitur sit Guaiacum esse verum luis alexipharma-
 cum, cuius D. primis diebus dilutiorem propinari volo, ut natura
 paulatim assuecas, & in fine D. adijcienda erunt cychoracea, &
 rumicis quodlibet genus, & præterea cetrachum. Persene-
 randum 40 dies, tanta enim est morbi acie, & singulis denis die-
 bus alius sollicitanda infusione lenæ propinata. Interim cap.
 prospiciendum inperfo pul. persiccante lieni adnoto. rag. ma-
 lactico, & digerente, quale fuerit illud, quod ab Amat. Cent.
 p. præscribitur, lecinori consulendum cerato santalino, conf. ros.
 borrag. cych. pulu. triasant.

Postremum ad cutis detersionem parandum est balneum, in
 quod ingreditur aeger.

Et scabies spuma ex D. collecta oblinenda, ut fieri solet.

Conualuit; & iam pancreaticè se habet.



PRO COMITE FEBRE CONTINUA ET MOLESTISSIMO CATHARRO LABORANTE

CONSULTATIO

AD INSIGNES MEDICOS HIPPOLYTUM RELICCIAM,
ET IO. BAPTISTAM ROTAM.

2. Phyf.



3. Cr.

Vamquam olim ab Arist. proditum est, artem non deliberare, hoc tamen perpetuum non esse, Ars Medica palam demonstrat, quæ inter stocasticas nempe coniecturales a Platone, & a Galeno censetur; hinc ille Medicus peritior habetur, & ad veritatem propius accedit, qui ætius non conijcere. Tunc vero difficileior eundem coniecit, quum morbi speciem nulla prædant recurrenda signa, sed communia quedam duntaxat ætiosissimum animum ferunt; scilicet enim est, ex sensibilibus intellectibus colligi, quum accidentia magnam partem conferant, si sint propria, ad cognoscendam rei naturam; propterea Gal. ex symptomatis, inquit, morbi species dignoscitur, ex eorumdem magnitudine morbi magnitudo. Quod si similitudo quedam animum ludat, solus est Artificis Apollinea arte informati similitudo differentias, ut ait Hipp. & differentium similitudines internoscere. Non est igitur mirum, si hodiernæ die inter consultandum, deliberandumq; tot opinionum myriades emerferint, morbi enim causa, species, & sedes affecta in penitissimis corporis partibus delitescunt, ut admodum artificiali coniectura sit opus. Constant tamen est, & in confesso, misellum ægotantem rheumate, febricula (quæ vespere incandescunt, & efferantur) molestissima tussi tentari, & affligi, macies ossa denudat, pallor ora decolorat.

Quid plura? Luctus ubiq; timor, & plurima mortis imago. Constant hæc fanè sed quæ sit morbi idea, eius continens causa, & præcipua sedes affecta, nondum in uniuersum constat. Sed ut rem facilius conficiamus, ex Gal. præcepto millies inculcato res naturales egroti præmittamus, rectum enim est iudex sui, & obliqui;

Lib. de off.
g. meth.

obliqui; hinc exclamabat Gal. 9. meth. nos non posse medicato-
rias indicationes scire languentium temper. ignorato, & lib. 1.
de comp. med. S. L. temperamenti cognitio, inquit curationem
inducat, qui enim scias, quantus sit a naturali statu recessus, ni-
cum praeteris?

Cum itaq; totius corporis temperamentum principum par-
tium, potissimum cordis, & iocinoris naturam sequatur, harum
partium discenda temperies. Ex Heticis notis, audacia, animi
ad actiones promptitudine & alacritate, ira; Ex phycis, pulsus
celeritate, magnitudine, pectoris latitudine, quod non est gla-
brum, sed hispidum, & hirsutum, colligimus calidissimum esse
cor, & siccum. Hepar item calidum esse, ex eo facile deprehen-
ditur, quod venae sunt latae, & corpus prus quam morbis impli-
citum esset, erat eufarcum, & decorae habitudinis, accedit & ve-
nerea lues, quae intemperiem auxit, & pravam indidit diathesim.
Hinc verò conficitur, totius temperamentum esse calidum, &
siccum, quod fortassis ante vitae victusq; errores, & aegritudines
erat humidum.

In continen-
tia.

Ventriculum humidum & frigidum esse suspicor, & multae
feraceae pituitae, ita enim vsu venire solet ijs, quibus iecur est
retorridum, & nimia vtuntur venere. Mitto alia signa. Caput,
si Hipp. & Gal. credimus calidum siccumq; est, hoc autem cal-
uitio detegitur, sensum integritate, auget coniecturam pericu-
lum ex tabaco factum. Quae cum, vt ego planè sentio, ita sint,
proximum est, vt singulos affectus in suas causas reducamus.
Caput, quod calidum, faciemq; fecimus, natura excrementis
vacare deberet, tribus tamen de causis scater, tum quia intem-
peratum est, (omnis enim intemperies deicit actum propriae
facultatis, vnde excrementa suae crescere, est necessum), tum quia
plus attrahit, (quum sit calidum) quam conficiendo sit, denique
quia iecur aestuans multos tollit ad cerebrum vapores, vnde rectè
notauit Auic. opportunos esse catharris, quibus iecur, atq; adeo
tota sanguinis massa torretur: Huc accedit ventriculus, qui &
ipse caput sua imbecillitate damnis auget, vt iure scripserit Hipp.
omnes morbos, qui capiti contingunt, ex ventriculo proficisci
ex imperfecta enim coctione plurima vaporum soboles ad cere-
brum effertur, quae sui parentis h. e. cruditatis naturam redolet.
Cum itaq; ita sese res habeat, non est mirum si pituitosi, & biliosi
excrementi proventus in cerebro congeritur (cerebrum enim
pituitae locus, & metropolis statuitur Hippocrati, & Galeno

Lib. de str.
hom. in Art.
parua.Lib. de str. nec.
Accedit obie-
cti scil. sang.
praua conditio,
quod
ex flauo-
scente spur
colligitur.

quantumvis per caliditatem, aliquando excedat) quod expultricis, & naturæ impetus sicutum in pectoris cavitate decubuit, ubi spiritum interceptum tussim excitavit, per moram verò putruit, (omne enim humidum loco calido conclusum, nisi diffusetur putrescit) ex putredine congenæ fuligines ad cor delatæ, calidum eius innatum auxerunt, & hinc feb. suborta est, quæ ego duplicem tertianam spuriam statuo, eamq; perennem, etsi tamen mitescere, & delitescere videatur, ut enim ex viridi ligno semper aliquid effumat, ita cruda pituita, cum maximè haud procul a corde putrescit, putidos exhalat usq; vapores cordi noxios. Macies autem excipit cordis, atq; adeo totius calidam, & siccam intemperiem, & luis venereæ prævam diathesim. Hæc est morbi species in suas causas redacta, neq; viscerum, & præcordiorum obstructions huc faciunt, si velimus duarum febrium implexum instituire, quod binæ putredinis mineræ parere consueverunt.

*Lib. 3. F. 3.
et. 5. cap. 18.*

Neq; Phthyseos altera differentia est, cum perpetuò sequatur pulmonum vlcus, quod hæctica febris excipit, neq; Anic. aliter sensit, cum scripsit. Hæc vlcera aut sunt in pectore, aut in velamine, aut sunt in pulmone, & ista divisio ultima est phthyseos, aut est in canna &c.

Methodus.

Neq; quod rejicitur, & expectoratur est pus, sed aliquid pyodes, quod experientia patuit; pituita enim, ubi sensit putredinem, in eam euadit naturam, sanguis verò solus, & alumnus humor in pus facessit. Cæterum adesse lucem gallicam, minimè ambigo. Curandi ergo methodus ea erit, ut pituita in pulmone putrescens incidatur, attenuetur, detergatur, concoquatur, & deniq; extirpetur, ut prauo motu illabitur in pulmones, alio auertatur, cerebri discrasia per contrarium tollatur, pulmones, ne tam faciliè recipiant, roborentur proprietatem ipsam respicientibus, iecur refrigerantia postulat, ventriculus calfacientia, & siccantia, febris frigida, & humida, lues proprium alexipharmacum.

Prognosis.

Quid verò statuas in hac multigena rerum difficultate? Morbus enim duplici nomine magnus est, siquidem grandis est recessus a naturali statu, & multa pituita redundat in bilioso corpore, & macies, & pallor ora decoloret, quæ antea in eufarco corpore florebant; adest vehementia dignitatis, siquidem laborant omnes principes particule, & quod deterius est contrarias præbent indicationes, ijs comes it scyphilis, seu gallica lues, quæ omnia contumaciora, & perniciosiora reddit, Equidem vereor,

vertor, ne tandem in hecticam deficiat febris, ni cito succurratur languenti, quæcunq; enim destillationes (vt est medicorū axioma) ni tempore conquiescant, alteram faciunt tabis differentiam. At verò quoniam mala nondum malignitatis apicem attingere, age percurramus, obiterq; perstringamas, quæ sunt vñi futura.

Ex chirurgico fonte sanguinis missio probatur per epistram, sed ad motis hyrudinibus venas ani aperiri velim, melancholicus enim, & præcussus sanguis in visceribus æstuat, qui per inferiora commodius teste Hipp. euacuatur, neq; tanta sit virium dissipatio, sanguis enim peccat, vt fouens causa, & sine qua tutò curatio initi non potest. Cauterium dextro femori mustum maximo erit vñi. Succedente tempore, si feb. in aliam speciem deficere videatur, non improbabitur balneum.

Ex Pharmacia non sunt abdicanda euacuancia mitiora. mel ros. sol. vñà cum manna calabrensi, cassia cum cremore tartari inter initia conueniunt. Si cum aceto melisso syr. de farsaria, aut adianthinus vñà cum syr. viol. propinetur, ritè parabitur materia tum expectorationi, tum purgationi. Agaricus vñà cum oxymelite ad purgandam pituitam erit congruus. Conferet & cassia vñà cum rheubarbaro, aut tantillo electario e dactylis. Radices enulæ, ireos, ari, dracunculi infusæ, aut conditæ, & ex arte exhibitæ erunt vñi, conferentq; ad educendam e pulmonibus pituitatem. Myrrhidis decoctio a Dioscoride commendatur. Sunt, qui tabaci D. efferant. Sulphuris flores citrà periculum adhiberi non possunt: si non prosis, vide, ne noceas.

Repetantur blandæ purgationes, quæ materiæ portionem educant illibatis viribus. Solis bechiæ euelli non potest morbi radix, vsurpari tamen debent. Mel Ibericum non præstabit, quod contenditur, ni diluatur, quemadmodum, diximus, nam angusta loca non permeat, ut notauit Gal. Syr. de hyssopo. de 6. cap. passio, de tussilagine summis pollent viribus, crocus adijci posset, cum sit pulmonum vita, sed ob feb. & quia est carebaricos omitteratur. Saccharum rosaceum est perniciosum, & nulli usui est, si pectus spectemus. Theriaca febrem scheticam hecticam efficiet, propterea prius quàm febris non decessit, tutò usurpari non potest. Gargarismi, & masticatoria erunt noxia, maior enim pars prolectæ pituitæ in pulmones decurrabit. Conueniunt erethina, sed mitiora, quæ materiam non agitent, huiusmodi erit Aq. hordei,

hordei, in qua dissoluta sit manna, aut syr. ros. pall. comp. cum agarico.

Maxima curationis spes reposita est in usu D. Chynæ, quæ ita præscribi debet, ut admittat farsaram, mentham, & cythorei genus aliquid, mentha, & cythorium uentriculum respicient, & iecur, farsara pulmoni prospiciet. Malim fieri infusionem in iusculo pulli, quàm turricolæ palumbis. Si febris summoti uideatur pro uisco quercino sufficiatur lignum guaiacinum, hoc enim specificum est luis Alexipharmacum. Roborabitur caput, si faccharum ros. unâ cum conferua fl. anthos quotidie deuoretur, pulmoni quoq; consules, si adijeas aliquid pulmonariæ, aut pulmonis Vulpini. Si superesse iecoris intemperies uideatur, iusculis multò cythorio temperatis afficiatur. Si stomachus ferat, hac æstate hauriat serum. Stomachus, litu, fotu, stillicidio decenti, sumptis, tabellis, electarijs roboretur. Vinum penitus circumcidendum. Quibus si nil proficitur, conclamatum esse: certò scimus, quod D. o. m. omen auertat.

Tabidus ob incongruam absimilium medicamentorum vspationem diem obiit.



PRO FORMOSA HEROIDE

HYPOCHONDRIACA MELANCHOLIA IMPLICITA

CONSULTATIO

AD HIERONYMUM CORTE PORTVS GRV ARII MEDICO-
PHYSICVM PVBLICO HONORARIO CONDECORATVM.



On est mirum, si Galenus Medicinam inter artes reposuerit, quas Plato in Philebo *sonasides* appellat, quæ *sonasides* veritatem inquirunt, nulla enim ratione nostris pateſcunt ſenſibus intimæ affectiones, quas Hipp. & cognitu, & curatu difficiles vocauit, quocirca artiſicioſa coniectura multiplici ſignorum genere ſtipata (neq; enim, vt in rebus naturæ, quarum eſt ordo, ex vno proprio ſigno; ſed ex ſyndrome, morbi ſpeciem colligere, phas eſt) internorum affectuum vſides diaphoræ nobis innotescunt, hinc ſit, vt qui melius conijcere nouit, perfectior iudicetur artiſex, non enim tam difficile eſt curare, & accommodatum morbo remedium inuenire, quàm partem affectam, morbi ſpeciem, cauſſam, & euentum dignoſcere, Medicina enim ad ſingulos morbos innumerabilia remedia proponit, quibus tamen prudenter vti non poſſis ignorato morbo, iuxta illud. *Non intellecti nulla eſt curatio morbi.*

Verumtamen cum exactam noctem inſomnis egiſſem, acriùſq; in propoſitas affectiones mentis aciem defixiſſem, te in deprehendenda pathematum cauſſa, quæ clariffimam Heroïnã miſerè exercent, minimè falſum eſſe, certa ſpe credũs ſunt.

Enimuero, ſi conſtet, cardiogmo, ventriculi inflatione, ruſtibus, vomitionibus, murmure, & borborygmis ſub hypochondrijs identidem formoſiſſimam, nobiliſſimamq; Dominam corripì, quæ & biliſa donata ſit natura ad atriam vergente ob iecioris calidam intemperiem, cuius cauſſa etiam toto gracileſcit corpore, quis ambigat, multiplicem hanc ſympt. varietatem referendam eſſe in hypochondriacum affectum, quem alij flatuoſum, Arabes myrachialem melancholiam nuncupant, nam etſi

K

inſculpatè,

inculpate, integreque obeantur principes functiones. (quod infrequens, & insolens esse solet in melancholijs.) nil tamen obstat, quin ea morbi species emergat, quam signauimus, dummodo facile obirascatur Domina, in mœrorem propendeat, displiceant sales, & vneres, summum varia animi motione alternatim afficiatur, id quod & Amatus cent. 4. curat Liv. obseruauit. & Marcellus Donatus lib. 2. de Adm. Hist. med. c. 2. quibus reclamation Epiphanius, sed immerito, vt notauimus alibi.

Hoc autem intelligi debet, dummodo absint malè affecti vteri indicia, ille enim interdum indignatus, & in congestos humores agens multam vaporum propaginem procreat, quibus similia excitantur symptomata, quæ vomitu, aut ructu, aut ventris crepitu tolluntur.

Itaq; cum huic generosæ Dominæ iecur immodico ferueat æstu, quod multis colligitur notis, reliquum est, vt frigore hebescat ventriculi tonus (absorpta enim ex parte per iecoris nimiam caliditatem eius innata humiditate calor euolauit, & euauit) quam labem per vomitum excretæ pituitæ prouentus arguit: Quare cum nisi longo post tempore chylosis absolui non possit, iecur autem moræ impatiens, humectariq; cupiens pernici attractione chyli elaborationem, & perfectionem anteuertat, & anticipet, fit, vt crudior chylus in exiles mesenteriei venulas abreptus inhærescat, præterlabiq; nescius oppilet, commeatumq; reliquo præpediat succo, hinc ventilatione vetita calor præter naturam augetur, sanguis exurit, flogosis suboritur, & genuina hypochondriaca affectio ex melanch. humore; quo in feruore, & subagitatione multigeni efferuntur status ad stomachum, quorum copia, & extensione diuulsus identidem dolitat, donec euanescent; Nec est, quod quispiam resistat obijciens, status gigni ex frig. materia ab imbecillo calore, hic autem vigeat calor; non est, inquam, nam cum medium definiatur comparatione extremorum, h. e. Agentis ad patiens, tanta autem sit materiæ rebellio, & peruicacitas, vt agenti calori obnitens eius vim subterfugiat in status conuersa, quos dissoluere non possit ob crassitiam, fit, vt impotentis instar appareat ea in lucta: Accedat melancholiam propria conditione esse statulentam, propterea Hipp. melancholicos appellauit pneumaticos, qua ratione & Arist. existimauit, eosdem libidine turgere. Quæ cum ita sint, (vti esse putandum est) inflat, vt incidentibus, & tergentibus obstructions submoueantur, crassus, fœculentus, exustusq; humor præparatus imminuat.

imminuatur primum, tum radicitus euellatur, iecinoris feruor temperetur, ventriculi deiectus tenor erigatur, dolor virgens anodynum indicat. Quorum indicationum faciliior est inuentio, quam absolutio, quis enim tutam, facilemque ausit polliceri curationem in hac affectuum varietate; In hac humorum contumacia (summæ enim est resistentiæ ob substantiæ modum melancholicus humor); In hac viscerum (vtar Mercati vocabulo) contra operantia; In hac malorum diuturnitate? Equidem animum despondeam, nisi in bonam erigat spem Domine obtemperantia, atque ætatis floridus annus. Anticipatæ igitur opinioni succurrendum auxilijs, a fonte chirurgico ducto initio.

Ergo ex dextri brachij basylica fundatur sanguis ad selibram, (nil enim æq; iecur refrigerat) (ni suppressi aliter suadeant Menses) tum hæmorrhoidibus hircines admoveantur, proluciatque sanguis ad vnc. v. absoluta purgatione non illauidabile videretur inustum dextro femori cauterium. Virgente dolore cucurbitula cum multa flamma ventriculo affigatur. &c.

Quod spectat ad pharmaciam. Sentina ecco protico exhauriatur in hunc modum R. syr. ros. sol. vnc. iv. el. len. drach. vi. seri capr. lib. semis. m. f. p. Tum digerendi sunt humores syr. de succo borrag. de pomis de scolopendrio cum D. sem. citri, fl. borrag. comarum lupulorum fol. sonchi, deinde euacuandi infusione fennæ orient. adiecto electario catholico (neque enim fortioribus hic opus est, tum quia humor melanch. blandè tractari vult, tum quod minera haud procul abest: Hoc absoluto de integro parandi, & adæquandi humores ad vltiorem purgationem syr. de fumo terræ, Regis Sabor, de cychorio cum rheo Nic. dilutis cum D. betonica, fumaris, fl. viol. buglossi, genistæ, sem. securidacæ, passul. Septies his exhaustis propotismatis, tota eradicanda moles infusione rhei cum agarici momento facta in Decoct. leui epithymi Cretensis passul. sem. citri ex sero caprillo. Senna, quam prius proposuimus, quia statulenta est, si videtur, omittatur. Hinc ad generosiora remedia faciendus gradus, vt viscerum eximatur discrasia, proin ad iecur refrigerandum essent, qui commendarent potum Aq. thermalium, utpote B.V. aut Lucensium, ante quarum usum præmitterent Thetutianas, vt viam sternant, & tergeant, & fortassis etiam in calce hauriendas propinarent, vt impressam ventriculo noxam adimant, ea tamen cautione, vt ea permiscantur, quæ huiusmodi aq. per intestina prouoluunt; At aq. Thermæ prohibentur ab hypochondriaca.

Hoc commendat Bened. Fascent. in conf. pro ill. Card. ex Gal. 6. epid. cō. Id quod repetit Forestus. lib. x. obseru. xviii. quemadmodum & balneum.

melancholia & corporis macie; harum loco sufficiatur D. fantali rubei, & Melissæ, & Althææ: Pro stomacho ius columbi domestici, in quo mensham, & borrag. incôxeris: Quin Balneum præmunito ventriculo, si per ambientis temperiem liceat, vsui maximopere futurum duxerim.

Litusetiam ex vng. fantal. super hepatis regionem non erunt omittendi. His peractis prospiciendum stomacho sumptis, & admotis. Quare quotidie sumat tabellas ex arom. ros. saccharum absynthiacum, corticem citri conditum, nucem mosch. cond. & huiusmodi innumera, foris stomachi regio ol. e nuce moschata, & cinnamomo, e mentha oblinatur tantulo addito aromatico vino; Sed caue, ne dū ventriculo calfaciendo studes, iecur impendio torridum efficias: A prandio sumat puluere aliquem stomachum firmantem, & fumos reprimentem, qualis foret ex corallo, c. c. præp. diamarg. coriandro præp. addito cinnamomo, aut sumpto diacytonite, aut saccharo rosato,

Atque nos hæc obiter,



CONSULTATIO
PRO MONACHO LIGNIPEDE
GRAVI AUDITU
SEU SVRDIGINE LABORANTE.

Dvo sunt sensus potissimum, qui non modò ad cape-
sendas disciplinas conducunt, verùm etiam ad benè,
politèq; viuendum maximè necessarij videntur,
quorum alter visus, alter auditus est. Hinc Arist.
dicebat, nos præ reliquis sensibus oculos diligere,
quia plures rerum differentias nobis suppeditant, atq; auditum
idem ipse sensum disciplinæ nuncupauit, nec iniuria sanè, res
enim, & animi conceptus per aures hausti magis animo inscul-
puntur, eumq; magis feriunt.

Quòd si auditus hebetudo sonorum differentias; vocum, ser-
monumq; discrimina præpediat, audienti incommoda, & per-
molesta euadit affectio, loquenti morosa, & abominabilis.
Cæterum cum P. T. hæc ipsa affectio diu negotium facessuerit,
allaborandum omnino est, vt quàm fieri potest maximè de me-
dio tollatur, aut certè imminuatur.

At verò quoniam curationem aggredi non licet, priùs quàm
explorata fuerit cuiusq; natura (naturam voco temperiem cum
Galeno), danda in primis opera, vt P. T. temperamentum in
apertum se se proferat, vt tum ferendæ prognosi, tum eliciendis
indicationibus inferuiat.

Quantum igitur assequi licet ex eusarco, & rubicundo corpo-
ris habitu, ex venarum magnitudine, ex florido aspectu, corporis
mollitie, morum suauitate asserendum videtur P. T. sanguinea
donari temperie, h. e. calida, & humida, propterea dicebat Hipp.
eos, qui puri sanguinis non inexpertes sunt, & aspectu; & corpore
floridos, & perspicui coloris esse.

Cum igitur tali temperie sit prædita P. T. maximè per iecur
retorridum, non est mirum si ebulliente sanguine multa vaporum
supellex

supellex tollatur ad præhumidum caput, ubi pituitescences cerebrum, atq; adeo sensuum organa simili qualitate afficiunt. Accedit importunum studium a passu initum, per quod ab officinis coctionis auocatur calor ad caput, & multi vapores vni efferuntur, qui parentis naturam redolent. Huc spectat & benedicta illa hydragyrus ad interficiendos pediculos præscripta, quæ cum nervosum genus, præcipue vero nervos ex quinto pari deductos, & organum auditus affecerit, hanc auditus hebetudinem cumulauit, quæ sanè nihil est aliud, (si essentiam spectemus), quam auditus imminutio propter frigidam, humidamq; nervi auditorij intemperiem, & innatæ auræ crassamentum, vnde non nisi ex magnis vocibus impellitur. Est ergo symptoma de genere animalium functionum minutarum pendens a frigida, & humida intemperie.

Cum igitur hæc sit ægritudinis natura, proximum est, vt videamus, quid per medentium auxilia assequi possimus. Profecto vt nil est gloriosius, quam futurum euentum præuidere, & prædicere, ita nil fallacius: Fallacia pendet partim ex Medici ignauia, partim ex materiæ conditione circumstantijs temporis, loci, personæ delinitæ.

Prognosticon
Si tamen in hac rerum ambiguitate proficere licet, quid ingenuè sentiam, verendum, vt pristino tenori restituatur auditio, altas enim per temporis diuturnitatem egit radices intemperies, quæ quotidie etiam fouetur tum ab assidujs studijs, tum ab incongrua victus ratione; vescitur enim P. T. legarijs, herbis, & cerealibus frugibus immaturis, imò laganis, & similibus esculentis, quæ tum concoctu sunt difficilia, tum prauis sunt chymi. Verumtamen ne magis inualescat, ingrauescatq; affectio, & infociabilem reddat P. T. manum medicam operi admonendam censeo: Curationem autem auspicabimur a venæ sectione lenita prius aluo per Rhodomel soluens, & mannam, syriacumq; rorem, vti hepatis, sanguinisq; feruor castigetur, atq; adeo vaporum copia subsideat. Tum ad parandos, æquandosq; humores gradum faciemus (neq; enim capitis curationem aggredi licet, prius quam toti prospectum fuerit teste etiamnum Platone) Parabuntur autem syr. de betonica, de succo fumariz, & Endiuiz addito diluto ex Endiuia, Buglossò, betonica. Parati humores foras exigentur Agarico, & Rhabarbato infusis in Aquis betonicæ, & Endiuiz, adiecta expressioni iusta electarij de Dactylis portione, (distant enim longè a prima corporis regione educendi humo-

humores): Si hæc satis esse non videtur, repetantur eiusdem generis validiora præsidia vt pura cocchia, cataplectia. Mox ad subalterna remedia faciendus gradus nimirum ad mallicatoria, & errhina, & sternutatoria, quo tempore generosum aliquod auxilium experiri fas est, nempe Decoctionem ex incisa Chinae radice, quò expressus sudor per legitimum pharmaci vsum superuacuas totius corporis præsertim capitis humiditates afficeret.

Postremum topica usurpari debent, quæ modicum cassificent, & siccant præterea superuacuum pituitatem educant, velut pennicillus e fibris ellebori nigri intinctis melle, & in aures inductis, aut hapsus inebriatus ol. amygd. amar. in quo colocynthis, aut elleb. niger vna cum succo alij, aut porri bolliet. In primis eligendus aer purissimus, & aridior, & communis Monachorum vita declinanda, vt summo, & vniuersi modi rerum non naturalium congressu malum recedat. Atq; hæc sunt, quæ festinanter exarauimus, vt propensius erga te animi mei extet memosynon.



MICHAELI-ANGELO ROTAE
MEDICO, ATQ; PHILOSOPHO CLARISSIMO,
ET OMNIUM VIRTUTUM GENERE
ORNATISSIMO.
IOANNES STEPHANVS. S.P.D.

*Dari occultas proprietates, probatur, Calculi, & convulsionum
aliam esse causam ab ea, quae vulgo putatur.*



Sque adeo, doctissime Rota, rerum species, ratio-
nesq; in materiae gremio latent, ut non sit mi-
rum, si pro veritate comparanda tot opinionum
myriades emergant, cum enim sua sit cuiq; inge-
nij vis, atq; conditio, plures de vna, eademq; re
rationes efformari, effingiq; contingit, quam-
quam res vna, veritas vna. Nihil igitur moreris, aut mireris si in-
praesentiam tibi rerum proprietates improbanti probans ipse re-
posuerim: Et illud in primis sapientissimi Capiuaccei, quem
In Epist. ad Petrum Med. noui Med. meritò tanti aestimas, h. e. putrefactionem materiae esse vitium ra-
tione formae, venenationem vitium ratione organi formae principalis.
Quid hoc est rei? Nisi proprietates designet, quae ad tempera-
tionem praecipuum magis, & dignius videtur esse formae machi-
namentum, cum nulla substantia sit immediatum agendi prin-
cipium, nemo, nisi Oedipus, diuinet. Qualitas illa efficienti
causae intima, quidnam, quaeso est, nisi proprietas? Quid sibi
volunt specificae, abditaeq; qualitates? Quid audiuit Themi-
stius elegantissimus, quum facultatem graphice describens,
quippiam esse, ait, quod rei substantia ex se profert, ac tanquam
de sinu suo promit? Sanè plurima, quin omnia ausim dicere aut
per temperamentum aut per proprietatem agere. Respice
Heraclium lapidem, qui illibatus ferrù allicit, Adamante circum-
posito, aut succo allij allitus vim amittit, quam iterum benignus
Hirci cruor restituit, atq; rependit, in hoc spectaculo ob oculos
quid

quid obijcitur aliud, quàm proprietas? (Morus verè, & seuerè
sim si morer, illorum nuguendulas de magnete opiniones, quos
fatis superq; repressit Sennæ filius). Quod si omnia ad tempera-
 mentum reuocas, cur peræq; calida, aut frigida iisdem viribus
 non pollent? Proportionem obtrudes. At proportio, cum
 ad aliud referatur, omni vocat efficacia; Scio enim quoddam huc
 confugere. Sed mihi omnium instar sit Galeni authoritas, pro-
 prietates afferentis aduersus præceptorem Pelopem.

*Lib. 5. c. de
 Cancro.*

Porro calculos coalescere asserui, si fæculenta, & terrosa materia
 lapidescenti, vt loquitur Matth. succo iugata, commixtaq; an-
 gustos, aridioresq; peruadat meatus, quibus innexa cohærescat,
 quod yfû venit in renibus, ac vesica, per quos materia a sanguine
 secreta continenter præterlabitur, atq; strata, prostitutaq;
 materiae præbet incrementum. Accedit renum certa quædam
diathesis, per quam intimum tartarei succi coagulationis princi-
 pium promouetur, ac veluti exercetur; diathesim verò non au-
 dias vim quandam *λιθοποιητικην* tartareum, vt dicunt Herme-
 tici, succum coagulantem, & in lapillos cogentem, nam valde
 atopon esset renibus gignendi calculi vim adscribere, quibus ea
 publica cura, & officium incumbat, vt ferosum excrementum
 alliciant, atq; secernant, sed potius materialis quædam compo-
 sitio intelligenda est, veluti meatuum laxitas, renum densitas,
 angustia, siccitas, excreticis imbecillitas, huc quoq; calorem
 velut synergon, & adiutricem causam appello, non primam &
 præcipuam, quis enim credat, aut concedat tantam caloris hy-
 perbolem, quæ vim cogendi lapillos habeat? Quod si ita est,
 cur humidis non dissoluuntur, & dissipantur? Sic enim contin-
 git ijs, quæ calor coegit. Cur omnibus, queis renes summo tor-
 rentur æstu, & ventres vberima turgescunt cruditate, calculi
 non succrescunt?

Deniq; conuulsionum vnicam, & continentem causam statui,
 fibrosarum partium expultricis, quæ animalem vim sibi in eadem
 sede coniugatam in sympathiam trahit, irritamentum a remo-
 lesta. Neq; enim proximè neruorum repletio siue secundum sub-
 stantiam, siue secundum cavitatem, siue secundum tunicas, vt
 Neotericorum vtat idiomate, conuulsionem parit, verum pa-
 raplegiam, & motus, sensusq; impotentiam, & narcosin;
 neq; tanta vigere potest in viuente corpore siccitas, quæ ner-
 uos contrahat, aut adducat, quod si hoc verum est cur hec-
 tics, aut marasmo confectis, quibus anima est pro sale,

Semmerhus.

MACI

L neruorum

neruorum non accidit contentio ?

Vide igitur vir præstantissime, quàm dubia sint omnia, vt non iniuria scripserit Rhœis filius Medicorum verba in hoc symptomate vniuersim-simillima esse Musicorum cantilenis, aut Anicularum fabellis, cur enim in latum potius, quàm in longum protenduntur ?

Atq; hæc sunt, quæ per temporis angustiam tibi optimo, & spectatissimo Philosopho obijcere volui; rogo igitur vt æqui, boniq; consulas & mihi festinanter scribenti, & abs te gratiam ineunti aliquid condones: Expectabo autem ab Horto tuo, in quo Suadæ, & Apollinis vernat Genius, vberimos tuæ sapientiæ fructus liliorum candore respersos, atq; nitentes. Vale Asclepiadarum decus, & me in tuorum numero esse velis.



IOANNI STEPHANO
FRATRI DILECTISSIMO.

B. STEPHANVS. S. D.

A Nimi gratia cum externa die litteris vacarem, nec non meos reuoluerem Auctores, qui mihi sunt instar animatorum sociorum, quibus hic vndequaq; & omnino non sine tormento careo, vt tu ipse excogitare potes, cum inquit Philosophus, Homo est animal sociabile, & politicum, quod societate mirè delectatur; non absq; tamen magna voluptate, hæc externa oblitus, in meo Museo intrusus perlegi hæc verba, quæ sunt Concilij Anquirensis: *Quisquis credit aliquid posse fieri, aut aliquam creaturam in melius; aut in deterius immutari, aut transformari in aliam speciem, vel similitudinem, nisi ab ipso Creatore, qui omnia fecit, & per quem omnia facta sunt, proculdubio infidelis est, & pagano deterior.*

Post horum lætitationem reuocaui in dubium, quoniam de singulis dubitare non est inutile, an ars Alchymia sit prohibita, & an Alchymistæ heretici putandi sint, cum credant posse transmutari aliquod corpus, siue speciem, in aliud corpus, & speciem, nam ipsi, vt tenes, Auricalcum, & Plumbum, in Aurum, & Argentum permutare conantur: Si more Legistarum adhæreo litteræ, absq; dubio Alchymistas esse hæreticos, & Alchymia artem damnatam, atq; nullius ponderis esse, vt quotidie nos vsus, & experientia docet, cum nunquam ad optata perueniant, quamuis multum temporis, & olei conterant, asserere debeo. Amplius in hanc sententiam huiusmodi argumentum me trahit.

Quod lex non permittit, videtur prohibitum, at Alchymia sine auri decoctione fieri non potest, quæ decoctio ab Augustiis. Imp. Honorio, & Theodosio prohibetur, ergo Alchymia ars est vetita. Attamen facillè labor in contrariam opinionem, quia mihi nō videtur impossibile, & repugnans omnino naturæ, quod ex vna specie metalli. 5. ære, alia species metalli. 5. aurum pro-

L 2 ducatur

ducatur, nec hoc, vt puto, est credere vnâ speciē mutari in aliam, quod esset impossibile. Quod dixi non est inconueniens; nam non ne videmus ex herba vitrum confici? ex re mortua non raro viuam produci, vt videre est in bombycibus? Sic equidem. Ergo multo magis ex metallis in quibus est maior conuenientia, & similitudo potest fieri commutatio æris in aurum. Et cum ars imitetur naturam, Alchymista non peccat, dummodò non arte Magica, sed virtute herbarum, lapidum, & elementorum de stanno faciat argentum, cum sint quasi ex eodem principio, & similia, in habētibus autē symbolū, ideo facilis, mihi crede, est transitus, quia vt est credendum, multæ virtutes herbis lapidibus, & elementis insunt. Ad cuius corroborationem in medium afferō Augustini notabile, & aureum dictum, albo lapillo signandum. Insunt rebus corporeis per omnia elementa mundi quædam occultæ seminarię rationes, quibus cum data fuerit opportunitas temporalis, & causalis prorumpunt in species debitas suis modis, & finibus.

Ad te verò, quia facile decipi possum tanquam in his parum versatus, pro solutione huius meæ dubitationis sicut ad Apollinis Oraculum confugio, vt hæc, quæ mihi per obscura sunt, rationibus magis appositis facias clariora. Solaminis gratia tibi hæc scribere volui, & vt inde tuo auxilio aliquos fructus percipere possim. Natalitias solemnitates tibi à Deo exopto cum alijs quamplurimis propitias, atq; auxiliares. Me vt commendatum habeas, rogo, & Vale.

Longaroni xi Chal. lan. Anno ab orbe redempto M DCXXIV.

Per obliuionem exciderat, hic modo Attagenas, Porphyriones, Vrogallos maiores, & minores infrequenter decipulis decipi, aut pyrio puluere, plumbeaq; glande perfodiri, & cædi, tanta enim vis niuium repentē Cælo decedit, vt vias inuias copia effecerint, & iter omne interceperint. Iterum benè vale.

B. STEPHANO V. I. D.
AC FRATRI DILECTISSIMO.
IOANNES STEPHANVS. S. P. D.

Chymica artis Professores nulla hæreseos suspitione teneri.

Seriaz dubitationes tuæ animum mihi mulserunt, & blanda quadam admiratione affecerunt, ita bellè, & solidè quæris. Suppudet verò, pigetq; me tanti non esse, qui planè tibi satis possim facere. At verò quoniam conatus meos pro tua humanitate agnosces, audendum. Paucis igitur, quid sentiam; accipito.

Anquirens Concilio sancitum est, qui Metamorphosin citrà Dei voluntatem crediderit, infidelem esse.

Quæ sanè sanctio memoriam tibi refricuit Alchymia: vnus metalli in aliud transmutationem profitentis, atq; adeò numquid Chymistæ, qui cæterorū metallorū in argentum, & aurum transmutationem tuentur, infideles censendi sint, & hæresi damnati.

Cuius rei declarandæ gratia altius quædam repetenda sunt, & illud in primis alta mente tenendum, transmutationes duplicis esse generis; quædam enim ex idonea, aptaq; materie sunt ad formas certis circumstantijs limitatas, & definitas; quædam verò nequaquam: Priores naturæ viribus existunt interdum solius, nonnunquam artis ope communitæ. Ars etenim naturam perficit. Posteriores summa Dei potestate consistunt; enimverò materia nullam ad effectum producendum obtinens dynamin, & facultatem, nihili rationem subit, solius porro Dei est, aliquid ex nihilo procreare, vis enim desideratur infinita, atq; inexhausta. Quamobrem, qui crediderit Hecubam in Canem, Io in Vaccam, Calisto in Vrsam, Asteona in Ceruum, Picum in Auem, Mœrir in Lupum, Apuleium in Asinum citrà Dei voluntatem conuersum fuisse, infidelis erit, & hæresi infectus. Verùm dices. Nonne firma credit fide Ecclesia, Vxorē Loth versam fuisse in statuam, Nabucod. Regem in Iuencum? Ad hæc nonne

Circe

Circe sortilega Uliſſis ſocios mutauit in Porcos? Narrat. Diuus Auguſtinus; quosdam viatores in lumenta conuerſos pondera baiulaſſe. Sed enim quemadmodum illa ſecreto Dei conſilio planè acciderunt, ita iſthæc temerè non ſunt admittenda; fuerunt enim præſtigie, quæ oculis impoſuere, neq; enim mens in belluino corpore conſillere poteſt vel momento, ſi modo omnia in numero, pondere, & meſura facta ſunt. Pythagoræis nil magis eſt in conſeſſo, quam formarum tranſmigratione. Accedit, fabellis illis aliquid ſubefſe, quo docemur, ſcortatores fieri ſuiſus perſoniles.

Reliquum modò eſt, vt videamus, an ferro, aut cupro inſit aliqua ad aurum facultas, quam ſi conſtituerit inefſe, facilis poſtea erit quæſtionis dilutio.

Phyſicis controuertitur, num Deus materiæ mutationis potius, quam perfectionis appetitum indiderit.

Ariſt. perfectionis appetitum tribuiſſe videtur cum primo Phyſ. ſcripſit, materiam appetere formam, eo ſcēmina vitum, quapropter Scaliger huius opinionis a cerrimus eſt fautor.

Quod ſi ita eſt, diſſiteri non poſſumus, metallis omnibus inſitam eſſe propenſionem ad aurum veluti ad finem, & perfectionem, in qua conquieſcant. Sed eſto, vt Deus materiæ mutationis appetitum indiderit, eo nomine cætera metalla, vrpote quæ eadem materia conſtant, nempe Mercurio, & ſulphure, poterunt aliquando in aurum artis ope commutari. Nam etſi ſingulas acquiſita propria forma conquieſcunt, nec aliam expetunt formam, attamen peculiaribus exorta diſpoſitionibus, & melioribus ab extrario agente imbuta dynamini nancieſcuntur ad meliorem formam. Hinc Chymicæ Artis fautores argumentum ſumunt, arguuntq; artis opera ſummoueri poſſe naturæ impedimenta, & materiæ ſopitam potentiam inductis per artem certis aptitudinibus excitari ad auri formam ſuſcipiendam. Propterea D. Thomas ex cæt. metallis aurum conſtari conſtanter aſſeruit, dummodo certa ratione actiua paſſiuis coaptentur, vt inde naturæ actio reſultet. Neq; tamen hinc conſectum volumus, vt per artem forma ſpecifica in aliam tranſferri poſſit, nam hoc eſt naturæ ſolius, non artis quæ cum ſit a cædens ſubſtantix productio, non attingit niſi naturæ coniugata.

Sunt, qui putent, auro inefſe genitum ſpiritum, ſed craſſum, & in ſecundum, qui ignis, & artis ope depuratus, & ſyncerior ſecundus euadit, & ſolo cum altero metallo coitu, congreſſuq; aurum

Com. In
Meteor.

Fernelius.

aurum gignit. Hunc spiritum Elixir vocant Arabes, quem velim
potius, quàm Socratis genium.

His satis, superq; probatum puto, naturæ viribus posse ex cæ-
teris metallis aurum confari, quare haud infideles censendi erunt
Chymici, sed sufflones, & bonorum decoctores, pauci enim in-
genij acumine naturæ arcana peruadunt.

Atq; hæc pro tempore tibi sint satis. Rogo interim, vt per-
gas, & tuum excolas, perficiasq; ingenium bono gymnade.
Vale. Prid. Kal. Ianu. M DC XXIV.

Inuitus audiui, non inueniri Alites Monticolas, quas iam du-
dum Amicis voueram, si studio inueniri possunt, quam primum
ad me per Puerum transmittas.

F I N I S.

Errata

sic corrigita

pag. 2.	Desipere	Desipere
pag. 11.	formidabilis	formidabilis
pag. 13.	Auxilio	Auxilio
pag. 16.	Reuara	Reuera
pag. 17.	Riscendens	Discedens
pag. 27.	Transmittit	Transmittit
pag. 30.	efficax	efficax
pag. 36.	Ingluuiet	Ingluuiet
pag. 45.	passionem	passionum
pag. 53.	eorum	earum
pag. 75.	catharrus	catarrhus
pag. 78.	saccun	siccum
pag. 79.	decolorer	decolorat
pag. 80.	bollierit	bullierit
pag. 89.	in praesentiam	in praesentiarum
pag. 90.	proprietates	proprietatem.